

X 05
A 95

43 91

Առ Ռուսներ



ԱԲԱԿԱՆ • 1977





Обложканың 1, 4-ші страницаларында М. Бурнаковтың «Тустар тоғазы», «Сибирь партизаны» хоостар;
2, 3-ші страницаларында В. Бутанаевтің «Сустағы ызығар парчат-ханы», «Абаза — Ах Тобырах Чол» тіп хоостары.

ХАКАСИЯДАҒЫ ПИСАТЕЛЬЛЕР ОРГАНИЗАЦИЯЗЫ

АХ ТАСХЫЛ

ЛИТЕРАТУРНО-ХУДОЖЕСТВЕННАЯ
АЛЬМАНАХ

25

1977

Хакасскяя областная
СИБЛИОТЕКА

ХЫЗЫЛЧАР КНИГА
ИЗДАТЕЛЬСТВОЗЫНЫҢ
ХАКАСИЯДАҒЫ ПОЛІГІ
АБАКАН • 1977

АХ ТАСХЫЛ № 25

Литературно-художественный альманах

Редактор-составитель Т. Г. Тачесва
Художественный редактор В. А. Тодыков
Технический редактор Е. Д. Сунчугашева
Корректор М. Е. Шоева

Сдано в набор 20/VI-1977 г. Подписано к печати 12/VIII-1977 г.
Типографская бумага № 3. Формат 70X91^{1/2}.
Усл. печ. л. 10,20. Уч.-изд. л. 10,40. Тираж 1650 экз.
Заказ 4482. Цена 70 коп. АЧ00691.

Хакасское отделение Красноярского книжного издательства,
г. Абакан, Щетинкина, 32.
Типография «Советская Хакасия», г. Абакан, Щетинкина, 32.

М-0733 — 007 37 — 77
147 (03) — 77

© Хакасское отделение
Красноярского книжного издательства 1977 г.



ИЛБЕК ОКТЯБРЬҒА — ЧЫЛ

В. А. УГУЖАКОВ, Хакасиядағы
облсовет исполкомының кнезі

ОКТЯБРЬ ПАЗА ХАКАСИЯ ӨҢІЗІ

Тиксі Совет Чир-суубыс Илбек Октябрьның 60 чылын таныхтирға тимненче. «Россияның тоғысчыларыҕ паза кресеннері В. И. Ленин пастаҕда турған Коммунисттер партиязының устаанынаң иртірген Илбек Октябрьдағы социалистическай революция, капиталисттернің паза помещиктернің үлгүзін аңдарып, пазыҕ кинцілерін унада саап, Совет государствозын пүдірген — наа оңдайлыҕ государствоны, революцияның чидіглерін арачылаңаң, социализм паза коммунизм пүдірчең өөн тиріг полчатхан государствоны», — чоохталча СССР-ның наа Конституциязының проектінде.

Совет үлгүзі класстар тартызыин паза нациялар ыырлазын саңай чох иткен. Істенцілернің сын чон үлгүзі аймах тілліг улуҕ-кічіг совет чоннарға, тиң праволар пирип, наа чуртасха чол асхан.

Көрімге пістің кічіг хакас чонны аларға чарир. Мының алнында ол иң соона халған чоннарның пірсі полған. Аның поэзының государственнозы даа, пүкүл пос чирі дее чоох полқаң.

Асхыс сағайлары, хойбаллар паза хаастар Минсуҕдағы уездке, чогары сағайлар паза Таштыптағы шорецтер Алтай губерниязына, хызыллар паза Ширадағы хаастар Ким губернияның Ачинск уездіне кірчеңнер. Мының сылтаанда хакастарның орта аттары даа чох полқаң. Хан нымысчылары оларны «минусинскай инородецтер» тіп адачаңнар. Оларның чуртастары 1822 чылда сыххан «Сибирьдегі кічіг чоннар уставынаң» усталқаң. Ол устав хоостыра хакас чирі степной думаларға паза инородческай управаларға чарылқаң, хайда хан чалчылары паза пайлар устачаңнар. Үлгү-чарғы прай оларның холларында полқаң. Аннаңар олар чох-чоос чонны хайди хынза, іди итчеңнер. Тиктең не нимес хакастар аны «хамчы» үлгүзі» тіп адачаңнар.

Чүс чылға чағын хакас чоны пу устав хоостыра чуртаан. Ол аар паза хыяллыҕ чуртастаң аны Илбек Октябрьдағы социалистическай революция поэзитхан. Владимир Ильич Ленин ол тустағы поэзыдыҕлыҕ күрезігдечер піди пасхан: «Кічіг чоннар, алнында парчатхан чоннарның пролетариады ла полыс пирзө, капитализмні хыйыдып, коммунизмге килерлер».

1918 чылда апрельде Минсуҕ уездінің Советі «Хакас чазызының самууправлениезінеңер» чарадыҕ алған. Ол чарадыҕ хоостыра иргі үлгү

орнына аал, волость паза район Советтері пүдіріл сыхханнар. Ал-алынца губернияларға чарылғлап парған хакас чоны уездке, соонаң 1925 чылда округға піріккен.

Уезд, округ Хакас автоном облазы идерге оңдай тимнеп салған. 1930 чылда 20 октябрда ВЦИК Президиумы чарадии хоостыра Хакас автоном облазы пүт парған.

Автоном облазы төстелгені — хакас чонның улуғ чиңізі. Иди Ленин национальнай политиказы чуртасха кіріп, кічиг хакас чонына харындас совет чоннарынаң хада социализм пүдірерге прай оңдай пірілген.

Хан үлгүзі тузында Хакасияда 16 муң чох-чоос кресен хозяйствозы саналған. Олар чылдаң чылға улам на оохтал турғаннар. Ол киректі тохтадар үчүн, прай чонны кооператив оңдайынаң тоғынып чуртирға үгредерге кирек полған.

1929 чылда 36 ТОЗ паза ТОЖ саналған полза, 1933 чылда оларның саны 98-ке өс парған. Совет үлгүзі оларға ахчадаң, үреннең паза чир тоғынчаң тирігдең полысчаң. Ленинград, Москва паза даа пасха городтарның партийнай организациялары постарының иң маңат тоғысчыларын аалларзар ысханнар.

Улуғ частыг кізілер ам даа ундубинчалар пастағы колхозтарның кнес-терін Замуренконы, Колесновты, Петровты, Ефимовты, Соболевті паза даа пасха орыс арғыстарны, хайзылары ол аар тустарда хакас кресеннерін пірге тоғынарға, ас-тамах өскірерге паза техниканаң тузаланарға угреткеннер.

Хазна паза харындас орыс чоны полызии сылтаанда, Хакасияда аал хонии табырах тиліп сыххан. Хысхацах тустың аразына кресен пірігістері күстіг паза пөзік экономикалыг колхозтарға айлан парғаннар. 1933 чылда оларның холларында 125 муң гектар хыра паза 83 процент хазнаа садылчатхан ас-тамах полған.

Сағам пістің областьта колхозтар совхозтарға айлан парғаннар. Иліг алты совхоз 632 муң гектар хыра салча, 153 муң инек мал, 1млн. 781 муң хой тутча.

Прай совхозтар пөзік механизациялыг паза техникалыглар. Оларның холларында 5084 трактор, 2067 комбайн, 2027 автомобиль паза даа пасха техника. Механизмнер паза техника күзінең тоғынған сылтаанда, областьтың совхозтары чылдаң чылға пөзік чидіглерге читчелер.

Ирткен чылда ла хазнаа ит, сүт, түк паза нымырха садар чыл чахии маңаныстыг толдырыл парған. План азыра 3510 тонна сүт, 4524 тонна ит, 251 тонна түк паза 3 миллион нымырха садыл парған.

Пістің областьтың аал хоных тоғысчылары Тиксі Союзтың Социалистической марығлазында көп хати чиңісчи полғаннар, холдаң холға чөрцең Хызыл знамя алғаннар.

60 чылның аразына Хакас автоном облазы аал хонин на нимес, че прай чуртасты социализм оңдайларына алыстырыбысхан.

Революция алнында тимір, чис хайылдырчаң улуғ нимес рудниктердең паза шахталардаң пасха промышленность чох таа полған. Сағам областьта 86 килкім промышленность предприятияезі тоғынча. Олар чылда пір миллиард артинаң салковайға аймах-пасха ниме-ноо сығарчалар.

Ол 1930 чылдагыдаң 236 хати көп. Харатастағы сикпен сохчаң комбинат ла чылда 700 миллион салковайға сикпен сығарча.

Чон хониин паза культура көдірерінде пөзік чидіглерге читкен үчүн, область 1967 чылда Ленин орденінең, 1972 чылда Чон Ынархазы орденінең сыйыхтатхан.

1897 чылда Владимир Ильич Ленин, Суссар ызыға парчадып, чалбах, хазыр Ким суғ хазында тохтап, аның сілиине, күзіне чапсып, аны чонға, коммунизмге тоғындырарға сағынған. Илбек вождытың сағызы пістің күннерде чуртасха кирілче.

КПСС ЦК-зының паза СССР-ның Министрлер Сөведінің чарадин хоостыра 1971—1980 чылларда Хызылчар крайның үстүнзархы чирлерінде паза пістің областыта Соян пірігізі пүдірілче.

Ол чарадығ хоостыра Ким суғның Карлов хызымы тузында Сояндағы пірігістің чүрее — Соян-Сус ГЭС пүтче. Хақан ГЭС тоғысха кірзе, аның күзі 6 миллион 400 муң киловатт-часха чидер. Хызылчар крайның үстүнзаринда, харындас Тываның паза пістің областытың 500 муң гектарда хырлар суғлалар. Чайылған талайынча пароходтар чөрерлер. Соян-Сус ГЭС-тің күзі он Днепрогэс күзінең тиңнезер.

Соян-Сус гидроэлектростанция ибіре 200 азыра килкім промышленнай предприятияелер пүдер. Ол санда 35 пістің областыта: Ағбандағы вагоннар заводы, Сояндағы алюминий заводы, Харатастағы асбест тимнечең завод, Асхыс районда Сибирьде иң улуғ тимір пайытчаң фабрика, Ағбан город хыринда 54 муң сосха өскірчең комплекс, 6 миллион таңах өскірчең бройлер фабриказы, Ағбан городта троллейбус чөрчең чол пүдер, улуғ самолеттар алчаң аэропорт алғыдылар паза көп хадыл, пөзік, сіліг туралар пүдірілер.

Прай пу пүдіріглерге 2 миллиард 500 миллион салковай ахча поэдылча. Ол ирткен тоғызынчы пис чыллығдаң 1 миллиард 500 миллион салковайға көп.

60 чылның аразына улуғ-кічіг Совет чоннары пөзік өзіс синіне чидіп алғаннар.

Хақан-да ээн полған хакас чазылары танычаа чох алыс парғаннар. Мының алнында кізі азағы даа паспаан орыннарда наа сіліг поселоктар, авллар өс парғаннар. Түн тайға тобыра тимір чол, электролиниялар тартыл парыбысханнар, шахталар, рудниктер паза промышленнай предприятияелер пүтклеп парғаннар.

Пістің аалларның, поселоктарның көрімі таныбас иде алыс парған. Совет үлгүзі алнында пістің областыта город чох полған. Ам пис город: Ағбан, Харатас, Сорск, Абаза, Саяногорск.

Областыта 37 Социализм Істенізінің Матыры, оларның аразында 12 хакас. 5 муң азыра кізі орденнернең паза медальарнаң сыйыхтатхан.

Піс ундубинчабыс 30 чылларда Істеніс Хызыл Знамя орденінең сыйыхтатхан РСФСР Верховнай Сөведінің депутадын Хоха Чертыгашевті, Илбек Отчественнай чааның Матыры Михаил Иванович Чебодаевті, Хапчал совхозтың чабаны Совет Союзының Матыры Михаил Егорович Доможаковты, үс Слава орденніг Михаил Степанович Побызакровты, чабан Афанасий Алексеевич Щетининні паза даа пасхаларын.



Соян-Сус ГЭС пүдіршинде

Мының алнында хакастар аразында пічік пілчеткеннернің саны 2—3 процент полчаң. Ам, тізең, оларның иң сымдах палалары Екатерина Федоровна Спирина, Ульяна Никитична Чебодаева СССР-ның Верховнай Совет депутаттары полчалар, олар хазна киректерін үзүрерінде араласчалар. 796 хакас кізі аал, поселок, район, город, область паза крайсовет депутаттары полча.

Хан үлгүзі тузында областьта 13 школада 988 үгренці полған. Ам 290 школада, 2 институтта, 8 техникумда 90 муңца үгренці паза студент піліс алча.

Областьта 6600 кізее 69 больница паза диспансер, оларда 1042 улуг үгредігліг паза 4 муң артығынаң ортымах үгредігліг имці тоғынча.

Областьта драма театры, 269 Культура туразы паза клуб, 13 кино-театр, 2835 муң книгалығ 225 библиотека, книга сығарцаң пөлік, 2 область, 10 азыра район паза город газеталары пар.

1944 чылдаң сығара Ағбан городта тілнің, литератураның паза историяның научно-исследовательской институты тоғынча. Ол хакас чонның иргі-пурундағызын пілерінде, тілін паза литературазын тилідерінде улуг тоғыс апарча.

Илбек Октябрьдағы социалистическай революция кічіг чоннарға улуғ чуртасха чалбах чол ас пирген. Ам хакастарның постарының ученайлары, моряктары, летчиктері, писательлері, художниктері паза артисттері пар.

Контр-адмирал Бронислав Семенович Майнагашев Алтынзархы Пустыг талайча чөрцеңнернің пастығының орынқызы полча. Пөзік чидіглер үчүн ол үр ниместе Октябрь революция орденінең сыйыхтатхан. Иң табырах учуғыстыг самолеттарны ал чөрцең легчик-истребитель Спартак Петрович Мохов. Улуғ тоғыс апарча Новосибирсктегі Наукалар Академиязының техника наукаларының кандидады Иннокентий Сафьянович Чичинин. Археология науказын тилідерінде чахсы маңнаныстарға читче Москвадағы хазна университетінің профессоры Леонид Романович Кызласов.

Улуғ хаалағ идібіскен хакас литературазы паза искусство. Николай

Георгиевич Доможаковтың поэзиязын паза романын, Михаил Еремеевич Кильчичаковтың пьесаларын, Михаил Николаевич Чебодаевтің паза Моисей Романович Баиновтың стихтарын, поэмаларын хакастар ла немес, че көп тілліг совет чоннары хығырча.

Николай Георгиевич Доможаковтың «Ыраххы аалда» романы хоостыра Свердловсктағы киностудия «Хара хус чылы» аттыг кинофильм суурча. Михаил Еремеевич Кильчичаковтың «Абалыг хол» пьесазы көп городтарның театрларында турғызылған.

Область чуртағчыларының улуғ аарлазынаң Лермонтовтың адынаң Хакас облазының драма театры тузаланча. Сцена устары РСФСР-ның саблыг артисттері А. А. Шурышев, А. Т. Щетинин . К. С. Чаркова, А. В. Щукин, А. И. Тодикова, Тыва АССР-ның саблыг артисттері Д. М. Килижеков, В. П. Чебодаева паза даа пасхалары хакастарның театр искусствозын пөзік синге көдір салғаннар. Олар хакас, орыс паза тиксі классика писательлерінің ойыннарын маңнаныстыг толдырчалар.

Идөк хакас чонның поэзияның художниктері, скульпторлары пар. Ирина Николаевна Карачакова толдырған хакас чонның саблыг ученайы Н. Ф. Катановтың скульптуразы Ленинград городтың Хазна Орыс музейінде турғызыл парған.

Владимир Александрович Тодыковтың тимірде тапталған хоостары, Владимир Павлович Бутанаевтің графиказы, Михаил Андреевич Бурнаковтың хоостары Москва, Ленинград, Хызылчар, Париж городтарның выставкаларында араласханнар.

Иди Совет үлгүзі сылтаанда, Коммунисттер партиязы устаанынаң Хакасия пөзік экономикалыг паза культуралыг автоном областьха айлан парған. Тиксі совет чонынаң хада Хакасия істенцілері, коммунизм пүдіриінде наа маңнаныстарға чидіп, Илбек Октябрьны турыстыг сыйыхтарнаң удурлапчалар.

КӨГІМ ХОРЫМНАРДА



Романнаң үзiктер

Хайдаң килген пу Ах кiстерде сарығ састығ, сiвечi осхас сылагай хыетар?

Олар үзiнчi уязын изере Көгiм хорымнар аалның оолларын мондылдыр парилар. Пiрсi наа ла сiлiг тузынаң иртсе, пазох пiрсi абыдыла пас чөр сыхча, аал чинттерiнiң көбленiзiн ачыда көйдiрiп. Анаң той.

Таң кибирге кир парған ма, хачан Көгiм хорымнарда Ах кiстер хызы ирге парчатса, той хайди даа, хазың пүрленiп, порчо чарылған тусха салыладыр. Ол тусха изерiстiре, пiрсi пiрсiнең сiлiг көгерiс турған айдас хорымнар көбк табызына саң саапчатхан осхастар. Аал хыриндағы нымыртығ хыйығ iстi, тiзең, аарлар учуғызына аринча ылап турча паза нымырт чаяягына көбиктенчеткенге төбiй.

Мына пүүн сах андағ истiг күн. Сах андағ той. Аксиннiң чурты, күүлеп, хайнап тур. Пили хасхайта сылагай сыпшығ наа хыс, Ах кiстерөк хызы, көп ирлернiң хоных хонган тузын сагысха кире, угаа өкерсiнiстiг хайын чөрче.

Сыннаң даа хайдаң пасталғаннар ноо даа родта омазын чiдiрбес абахай хыстар Ах кiстер төлинде?

Анзын пiр ле кiзi пiлче. Төрдегi турада кирi сөбктерiне чарых торгы киптер кис салып, амды кем торғы киспинче зе тойға, 90 ас парған иней, пiрде сабыхсып, пiрде чичейе түзiп, прай пу чонны көрiп одырған. Сабыхсып таа парыбысса, аның ирнiлерiнең тыып парған хыйға күлiнiзi түспинче. Аринча хат парған хулахтарына ла той күүлезi чир дее истiле чоғыл. Андағ даа полза, чүреениң түбiнде, ырах халын пулуттар сүзiгiнең күн сузы чарып килген чiли, өрiнiзi арланып сусталча, чарыпча... чарыпча. Ол тiс чох ахсынаң тайнанып, удаа-удаа кимзiк хуруғ ирнiлерiнче тiл пазынаң ирте халадыр. Че часха угаа улуг кiзiнiң характары ла ам даа хайхастығ чiтiг. Чiтiг, өтiг көрчелер. Көрiзi пiр дее кiзiде, пiр дее нимеде тохтабинча. Прай хайынысты өтiре чуртастың часпаң, түс чазызын көрчеткен осхас.

Пиреезі иретке көңні чагбансырхап килзе, улуг частыг инейзер пас килчелер.

— Хайди чуртапчазын, Хызапый уучаң?

— А-а? — искедегөк чили, хулаанзар аяларын туда пирче ууча.

— Хайди чуртапчазын?! — хысхырчалар.

— Изе, пальам, той польча чи, хи-хи,— ирилерин чаба тудына күлүн салча.

Ир ле кизиниң чоогун, аринча прайзының таңназына, тооза исче, алай сизинче бе. Че пүүн Ягор чогул мында. Хызапый иней паядаң анзын сизикти көр парир. Анын, хахсап, хуруп парған көксинде ам даа көп сагыс чөрче.

Тиктең дее, пая иртен Ягор түрчеге киргенде, сурбаан ол:

— Хайдаг тубан часталча хыйыг истинче, паль-ам?

— Тубан нимес ол, уучаң, нымырттар алчасча...

— Хайдаг сацнар пиди тың сыңырасча пүүн?

— Сацнар полбас ол, чуртаан чылларың сарыны полар...

— Амыр, паль-ам, синиң ырызың чүреенде. Көрчем минь ань-ы...

Ань-ы үзе тарт полбассың...

Ол Хызапый уучаның алчаастанган чоогы полбаан. Андаг полза ба, Ягорның сорыштыг наағы пиди тартылыза түзерчик ол ла син сөстөргө. Той-пай күүлеен, азыга саап турған.

Ягор, улуг, хап-хара харахтарың чирзер хазн көрөбізип, сым одыры-бысхан. Анаң, угзалых слепезин одырган чиринеңк позыгдаң алып, сых чөре халган. Хызапый иней үр, аястыг, мөңис паарсаста көр халган анын соонча.

Хызапый иней Халларлар хызы. Че ол көп ние пилче пу родта. Сарыг Пазычах анын чаказы полган, Аглона Сарыг Пазычахтың хызы, Аглонаның хызы Илона, Илонаның хызы мына пу, сивечи осхас сылағай, Алена. Ам на Ленинград теен городта хоос хоостаңаң тогысха үгрөн килип, токтыр полчатхан Арсентайга парча. Силиг, өкер чинттер. Хайда чуртапча олар, пот, анзын пилбинче Хызапый. Кимни туюхтапчатхан чирде тилчелер. Соян таглары аразында, машиналыг килчелер пеер.

Э-э, Хызапый иней чуртаста көп ние көргөн. Ол чахсы пилче, хайдаң пасталган сивечи осхас сылағай хыстар Ах кистер төлинде паза пу көглес.

О, чарых күн, чир чаян! Пастапчабыс чооғыбыс пазын.

Пастағы глава

ТУТХЫННАР

Көгім хорымнардаң төбін тохчакти көрінчеткен Қила аалында Сапон тіп устың чуртын чалаңнар ибiрiбiскеннер.

Ыраххы, ыраххы мөңіс, харасхы чыллар...

Тизектіг чолның тозынын көдіре, сас чылгы өөрі аалға кире ойлаан осхас полған. Уүктезіп, аахтазып, сал чинт ооллар тутхынга чиде салганнар неер. Урүгіс. Табыс.

— Сарығ Пас чоғыл!

— Хайда?

— Көріңер прай ибіре. Табырах! — аахтаан тутхын пастагчызы, апаңас тістіг, чабызах хара хамахтыг ирен. Ол, хысха хамчызын көдірiбiзіп, пірде пірсiне чахығ пир турған:

— Көріңер прай! Ілбіктің ооллары чиде салза, хатығ урунар. Сибуча тайымның даа мунзурин ник.

— Э-эй! — хысхырған ол, ах хасха асхырының суглухтарын сілги тартып, пір орында тепклендір чөріп.

Сакис, прайзынаң даа чинт, ныхтам сынынғ полған. Анаң адына хамчы саап, улуг чүгүрістөк нзер үстүнең иб хырынзар сегірібіскен. Чібек хурынаң паза хызыл ис көгененең түңүк үстүнде чалбыри турыбызып, ол пазох хыйгы пир сыххан.

Аалдагы чон хорылыс турған. Сакис тутхынга килгенде, чахсынаң чазын хал. Оой киліссе, нычахха даа аябас ол.

Сарығ Пазычакхың харах пүлес уучазы, тітіресчеткен холларынаң сырайын-пазын туу тудынып, кем-де сабарга итчеткен чіли, иб хапазына чапсын партыр.

— О, хан-худай, Сапо-он! — хысхырған ол. Че аның үні, таңах-хус паза адайлар табызына. аттар табанының тігіртіне, сарығ тозын аразында поэына даа истілбин, чіт парча.

Хайдағ хыял түсті ағаа? Чалгыс оолгы Сапон, Кузнецкай чирің-зертін сіліг хат алып, итті пу имені. Позы даа час албады.

— Ноо агылғазың пу хатты! Таниктің хызын ал тібеем ме... Сіліг кізінің часказы пар ба! Тур, Паачан, көр пу чонны, — иб хабырғазын аянаң саап, хысхыр сыххан кирі иней. Ол прай ныроны киліне паза хоғдыра килген аның палазына салған.

Агас, тимір узы Сапон Паачанны ырахтаң хасхыр килген полған. Хасхыр таа килген ме зе. Ацнаң чөріп, тис чөрчеткен азах аар хысты тайғадаң таап килтірчiк. Аалдағылар ам даа чахсы пілбинче, таң кізі ипчiзiн хасхыр килген, таң хайди полған. Көп чоох парча. Че олар азах чара алтабас, адынаң адаспас ынағ чуртааңнар. Ікі хыс төрiткешер. Хоғдыра, хурсакта килгені пу — улиң, абахай Сарығ Пазычак.

Аны сахлатха саап, ікі хончың аалның пайлары пылаас париганнар. Ікінүі тутхын ам даа ырах чолда тозын көдір килиген. Сибуча чалгыс оолгына род чазир абахайны аларға тутхынчылар ысхан.

Ат андара сапчаң күстіг Сапон чоғыл удурлазарга, Паачан, ирнің соонча чобаға, агырыға саптырып, чадыға.

Ікинчи тутхын Чилліг Харасуғзартын килче. Ілбіктің ооллары. Ат чарызында Сибуча пайның түктең түкке салган чүгүрчөң хара ады Ілбіктің хара адынаң хала парганда, Сибуча, уттырған ахказын ур пиріп, теен:

— Хара ат халды, хара алгай хахталды. Че, харындас, Сибучаның кістесес хара тайы парох, алчаң хызы Халлар хызы парох.

Чарыс тойы ирткендөк, Ілбик, аны икенде, тутхынга тимненібіскен. Сибуча, тізең, сахтагда полган.

Садыглас казактар тиремнезінде парган, садылчатхан, үлезіп ылаасчатхан хыс, тізең, пу тастых, кічичек Кила аалында, пір дее нима пілбин, өзіп, ойнап чөрче чох ибічеенде.

Пайлар хысты ис-пайы үчүн аларга хынадырлар. Пу ікөлең, тізең, изірікке удур-төдір азызар үчүн марыға салганнар пырозы чох паланы.

Ол туста Сарыг Пазычах суғ хазында наа ла пысчатхан нымырттарны, тееріп, чіп чөрген. Пу чазынаң ирте тыбысхан хыс полган. Іезінің аллыг, узун даа көгөненен кис салган полза, чинт, тың пүдізі іле пілдір турган. Сарымсых, халын сүрместерінде чоғар сунган сай маниттер сыгдырас парча. Арыг наагычактарында пырланчых оймагастар, көбіг ирнілері хызылгат өңніг. Ахсына нымырттар тастаан сай наагындағы оймагастар, өрінген чіли, ойналыза түсчелер.

Ібіре истіг, амыр. Чинт хыстың істіндегі ишик өрінізі чіли, ах өрбекейлер өөрі, чылыг киче халбастаныс чөрің, пірде пір наагына теен, хылчыгастандыр парыбызадырлар. Андада Сарыг Пазычах, көдлче ырын тохтадың, сылтаг чох хатхыр салча. Аның үні искечек, күмүс маниттер сычыразы осхас.

Сарыг Пазычах, суга киліп, үр алчаастаныбысхан. Аның иңнес-көнектері мындох кибірек көк отта чатхлааннар.

— Пу-у, суум чи, — хабына түскен ол кинетін. Көнектерін хаап, суғ сустарға, идеен пөзік көдіре, агын суғ ортызынзар кіре халган.

Әх, маңзыраба, хызычах, ичезің ме залдагы хорылысты. Пір-ікі чапчаң мөкейіс, толдыра көнектерінде күн сузы сагылыза түскен.

Ана ол туста кічиг туцмазы Хызаңый чар үстүнде, үрүкпиннең, көрін килген.

— Сарыг Пас, тис! Сипі Олакайга тударга итчелер. Тис, ичечеем! — хысхырыбысхан ол. Анаң, алаң ас парган ичезінің холындагы көнектерін хаап, суғзарох түзірібізіп, маниттерөк сыгдырасчатхан сүрместерін чайылдыра, Сарыг Паснаң хада суғ кизіре арыгзар ойлаан.

— Тис, тис, ичечеем, мин Олакайны көр полбинчам. Талтах, ирні халбах... Пістің алныбысха турысчаң кизи чоғыл. Тис, ичеч, — хысхыр парып одырған туцмачаа. Ол чазынаң пір часха ла кічиг, саарбах, тың хызычах полган. Ікөлең хости ай-хут чох, тимер ле чүгүр сыхханнар.

Сах ол туста кистілерінде табыс истіле түскен. Хызыл көгөнектіг, торгы хурлыг оол чар үстүнде чалаң турыбысхан.

— Пеер! Мында-ар! — хыйгы пасхан ол.

Сакис, суғны пір-ікі ле сегіртісте кизіре ойладып, пичелернің соона кірген. Аның соонча читі чалаң көріне түскен.

— А-а, якра! — өрчiліг абағырған тутхынчы.

— У-ўк, — тіп хысхырып, чоо хатхыр сыххан. Анаң, ат азаанаң ікі чара ойлапчатхан хыстарны ибіре ойлат пар киліп, ат чүгүрізіндөк, Сарыг Пазычахтың үстүне көні атығыбысхан. Махалыг тутхынчы полган ол. Аның алтында, пик хойнына хап-орта пол парған орлап, сыхтапчат-хап хыстың ізіг, хатыг пилі.

— Хайдаг чахсы пызылагас, — чаба пасхан чоо тулгапчатхан хысты.

Аның хулаана теңмеен ачыг табыс, идіне читпеен Хызапыйның ікі холнаң нитке пастыра тоорчатханы.

— Йо, іцең! Йо, пабаң! — үнге харлыхчатхан Сарыг Пазычах, пик холға кір парын.

Түрчеден сыдыр иреннер, хызычахты ікі холтиинаң хаап, ікі ат аразына хысти тудып, ойлада халғаннар.

Ілбіктің тутхынчылары хуруг халған.

Сибучаның чурты күүлеен.

Орай иирде Сибучаның аңмарында тохчах сымның Олакай, тітірес-четкен холларынаң хурын чир дее орта палған полбин, сиңиңас үннең абагырчатхан:

— Че, тур. От хайдаг... турбахтапча нізе кизіні. Састы үрібіскен-нер... паза нойма, — узаңнаан сағыстаң хысха ирке өскен оол. Ол, мыс-мас тынастап ала, кічичек ипчизіне перінген.

Сигіс пулуңни кирткен улуғ ибде той күүлеен. Сас тойы тохтабин париган пай ибде.

Он пис-он алтаа париган Сарыг Пазычах тохчаhti тебіл парган тоннар, хой теерізі чорғаннар үстүнде, пу чирдең ас парып, сагыс ай-ландыр полбин, түргеліп, агаханчатхан. Нискечек тыргахтарынаң ты-нын үзерге сіренген. Сыытха үні пүт парын, көксін, сырай-чүзін ора-чара тартынған.

Хайдадыр сірернің чүрееңер, кизілер! Ноға полиспинчазар агаа?

Че кизілер Сибуча пайның чуртын мўнге, арагаа палгаснаң хада чуурапчатханнар. Кизілернің кирее бе? Олар постары хоныхты іди хон-ганнар, паба-ічелері, аға-уучалары іди хонған.

Той күүлеен.

Пір ле оол, улуғ тынып, удаа-удаа аңмар кистінээр чөр кил турған. Ол апагас тістіг, сибірек, хара састыг тутхынчы Сакис полган. Пу кўн аның хылыхтыг чүреен улам сайбап салды. Аринча сылтағ чох ипчизін өдір пирче.

Той күүлеен.

Агбай парған пухталых сагаллыг Сибуча хысхачах ниннерінең азы-ра сырайсчатхан сөөк холларын столға саап одырған.

— Мин теем, оолгым Халларларның сіліг хыстарын алар... Мин теем! — аахтаан позы позына көкіп, ахсынаң көчелер пытырадып ала.

— Алар Сибучани, алар! — көкіскен изірік тутхынчылар, чир столы ибіре харахтарын чадап ла көріп одырғли.

Столда, чир полда час иттер, үгүре төгілгені, үстер чаба тооп парған халын аях-сампахтар, арағазы тооза ізілбеен хара чірчелер тыгылысхан. Той. Кізілер чир полдох одырғли изірглееннер. Сибучаның ипчизи, тынызы хызылчатхан, харалта симірібіскен ипчи, чалгыс оолгының тойында араға үлең сараны позытпнн, посхылар, піленелер сооладыбыс чөрче: көрзіннер аал-хончых аның чалгыс оолгының тойын. Ол істінде парчанына өкпеленіс ал чөрген. Нимее дее чарабас хуу сөөк хаттарының төрт-пнс пала. Қалоның — андаг толдыра төреен кізінің — пір ле чалгызы. Көрзіннер... Хыылада тынып, чайыл чөрген Қало.

Суулас, күүлес иб түйүгінең сығып, кічнчек аалга толдыра тараан. Тасхар адайлар, сөөк пылазып, тудыс чөрчелер.

Ана анчада хызыл сии тырбахтат салған, халбах ирні уламох чамдыхти халбайта сіс парған Олакайи кире салған. Эчегі налбайта пазылған маймахтарынаң чир полдагы налғасты чаххылада орнында наннаң нанга чайхана, типсен турыбызып, ізік наагына чөленібіскен.

— Наб-аң, — тіп хыңзи тартып, ах килген снлегейін іскер тартыбысхан. — Мин аны албас-сым. Ол кічнчек най ла... турбахтапча, — пулбырабысхан ол.

Сибуча, чапсынысчатхан кірбіктерін чара тартхли көріп, ахсын улуг азыбысхан.

— А-а, оолгым, ха-ха... Оолгым, -- тидір. — Кічнчек не? — хатхыр сыххан ундар. — Час ит чазылчаң, оолгым...

Кізілер, чурт ээзіне полызып, ікірізін ала, хатхырысханнар.

— Я, я, час ит чазылчаң, О-о-олакай, — тізіс турлар.

— Ағылыңар килнїчеемнї, — хысхырыбысхан Олакайның пабазы. Ол изірік тее полза, азах үстүне пнк тур килген.

Ана ол туста Хызапый, ибінзер айланып, ічезінің табызын не полбнн, позы үгүрген тағ төзіндегі салганахнаң на пўт парған аалзар. Тыт ағастаң тургысхан хаалха ізіктіг Сибучаның чуртына кире ойлаан.

— Пирбесннн пичемнї Олакайга, — хысхырган ол. Че аны чагын птисеннер. Орай ширде улуг сыытта нан парған хыстың соонча Сакнс чалаң одырыбысхан. Ниме полған анда, худаи ла пілер. Ол күннең псер киреенче Хызапыйны кізі көрбеен.

Қила аалындагы Сапон устың чурты іди үрең халған. Чалгыс сарын на халған:

Сапон тайымның чуртында
Сарыг кирен не бе халтыр.
Сарыг киреннің пазында
Сарыг хусхацах тапсапча,
Арса, ол синзің, тайычаам.

Кем-кем ачырганып ырлаан аны, ол сарын чоңда сннн парған.

Ікінчі глава

Андаг үлүстіг полар чи Сарыг Пазычахтың роды. Аның очы хызы Аглона наа ла бөрлене түскенде, улуғ частаныбысхан Олакайның чуртын чалаңнар ибiрiбiскен. Анзы ээзі чох чурт полбаан. Сибучаның харындастары Олакайның хызының үчүн iкiнчiзiн тутхынчылардаң тогыр харбас париган. Хана-хахпах тооза ходырылган. Иб үстүн талап кiрерге сiренчеткен тутхынчыларны сыраларнаң түзiре саап турганнар.

Олакай мирчен, хырых азыбысхан ирен абахай хызының алнына тынын сала турысхан. Ана анчада ханы-сөөлi чайылчатхан тутхынчылар аразына кире ойлат килген чалаң оол — Ягор. Хартыга нораатайлар бөрiне кире учуххан чiли, кiзiлернi пурлатхан.

— Ат салам! Тохтаңар!

Хол мылтыгын чоғар тазыладыбызып, чабал табыснаң оорли түскен чибiргiче частыг оол. Тутхын кiрген хыс ол табысты сахтаан, iзенген агаа, килер аның Ягоры. Ол сiрее алтында анда даа чох, мында даа чох чатчатпинаң, Ягорның үнiн истiп, кинетiн, ух чiли, сығара хонган.

— Ягор ал хал минi! — хысхырыбысхан өтiг табыснаң, че чон суулагына аның үнi истiлбiн дее нарған. Чон аразынча өтiре хонып, хондына наганныг оолның iзеңезiне чапсыныбысхан.

— Яго-ор! Тастаба минi!.. Ягор! — тiп хысхырып, iзеңеден чарылбiн, ат хабырғазында, чурух чiли, хада айланып силiл чөргөн кiчичек Аглоначах — сiлiг, постаң хыс.

— Толька кил көр! Ух тазыли ла түзер, — ырганыза түскен сылыхан тутхынчыларзар кiчичек мылтини көстебiскеп узун сынның, искечек чалаң оол. Адын одырта кире тартыбызып, чон алнында плесет салдыра, айлахтандыра, турғызыбысхан. Аның хуурта тарт нарған сырайыпаза сiрлестiре, тiс өтiре сыга пасхан өтiг үнi, чоо сур салган адының көрiмi — праи сыннаң даа чаксы ниме поларын чоохтабинчатхан.

Толаганың тутхынга килген чошы нандыра пазынган. Кабрүс ле, чоон, күстiг ирен, хой пазынча хырлыг тас хаап алып, хабыргали тогыртын наганныг оолзар көөлче чагдаан:

— Мин аны, хызылахты, амох чызыбызам, — тiп. Кабрүс, сарсых ах тастаан харагын тоглахтандыра көрiбiзiп, хуластанарга маңнапмаан. Кiчичек ух, сеек чiли, хулааның хыринча ыщын халып, кистiнде ханаа күпли түскен. Кiзiлер хысхырызып, пытыри халганнар.

— Толька кил көр тiпчем. Сiрерге пурунгы закон нимес ам, — нзерде чачыри түскен Ягор, адын тогыр тартыбызып. Ол наганын түзiрбинөк китен турыбысхан.

Түрчедең чон хычанызып, кизекти-кизекти чыылызып, тарас сыханнар. Олакайның чурты улуғ чаа соондагы осхас, оңар-тискер хазырыл халтыр. Тутхынчылар чалгыс оолга, наганныг даа полза, маң пирбесчiк. Совет үлгүзi турча ноза. Ягордаңар «чабал оол», «партизан оол» тiп чоох тарап нарған полған.

Чурт ээзі сарсых ницi үзе тартылган көгенектiг, көксiн хыылада тынып ала, нимелерiн оңар-тискер силгли, Ягорзар кiзiлер аралн хазыр

көріснен олаңнап килген. Аның холлары, мойны, тохча сырайы — прай тырбахтат салган полганнар. Сарыг тістерінде хан көрінген. Ол, ылгап, сырайын чаба тудын турган хызын, холынаң хаап, өкпеленіснец хыя «ілібіскен. Тістерінің аразынаң түкүрібізіп, Ягорзар алгыс орнына, пудурғы тутхынчылардаоң чабал көрібіскен паба кізі. Ол пу оолға тың хынмин турган.

— Советскай пласттың хонххта кирегі чоғыл. Хынзам — пирем хызымны, хынзам — пирбеспін, — тіп сымңни түзіп, ол Ягорзар алдыра түкүрібіскен.

— Андагда ноо өдірісчезер? — ачырган парган чнит оол, наганын наньындагы тууп сумкачахха сугып.

— Кибір андаг. Синің кирегің чоғыл. Пісті советскай түзет полбас. Хызымны сееге пиргенче, Толаганың оолгына позым анар пирем, — аахтаан Олакай, аал Советінің хачызы полчатхан комсомол, партизан оолның наньындагы наганынзар харах хырынаң көріп.

Ягор, тізіп ызырынып, адының тінін чыы тартыбысхан. Ол Олакайның очы хызына тың көбленчеткен. Анзын прай чон пілче. Тутхыннаар пстп, чнит оол, хус чілі учугып, ойлат килген. Аглона даа ізенген, Ягор парда, агаа кізі теңмес. Аның аарлыг көбленізі пу пөзік, махачы оол.

«Килді, аарлним, килді!», — сым туюххан күліне түскен чнит хыс, ирлілерін ызырыныбызып, хыя пастырып.

* * *

Ана ол туста тогырхы сиденге чөлене турып, өтіг көк харахтыг, хойыг көміскеліг орыс ирен пос алынча пазын чайхаан:

— Ай-ай-а-ай... Беда, беда...

Азахтарын пик талтайта тіреніп, паядаң көр турган ол пу «чааны». Че ара кірізерге чаратпаан, аның кирее пасха полган.

Я, сынаң, «ай-ай» полган чн мында.

Кирі-хуруг агас хаапча. Мычырт-мачырт ла полган пая. Сиденде сиден иңзерілче.

— Ну, нойме... нойме урузар. Кат алча, гулять полча. Ай-ай-ай, комай, плакой, — «хакастаан» пудурғы орыс ирен, тудыс тохтап, кізілер анда-мында тохчакталыза турыбысханда.

— Плакой, плакой... Комай, комай, — агаа удур «орыстап» сіренген чоохтаң хуруг халбас Олча тіп илчі. Ол узун, парбах тулшынның, чалгыс сілшннің, узун ахсында өллеп, үріп-саяп одырган. Істінде ачырганча Олча хыныг тутхын піди тоозылганына. Айна хысты анар полбадылар. Ол часха Ягордаң улуг даа полза, Ягорны холга кирип аларга сағын чөрген. Субай хат ноза. Ханы күстіг, хазыгы хатыг.

— Кат алза, той, күлет нада... Күлет... Пістің «комай», «ыхы-ыхы» полча, — сөс таппин, тудысчатханнарны көзідіп, холычаанаң позының ээгін, наагын санхланча Олча, өткінін салып.

— Піди, піди полча. Комай, комай. А сілердің той полча «-а-а-а» сарнасча, я? Карашо. А снн кат алган? — суулапча.

— Сарнасча — карашо, хыс тутча — плохо.

— Пот, пот. Сілердің «карашо» кыйга, — «орыстапча» Олча. — Пот, истіңер, палалар, оларның хайдағ «карашо», — көкерсіменене түскен орыснаң чоохтасчатханына. Олғаннар, ибіре турып, ахсыларын азынғанча тыңнааннар. Олча орыстап таа изілдірлече.

Хачан тутхын амырап парганда, Ягор, адынаң түзіп, тамкы тамызып, ибіре харахсынғли турыбысхан. Андада ла кинетін көр салған ол Омельяновты. ГПУ тоғынчызы тиктең мында полбас. Тамкызын пір-ікі сорыбызып, Ягор, таң уят парып па, өрін парып па, прай хызара тас килген. Адын чидекти пастыр парғап сиден төзінзер. Омельянов, аны сагып, харах таа тыплатпнн, күлімзіри чікелеп, ікі чығанаанаң сиденге таян сал турған. Пик сапогтығ оң азаан алнынзар ырах тірене теен салып, сол азааның пазынаң пулғастандыр турча.

Ягор тирлеенче хызар парған. Ол аның наған атып, чоо күдезін саап турғанын паядаң көр турғанға төйі. Илектеен чіли, күлінче.

— Торова,— изі чохтан парғанын пазынарға, пір дее ниме полбаан чіли, тыыда чоохтаныбызып, Ягор холын суна пирген.

— И-изе-си, дорогой,— уламох күлінібіскен Михаил. — Ну, чо... воюем?..

Ягор, мондылып, идсенең чайхал турған Олчазар хази көрібіскен, хыя пар тіп сизіндіріп.

Олча, толгана түзіп, сиртеңни айланыбысхан.

— А-а, советской пласт, — тібізіп, соон толгалдыра-толгалдыра хыя пасхан. «Мин хомайбын столи, хынминчазың. Қирек полза, хазах нанчыңны даа холга кирем. Сакис, тізең, минің холымда... Тілеңер, тілеңер аны», — істіңде күлін парып одырча Олча.

Ікі нанчы аның соонча пырсылада хатхырыбысханнар. Анаң хайдағда туюх чоохта аал Совединің туразынзар пастыра халғаннар.

* * *

Орай нирде Аглона Ягорның чачазының хырннда полдох, киис төзеніп, чатхан.

Пүүнгі күн түстегі ле осхас пілдірче. Пірде ачығ хомзыныс түүл килче, пірде өрініс изіс килче. Ягор аны нирбес. Агаа хоза комсомолга алам теен. Пабазы ла чаратпас. Ол Совет үлгүзіне чир дее хынминча, тиктең хасхыларнаң пірлесче бе зе.

— Ох, — өстебіскен ол, тұрчеге Хызының чоогынаң чарылып. Хызи постарының хайди үскенін, Ягордаңар, аалынаңар чоохтапчатхан.

— Аалыбыс улуғ полбаан. Кизек тадарлар чуртачаң. Хызыххлап-чабыс, хорыххлапчабыс. Улгү алыс турча. Пірде хызыллар, пірде казактар. Ягор андада он алты ла частығ полған. «Мин хызылларзар парим», — сурынчаң. Анаң чөрібіскен. Пабам ат нирбеен. Аттаң чазағ чөрібіскен. Крестер анда. Крестерге кір чөрібіскен, илеңни ле, тал аразына кіре халған. Ічем ылғапча.

— Ат таа нирбедің, айна, — тіпче пабама.

— Пар, Хызи, апар ат, — тіп, тын-таш ла пол салған пабам.

Анаң «Часпаң» тіп олтырыхта чидіп алғам. Одырбинча. Мин одыр-

тыпчам. Аннаң андар апарчам. Хысхы. Чугачах ла платтыг одыр салгам. Хорыхчам, тооп парбим тіп. Ойыгасха түс килгенібісте, хар чаап сыххан. Халбахтап-халбахтап чаапча.

Алныбыста ниме ле илencesче, хар аразында. Парзабыс, таныс орыс апсах. Кем чи, Невейкин Иван полган. Тохтапчабыс.

— Дорова...

— Дорова.

— Куда, дядя Ваня?

— В Красную гвардию.

— Я тоже...

— Че, айлан, — тееннер магаа. Анаң мин айланчам. Олар чөре халганнар.

Аның үчүн казак хаарганнар өдірген, соххап мині. Пабамны, преме, плет салганнар. Иирде пірсінде тогыстаң килзем, хан на чайылча. Кізі чогул. Анаң иссем, пабам-ічем ойлазыбыстыр. Піс чазыныбогысхабыс. Соонаң, пабамны тудып алып, пазының теерізін тооза сызыра сабысханнар. Ая чалбаанча теер хулағы хырнида чалбаанча. Пабам аны ічеме кистірге. Ічем кистинче. Анаң ірік чохта пычахнаң үзе кизібіскеннер. Тың ирееленген пабам. Ічем аны, сүт хайнадып, үстүнде чугачах өреме тартып парза, чылинан аның ідіне чаба пазып ла, имнеп алган. Анаң сыгара, хараана чачырап, чудап парган ол. Ідөк үреді өрекен.

Колчак казактары полган ол. Амгы хасхылар андох полган, пу Сакис ниме чи...

Пірсінде пабамны сохчатханда, пірсі мині мылтыхнаң сасхан, хамаамны чара. Аның сорыбы пу. Мині сыгар тастабысханнар, ікі казак ат хырнида турча. Пірсі мылтых чыдазынаң аргамны тайлыхтыра сызыр парыбысхан. Пабамны чоо өдірчелер:

— Нога палацны андар ысхазың?! Нога ысхазың?

Анаң пірсі тіпче:

— Убитай он... Оолгың городта щиблеттіг, костюмныг өліг чатча, — тидір. — Убитай ол пёс, — тидір.

Пабам сым на турча. Піс тее ылгабинчабыс. Анаң пір апсах казак піске сала ачын парган, чоохтаныбысхан:

— Хайди идер аны, позыдыбызыңар, — тіп.

Мин ол казаксар, худайга ла чілі, көрчем. Анзы улам ачын парган: — Паранар, — тидір.

Хараазын сигіс казак көзенек алтында хонган. Ниме ле хычырапча. Ічем көзенектең хысхырча: кем ол? — тіп.

— Не кричи, — тіпчелер.

Көрзебіс сигіс ат изерістіре турча.

Піс ічемнің хырнида, таңах палалары чілі, одыра хонгабыс.

Таң көгер килзөк, хайдар-да субалыза халчалар.

Паза иирде от тамыспинчабыс. Көрзебіс, пазох ат пазы...

Ічем махачы полыбысхан.

— Ниме хадарчазар? — тіпче.

— Хадартыпчалар. Хайди идербіс, — тидір пірее чахсызы.

Анаң партизаннар килгеннер. Ким турыбысханда, тогыртын кистірлер. Аттарын хабыргали чаттырып кичіптірлер.

Ана ол кўн Пашка тiп чабал оол туттыр салган. Ол дiстiң чааны-бысха читкен. Чиит, чабал.

— Хайдар кiрим, хызыллар кили, — тидiр. Оразар кiре халтыр. Ол пабамны тың сохчаң. Аның хызычаа ойлап килген:

— Пабам казактарзар чѳрче — кiзi ѳдiрче. Хылызын мында чуупча, — тiп.

Тудып алганнар айнаны.

Анаң пу туңмачаам хазых айланған. Хызыллар, пiсте кiрiп, чей iчiп парчаңнар. Пiр кўн килiп, тидiрлер:

— Че, пiс парибыс. Ягор, син чиитсiң, ибде хал. Наа чуртас паста. Пайларға тоғынма, — тееннер.

— Мин оларға тоғынмасын, — нандырган туңмам. Хучахтазып, анымчохтасчалар.

Партизаннар чол сыгыбысхандох, Пашканың харындазы пычахтыг килген. Туңмам салда тыхтап чѳрген.

— Че, хызылах! Хызыл айна, амды санас салам синiнең, -- тидiр. Туңмам салда хырчаң тмiрнi хаап алған.

— Че, кил, — тiпче. Хайран чалғыс туңмам. Он алтылыгда ла кѳн илегнi кѳрген ол. Аның нанчызыг Рогов полған. Олар ам даа, тогазып алза, чоохтазып, чобал турадырлар.

«Прощайте вы, горы родные!» тiп хайдаг-да сарын сарнидырлар.

Кинетiн сым пол парған Хызи. Аглона, аның чоогын тыңнап, тўнўк ѳтире чылтыстарда пудурғы Ягорны чалаң хостаан. Мылтыхтыг, хылыстыг, чылтыстардаң сағын пытырадып ала, пастырча. Ады чылтыстарнаоҳ пызыңнапча.

«Прощайте вы, горы родные»... сарынны сарнапча Ягор.

«Эх, Ягор», — улуг тыныбысхан Аглона, Хызизар айланыбызып.

— Андаг минiң туңмам, — тiбiскен Хызи, аның улуг тынызын сизiнiп. — Узирын килче бе, Аглоначах, — пазын кѳдiрiбiскен Хызи.

— Чох, сағынчам, — нандырган Аглона.

— Ниме сағынчазың, иркечеем?

— Ягордаңар... Амды нинче час агаа? — сурыбысхан. Аның ўни-чеенде тың улуг паарсас истiлген.

— Ягорға?.. Пiс пеер кѳчiп, ўс чыл чуртап салдыбыс. Та-ак, чи-бiргi тѳрт...

— Магаа он читi ле, — хомзына чоохтаныбысхан пiрсi.

— Че, узу, иркечеем... Ипчiзi ирiнең чиит полчаң...

«Ипчiзi?» Аглонаның кѳксi хайдаг-да iзiг-iзiг ѳринiске кѳдiрiле сабыл килген. Аны Хызи килнiне санапчаттыр. Илеede сѳс сыгар полбин, Аглоначах тiбiскен:

— Исчезiң ме? Ноға кiзi, хайди хынза, иди чуртап полбинча? Iчемнi ирге тудыбох хондыртырлар. Амга теере илепче. Минi Толаганың оолгына тут парыбыссалар, мин олох кўн ѳлiбiзем...

— Иди чарабас. Синi Ягор пирбес, Аглона... Ол сагаа тың хынча.

— Сынаң иди килiсчең полза... Мин Ягорға тың хынчам. Че ол... Минi алар ба ол... — таң Хызинаа, таң поэзына чоохтаныбысхан Аглона.

— Алар. Мин кѳрчем, — теен Хызи.

Узінчі глава

Хараа аал алтынзар үс хатап тачыра мылтых нызыри түскен. Хы-
зинанаң Аглона, тиңе усхуна чачырап, үрүге одыра түскеннер.

Адайлар, аалга пүүр кирген чили, абагырыза парган. Ана анчада
пазох мылтых күзүри халган. Пазох! Хайда-да огородтар кистинзер
табыстар истіл сыххан.

— Господи, благослови... господи, благослови, — сыбыхтана түс-
кен Хызи харасхы ибде. Аглона аның хойнынзар кірібіскен.

— Ягор полбазыи... — Аглонаның тістері ле тазылаза парган. Иб
істі харасхы. Тасхар пазох сүрдестіг амыр турыбысхан. Адайлар ла
чоо үрісче.

— Ииме полча полчаң, худай, — чадап чоохтанып алган Хызи.

Ікі-ипчинің үрүгізи хозып, тасхар тың-тың чоохтар чагдаан.

— Пеер килчелер! — Аглона сірее алтынзар чыныли халган. Хызи
ізік пиктирге ойлаан.

— Ушел, гад, — орыстаан пірсі.

— Хайдар парбас ол.

Ікі ирен, көксөреніи, түкүрізіп ала, ізік хыринзар пастыр килгеннер.
«Тук, тук, тук...» тазыли түскен ізік. Тасхар чүген ме, мылтых күбезі бе
сыгырап парган.

— Чачаң, ас... Узупчазың ма?

Аглонаның чүрегі ахсына тыгыл килген осхас пол парган. Ягорның
үни танып таа салганда, ээгі тудылбин, саргас чили, саргал турган.

Ол төзексер табырах айланып сүргенібіскен.

— Узубинчазың ма?.. Че, Михаил Семенович, пртенге тесре.

— Хайди чоохтасхабыс — иди, — нандырган орыс кізі.

— Пока, — сууласханнар тың-тың чоохтар.

Ягор, кіріп, туруннарны сагын пурлада тибіредібіскен. Иб істі ча-
рыбысхан. Хызи, табырах оңарын парып, отха хоза ооҕазах одыцнар
салыбысхан.

— Худай, хайди пол чөрчезер, Ягор? — чоохтаныбысхан ол.

— Та-а... — нандыр салган анзы. — Пол чөрчөбіс. Сакісті пазох
позыдыбыстыбыс. Атысча айна. Пөрним сура шалдырыбыстым, — хат-
хыр салган Ягор.

Аглона чорган алтында кинетін сүүледе ылгап сыххан. Ікірче. Туу
пазынча, че ызы тохтабинча.

— Хосханах. Кемдір пу? — от хыринзар одырыбызып, Аглонаның
састарына хол теертібіскен Ягор. Ол хасхынаң даа атысханга төйи пол-
баан. Кибі прай почылама, суулапча.

— Кемдір пу? — тібіскен пазох.

— Аглона, — нандырган, отха чей турғызып, чачазы. — Сагызы-
быс пір халбады... Ок, ол айна Сакис пазох айланды ноо пу чирге...
Пыроладарзың, туңмам, пу хасхының үчүн.

— А-ай, — нандыр салган Ягор. — Аглона, нимее ылгапчазың? —
көгліг үннен чоохтаныбысхан ол.

Аар, соох, истіг чалбах аязы Аглонаның пазын сыйбаан. Аглона, пілінмин дее халган, хайди пазын көдір пиргенін паза тамкы чыстан-чатхан аяны тудып алып, наағына чаба пазыбысханын.

— Ох, Ягор... — тирге иткен. Че уламох тың ылгабысхан.

— Ылгаба, Аглона, — теен пірсі, холын чиит хыстың иркелезіне пос сала піріп.

— Ягор, мині тут парыбызарлар. Мин өлібізем... — пасха сылтаг тілеен, Ягорның үчүн хорығып, өрініп ылгабысханына.

— Тутпастар. Мин теем тутпастар, — хатыг ізеніснен чоохтаны-бысхан ир кізі. Аның чүрегі улам ізіг сабыла түскен. Мына аның улуг паарсазы, көбленізі кічичек Аглоначаа, абахайы. Амох хучахтап алар, пөзік көдіріп, паарына, чүреене чаба пазар, охсанар, иркеле-дер. Че пар ник хуях, чиит хысха хол теертнес улуг кибір. О, ол кибір-нен пос полза, хайди иркелірчүк көбленізін.

Ягор, чей ізіп алып, улуг тыныбызың, сіреede чадыбысхан. Ікөлең, тастыхти чадып, чағын кіріс полбин, сағыснаң иркеледіс хонганнар пір ибде. Хайдаг уйгу полчаң, хол сунзох, чидіс парар чирде ікі чиит көбленіс чатчатханда.

Иртенінде үрүк парган Олакай, хызының кізіде хонганын піл са-лып, Хызының ибінээр кире хонган. Аринча хахап парган. Аглона, аның абахайы, узупчатхан Ягорның пазында одыр салтыр. «Консомол» оолның пөрнин хучахтаңча, харахтарында частар сурланысча. Пірсі ник узупча. Хызи даа, кізі дее чоғыл.

Олакай, тілі тарт парып, турыбысхан. Путхалых сагаллыг ээгі тітірезе парган.

— К-к... кил пеер, — иркеледе, амыр үннең хыгыр парыбысхан, чо-чып, ідөк тее алаң ас парган хызын. Ол аны көксееен. Иптеп ибіне читіре хоғыр килген. Анаң, чөптеенөк чіли, тонандырып, ат көлібіскен.

— Одыр... палам... — чоохтаныбысхан.

— Хайдар? — чочына түскен Аглона, Ягорның хырында туттыр салганына тың чалтанып.

— Хайдар? — хоза сурыбысхан іезі Сарыг Пас, ирте кирип, прай угзал парган ипчі.

— Мында... ырах нимес, — ідөк көөлче нандырган Олакай. Че хыр-налан парган соох көрізі амыр полбаан. Пір дее чоох чох, пас парып, хыл арғамчынаң ипчизін сырай пастыра улдур пар килген.

— Ограда ізігі ас!

Аглона пабазынаң тоғыр полбаан, хаңаага одырыбысхан. Ниме сағынып алды?

— Кс-с, ну...

Пабазы көксенминче, чоохтанминдаача.

— Ну, ну! — адын, тоғысха парчатхан чіли, поза пағнаң тачылат парып одырча Олакай. Хаңазаның ызы ла чочып парчатхан чіли, пір-де үстү-үстүне пурлап парып одырча.

Аглона пола-пола чүреен пазынып алған. Олар киндір аразындағы чолча парчатханнар. Пазыбысхан киндір пазы кнңізг, тадылыг чыстанча.

Ибіре иртенгі наңмырах соонда күн ап-арығ салча. Харагай тіп хорымның тағ, хубарып, аймах өңнең алшыларында хоостал турған. Күс-кү. Пөзік харағайда ла, күн чудирын таныхтап, кизекти-кизекти ту-баннар «оттап» чөргеннер.

«Кр-кру-у... кр-р», — истіле түскен тигір төзінзер.

— Пабаң, турналар парча, — хорыхханын ундуда, өрчіліг тапса-бысхан Аглона.

Улуғ дөр турналар Крестіг тағны паарли учух парчатхан. «Кр-р... кру-у...» — чайылча ибіре.

О, хайдаг кееркестіг табыс пу кізі ачырғастығ чалахай хустың үнінде. Арда, чүректі сімчілеп сыстатча, хысхырыбысса.

Олар, «анымчох, чирім», — тіп сыхтасчалар осхас постарының тілінен, узах чолга сыхчадып. Қем хазых, кем хайди айланар кізі сағызы даа читлес ырах чирден...

— Анымчох, кізілер, истінер піс парибыс, — хысхырча турналар.

Підн сағын парыбызып, Аглона хончых аалычахха читкенін дее пілбін халған. Қөлігдегі пора пин, тахтачахты иртіп, сиден хыринда тохтабысхан.

— Пабача-аң, іди итпе! Обал худай, іди итпе! — аахти түскен Аглона. Ол түзіре сегірерге маңнанмаан. Ырғах, хатығ салаалар, холын үзе тутхан пілн, хаап алғаннар. Ол, суура толғанарга иткен арада, солаас хыринда турған изерліг атты паза Толаганы көр халған. Чүрее ахсына сыгара саап килген осхас полған.

— Толага... Сват поларбыс. Сас тойы ит. Табырах тіпчем, — көк-сенібіскен Олакай, азахтарын талтайта сірен турыбызып. Аның чап-тых, хырна харахтары өкпеленіске хызара тасханнар.

— Хосханах... Нога тарынчазың-а? — ахсын азын турыбысхан Толага, ахсындагы хаңказы суура чачырап парып. Ол, харлых парған пілн, ахсын чаап полбін турған.

— Сас үр, хаарған, — хысхыра түскен Олакай, мойнына читіре хызарып.

— Оолгың хайда? Түрий хайда?! Табырах тут, сболоч, — орыстап хырызыныбысхан Олакай. — Кізее ле тылаас итпе, мні позы ағылған тіп.

Кічицегес сынның Толага, пір орында типсен турыбызып, мойнын уламох узун сөб тартыбысхан, слегейі хыртли халған. Узун сабыр кибі дее, саях сағалы даа паза алаң ас пар турғаны даа күлкістіг көрінген.

— Хайтча пу? — чүлчүреп салған пазох, чир дее оңарын полбін.

Тохчах сынның Олакай, тобырах пурлада тебініп, хызынан харбасча.

— Тут тіпчем! — орли түскен Олакай, сырайын тырғахтардаң хыя толғағли. Пу табысха, харбасха кізілер чыыл пастаан.

— Хызыл айнаа ниргенче, позым садыбызам хызымны. Тудыңар! Ато тутхыңга кіріп тылаас итчезер! — абағырған ол.

Аглонаның үні дее сыхпныбысхан, хорлаплача.

Толага, пу нменің сынын сизіне, чүгүре түскен. Ипчілер, иреннер

хысты холга алганнар. Түрий ле, чочып парып, хана өтіре паххлап турган. Мындаг ние полган ма хачан даа? Пабазы хызын тут килген ме ирге? О, хан-худай!

Кичицек аал, хымысха көзері чіли, хайни түскен.

Олакай, тізең, пүүрдең тискен чіли, адын оңни-солли хамчылап, улуғ халыхта нандыра ойлатхан.

Че ол кўн нанмаан. Орыстар тиремнезінзер парып, хацаа-тириниң садып, чоо тығынып алған. Иртенінде Сара пилінзер чабдах чөре халган. Кізі пілбеен ниее, хайдар астых парча ол ээн чирзер.

Төртінчі глава

Сакис, тимірдең урган осхас сыт ирен, хысхацах чаа мылтығын көріндес чіли чыс салып, төкпес төзінде аргазын хычына одырған.

— Син, сват, минің турлаамзар чол көзіт салзам, чаза парбассың. Ізіг угым чаза чөре чоғыл.

— Чох, сват, мині пілчезің, — үні чазыг пулбырап салган Олакай. — Советскай минің паарымдагы айнам, аны пілчезің. Хайди туган кізіні суғам мин...

— Че, чоохтап одыр. Советскайга киртінчезің ме?

— Айна чізің аны. Худай көрбес пе...

— Худайга састырба. Минің чолым тар полыбысты. Мында, пүүр чіли, одырчам. Ханым ардап парган. Кичее сала ла хахпаңга кір парбаам. Ягорнаң хада пір хазах пазох китеп алганнар. Че көйтшим пар. Соян чирінзер сығыбызам амды. Торғы сыгарчаң чирімзер. Торғы сулганам.

— Анзын поэң пілерзің, сват.

— Парар алнында чуртым үчүүн хан тоолат саларга килізер ызых чиріме, — харниң ачыда, ачырганып, хохырыбысхан ол.

— Анзын поэң піл, сват, — чойырхаан Олакай, үнін улам на нымзадып.

Олар улуғ чолдаң ырах ниеес палых оды өскен чазыт чирде одырғаннар. Аттары хойыг сыбылар кистінзер, оттаң, ныргырыс чөргеннер. Олакай ағылган арағаны, сбаннаң хыйын идіп, хорсылада ізіп одырчалар.

— Минің харағым хусхунни, чүрегім пүүрни пол парды. Хайдаг чурттаң халғам. Пүүн хараа алтыным хас килібіскем. Алтында кўс, Олакай, алтын ухтаң артых, үлгүдең ник. Мылтинимны тастим, алтыным пирбеспін.

Оң сарнидагы тууп харланчыхты сыйбап салган Сакис, Олакайның сырайы хоорта тарт парганын сизініп. Анзының улам хычазын туттырып, аар харланчығын көдіре сеектеп салча.

— Пүүн анымчох, сват. Сакис кўлүк чол сыхча. Че Ягорнаң ГПИУ хазахтың ханын чирде поралап салам. Олар тіпчелер, советскайда та-

дар — хазах пір, ха-ха... Пірлестір салар хан іскен Сакис. Пүүн харын даа килдің. Хараа сині хоптабысты ба тіп, пір ух тимнебөк салгам.

Олакайның прилері пүктелізе түскеннер.

— Хан-худайым пу турча, андағ нме сагынмаам. Собетскай мині пасха иткен ме?.. — тібіреде чоохтаныбысхан Олакай, Сакистің изір-четкен, соғын кўлініс кўйген харахтарыызар чікелн, алнында тізекте-не түзіп. Ол чочын сыххан. Айир ба пу хан іс салған кізі.. Нинче хас чөр парир.

— Че, чоохтап одыр, нименең килдің, оол? — хабо тамызып, хаң-засын чырладыбысхан Сакис. Аның чабызах хамаанда тирең чоллар тартылыза түскеннер.

— Хыялға кірерге итчем, свадым. Хызымны, тарын парып, ирге ирибістім. Ибзер айланар чўреем чоғыл. Толага тайыңның Тўрийіне ирибістім, — хараан тууп сумкадаң хыя ал полбин одырған Олакай.

— Пнда, кибірлер алысча ноо. Хызын пабазы тут парча, ха... Кичее көргем сині хаңаалыг париганыңны. Учаңны ухха сал көргем хыныға, — хатхырыбысхан Сакис, азахтарын харчаныбызып.

— Ягор аларға иткенде чи... Ам одыртып салар мині. Хайди полнм, сват. Ахчам даа чоғыл. Полюс пирчең ползаң... Син хыйға кізі, — чойырхи тартхан Олакай. Істінде сын атаархаан пу, пүүр чіли, чазы-да хонхытыг кізее. Пичел чоғыл аның. Харны тох полза, ырыстыг ол. Алтыны чи... Хайдаң кирген ол?..

— Полизам... Минің маймаам уян. Сини чахсы көрінче, суурдах...

Олакай сала ылгабыспаан.

— Худай, кибім дее чоғыл. Чалгыс ла маймаам... Итсе, пірсе тег-легес алтынга, хайтпас. Сағаа кирек нізе...

— Алтынны нме идерзің, оол... — хатхырыбысхан Сакис, тууп харланчинн пазох сеектегли.

— Мин пүүн Ягорны ат салам. Ана сағаа пользиним. Я-а... — Сакис пазох улуг сбанны хыйын идибіскен. — Польза-ам... Сігерге, ірім-чіктерге, польызарға кирек. Хортых, чызыг айналарға. Сігер осхастар чох полза, совет үлгүзін хачанох аңдарарчыхпыс. Нинче кўлүк ол хал-баан сігернің үчүн. Мылтых хабар орнына хаттар идегінің алтында одырғлаазар. Чох, кўс килер, піс килербіс. Ух... — ачыргана тура хонган ол. — Полизам... Көрчезің ме тігі чолзар килчеткен ікі палачахты?

— Чох, — наңдырған Олакай, ай-худы сытып.

— Харааң уян ноо... Палалар даа собетскайда ноо ирееленер. Тўгенчі чыл, поом чыл, — мылтинн сыйби тартхан Сакис.

Чол хазындағы нымьрттар кистінең хайдағ-да хызычах, туңма-чаан чидектеп, холларындағы нымьрт салааларының чистектерін тее-рің, чіп ала, көрін килгеннер. Олар эән-көөн чалаас азах хаалап париганнар.

— Кемнің төлі?! — тістерін ырсайта чабал кўлінібіскен Сакис. Анаң хаңзасын хахтап, ізебіне пик сух салған. Истендіре өстебіскен. — Паядаң көргем оларны... Сельсовет кнезі Рамейнің роды. Атызым хох-чырап парбиндыр ни... — тіп чоохтаныбызып, чабал кўлінібіскен ол. Хортых Олакай андада ла аның сөстерін оңара хапхан.

— Хайди полчазың, худай? Чарабас, свадым, чарабас... Крек итпе, — сірлесчеткен холларын чаза тудыбысхан Олакай. Аның ахсы сагал аразынаң ооралып көрінген. — Худай... кічіг палалар...

Олакайның полызии ойнап ла чоохтаныбысхан Сакисті сыннаң тарындырыбысхан. Сакис көксенібіскен. Хан тамырлан килген харахтарын соох сагылдыра, нанчызын мылтых тудазынаң хыя ідібіскен.

— Прыс! Ормечек!.. Сакиске хан кирек пүүн. Одыр! Ато...

Олакай, хой хузуруғы чіли талбыри түскен чүреен тудына, крес сабынарга маңнанган арада, мылтых затворы сыгдыри халған. Олакай, тура хонып, таг чогар чүгүрерге тимненібіскен.

— Одыр, хаама... Минің ханым ардатпа, — аң китепчеткен чіли, сыылада сыбыхтаныбысхан Сакис.

Мылтых, чүзер яңыланып, тазыли халған. Аның соонча чолда хыя тартылған хысхаах өстес сыыңни түскен. Төртче частыг оолагас, ниме-де тударга иткен чіли, тарбаңни түзіп, аңдарыл парган.

Хызычах чочирга даа маңнанмаан. Харахтарын, ахсын улуг азынып, ибіре хылчаңнап турыбысхан. Ниме полды? Нымыртха харал парган тілінең сор парчатхан нымырт сөөктері чирзер чачырас парганнар.

Ол ибіре көрібіскен.

— А-а-а!.. — аахти халған, туңмачааның пазынаң сірлеп ахчатхан ханны көр салып. Аңаң пастап туңмачаанзар атыга түскен, соонаң тагдаң инчеткен мылтыхтыг кизіні көр салып, полызыг сурган чіли, удур чүгүріп, хысхырыбысхан:

— Туңмам... туңмачаам... Табырах...

Олакай Сакистің кистінде, иледе ырах, узырган агас чіли, аңдарыл таа, тур таа полбин, оластапчатхан. Худай сөзін пүтхи, саба-суба пулбыран турган.

Сакис, пазох патрон суғыбызып, тіс өтіре ниме-де чоохтан салган. Алаағыбысхан осхас полған.

Кичичек хызычаахха онча час полған, неке. Ол, холларын сырайынаң хыя сабынгли, ам на оңарынган: туңмазын пу кизі ат салтыр.

— Чарабас, чарабас, ағачааң. Ағачаам, мині, мині атпа, — хысхыра түскен ол, нандыра ойлирга орайын сизін салып.

Сакис түрчеге мылтых ахсын түзірібіскен. Хызычахсар алаах парган ізіг көріснең көрібіскен.

— Мин сагаа көгенеем пирем. На, пладым минің ибде парох. На, ағачаам, — теен хызычах, холларынаң сапхланып. — Көгенеем пирем. Прай ал...

Олакай мылтых табызын иппеен. Хызычахтың на, кинетін алнынзар чир сүзе түс парып, харахтары улуг азылып, ізізе түскенін паза, истіг кирилібіскен чіли, суна чадыбысханын көр халған.

Хызычах узун састарын төзене чатхан. Олім чаппаан харахтарынаң тигірге күліне түскен.

— О, хыял... О, хыял, — оңарына, Олакай пір пасха тис сыххан. Ол чүгүрбеен, хап осхас чодым даа полза, алнын көрінмин, сегір парып одырча. Азахтары төкпестерге ле тееп парып одырча, узун палых оттарына сүрніге тимер ойлап сыххан.

Сакис, хости чатчатхан палаларны көріп, сым турыбысхан. Истінде тирец ачынысха төбй нине хыймыран парған түрчеге.

— Океректер хайдаг... Че хайди идерзін... Чуртаста кизи удур-төдир кимірісче. Кем кемні... Тикке, тикке... — кібіренген ол. Анаң пазох ачырган парған:

«Саңай даа сыытха хурузын советскайлар. Иди кирек», — тіп, хы-выңахтың алтынзар изі чох тартыл парған холын сығарып, ондайли сая салған. Анаң, ікі палачахха крес саап, адынзар мылтыгын сөбртене паза халған.

Ана иди Сара пилінде, ойын чіли, иң чабал өдіріс иділген. Аннаң пеер Сакистің изі чіткен полған.

Олакай ол күннең сыгара сагыстаң алчаас полыбысхан. Сарнапча, хатхырча. Кизи ле урунза, «чахаях» тіп, хуруг холын сунча.

— Ма, чачаях... Сіли-иң чачаях, хан-хара чачаях, ханның чачаях, — тидір.

Кизілер Олакайны Сакисөк сох салтыр тееннер.

Аалда тың хоргыстың тылаас тараан. Хараа тооза адайлар улысча.

— Түгенүи чыл.

— Поом чыл поларга чөр.

— О, хан-худай, искезер бе, эйлер, хайда-да Таштып хыринда худай түстір. Пір пастүк оолагас көртір аны.

— Ізе, ізе... Чон үрирге итче.

— Худай агацахты, чирге түзіп, ылгаан тіпчелер.

— Советскай нойма итче... У-у, хайран палаларны ла аястың. Піске-де нойма...

— Аалча худай пічігі чөрче. Хызыл чачын тіпчелер.

— Хан полар, эйлер...

— Хан, хан, — харасхы чоохтар тараан.

* * *

Аал Совединің кнези Рамейнің чуртында ікі крес хазар турған. Варвара саңайга хазарта хырал парған. Уні дее сыытха сыхпінча. Рамей лозы, ағастар таап, сарай алтында ікі кічичек хомдычахтар чазаан. Ол үн сыгарбаанох, аар тамчыхтар ла чазапчатхан ағастар үстүне «күп-күп» толи түсчелер.

Анаң районнаң кизілер килген.

Ягорнаң Омельянов, отряд чыып, тайғаны тыңаң чох күскеннер. Сара пилінде хуруг халған ін осхас чир отахтаң Олакайның пөрігі паза сбаннаң пасха нине таппааннар.

Пу тылаастың иң аар чобаа Ягорның чүреенде хахпасталған.



САҒЫС-КӨГІС КІРГЕНІ

Повестьтең үзiк

УЗИНЧИ ГЛАВА

Пабам, озархы бѳн аалзар чѳрiп, пазох чарых кѳцнiлiг нан килген. Аныц ачых-чарых полганын сизiн салып, iчем сураанга тѳсчедедiр. Пабам сала манзыри нандыр турадыр:

— ТОЗ тузы тоозылып, пасха наа чуртас насталарга чѳр. Пѳѳн озархы аалда улуг чыылыг полды.

— Пасха наа чуртас тее? — киртiксiбеен чiли, ѳндескен iчем. — Ол амгы чуртастан артых полар одыр ба?

Пабам киртiстiг иде чоохтаан:

— Мындаг чуртас идерiн Ленин хачанох пѳк салган полтыр. Ананар аймахтац килген пастых чарыда чоохтап пирдi. Чыылыгдагы чѳн кѳбiзi наа чуртасха кирерге чаратты. Ол наа хоныхты колхоз тiп адапчалар. Агаа кирерге Пиллика харындас паза хай пiрее кiзiлер ле тiдiнмин салдылар. Олар колхоз ѳчѳн хол кѳдiрбiн халганнар. Мин Пилликаны чѳптеем колхозха кирерге, че ол тогыр ла саапча. Магааох ордацнапча. Сацай даа кирбiн халзын. Олох ол колхозтац ыран полбас. Че чiтiбес пычакты пiлебечен тидiрлер, испеске чоохтабачац. Мин аны чахсы оцарчам: ол, колхозха кирбiн, пос алынуца чуртап, пайирга харасча. Чох, андаг нiме полбас. Чир зе хазнани ноца. Аныц ѳчѳн агаа тѳдирге кирек полар.

— Хынмаца, хайди идiп аларзыц кiзiнi? — тапсап салган iчем. — Позы пiлче, хайди чуртирын. Кiзi ѳчѳн кiзi чуртабинча... А чоохтап пир, Самсон, колхоз хонии хайдаг полар.

— Ол ба?.. Ол хоныхха кирерлер пасха-пасха родтыц чоны, аралары ырах нiмес ааллар. Прайзы олар хада тогынарлар: ас ѳскiрерлер, мал ѳскiрерлер, прай чуртасха кирек нiмелернi пiр чѳппец, ѳменец ит турарлар. Анда пiр дее кiзi поэна артых нiме харбап полбас, пайлар чох полар. Че настагызын агаа кирчесе, нiме пар поэнда — пирерге кирек: мал, тудынчац-хабынчац пiрiг, ѳрен азы, аннац пасха нiмелер. Иди полбаца, наа хоных ѳделен полбас.

— Прай малны пирiбiзербiс пе?

— Чох, нога прайзын пирчеч зе. Ханчаны пир поларзыц, ол снн. Пiс хулунныг торыг пиинi паза пызолыг сыртах iнектi пирiбiссебiс, хайтпас тiп сагынчам. Чарир ба иди, ѳрекен? Iчем тапсабаан. Чаратханох полбас па за. Ол чаратчатса, тилем тапсир чофыл.

Пабам, улам ачых-чарых полябызып, сарын-кѳбiнеч чоохтан турадыр (ол иди сыбыра чоохтанарга кѳс поладыр):

Игірлеп аххан агын суг
Илбек хыраның сығы полар.
Ил чон пірігіп пирген мал
Истіг хоньхтың пайы полар.

— Анзын поэзияох пілерзің, — үндес салған ічем, — мни зе, аар-
пеер чөрбинчеткен кізі, ниме дее пілер чоғылбын.

* * *

Ах суг істіндегі чирде колхозтың пастагы хулғалары бңнен пастаан-
нар: малға мал хозылған, кізее кізі хозылған. Пабам колхозха поэ
адаанох малларын пірібіскен. Иди ол колхозха праи даа кізілерден пур-
нада кірібіскен осхасчых.

Түрчеденөк паба-ічем колхоз хойын хадарып пастааннар. Хой піс-
тің тадар иб кистінде сиденнеп иткен чайғы хазаада турчаң. Аның хы-
ринда нымахтагы осхас төрт азахтыг отах турган. Піс анда хараазын
хой хадарып хон чөрченміс.

Амыр харааларда, отагда чатчадып, Ах сугның көглеен чіли хорлап-
чатханын паза чылтыстыг тигір наарын соолада тааргай хус учух чөр-
генін тыннап ала узубысчаңмын. А усхунчаңмын. күн, сорахай таглар
кистінен тур киліп, мни чарых сузынаң хаара өртепчетсе: отах ізігі күн
сыгызынзар саба полган.

Ана андаг пір хараазын ічемнең пістің уйгубыс кинетін чарбых
парган: озархы аалда хайдаг-да соохсыныстыг табыстар, адай үрістері,
камчылар тачылазы, аттарның хатыг табаннарының тачырасханы истіл
сыххан. Хынза, агаа хара чир халтырап турган осхас пілдірчедедір. Піс
ічемнен хучахтаза одыр салгабыс.

Пабам чох полган: ол теестегі колхоз чылынна парыбысхан.

Хорых парганым үчүн, ічем мни үтертіп одырган: мни зе сизін сал-
гам озархы аалда хайдаг-да хорылыстыг ниме полчатханын. Амыр ха-
раада ол сах пу іде истілген.

Піс тикке ле иди үрүкпееңдірбіс: таң алнынзар тың ырах нимес суг
кизірки тогыр тагларда мылтыхтар тазылаза түскеннер. Оларның та-
бызына таглар настары даа удур-төдір хағылаза парган осхас пілдіре
халган. Ічеме чарбана түскем. Ічем ниме-де сыбырана кірестенген.

Мының алнында хайдаг-да тискінчі-хасхыларданар чоох-чаах ие-
чен полгам. Че андаг чоохты хысхачахти ла чоохтасчаңнар. Аннаңар
ниме полчаң «хасхы» чаксы оңарбачаңмын. Амды, тізең, хачан ічем
«ол хасхылар» тіп сыбыран салганда, маңат оңар салгабын. Анаң ічем-
нең көні сурыбысхабын:

— Хасхылар — ол кізі өдірчен кізілер бе?

— Олар чаксы ниме идерөктер бе? — үндескен ічем. — Хасхылар
чоңны тонидыр, үредедір... О, худамай! Пабан тіріг халбаан, неке... —
кірестенген ол.

Пабам үчүн чобалыбысхабын. Хараамнаң час агып, наахтарымча
тоғыланып түсче. Ічем мни чапсыра хучахтап часхарча.

— Ылгаба, палам. Арса, худамай ачынып, аны тіріг дее ал халган
полар.

Ур бе, ас па іди піс одырғабыс. Анчада піссер кем-де хаңаалығ атығ пастыр килді. Ол полған Пилика ача. Аның сырай-пазы хан на пол партыр. Ол сала ла тынның пабамны тартып киятір. Пабам пүкүлее сылых ла хан. Пүдін дее чирі чох одыр. Ол уларып, изірік кізі чили, ниме-де чоохтанча. Харағын көрбинче. Тынызы пасха.

— Колхозха кірбеен полза, пір дее андағ ниме полбасчых, — тіпче Пилика ача, — харын даа мин пу скотта колхозха сала ла кір парбаам. Колхозха кірбеен үчүн хасхылар мині тың сохпааннар.

Анчада пабам оңарылып пастаан осхасчых: ол чоохтан турадыр:

— Чох, чир дее колхоз чох полбас! Көрерзэр, хамалар! Чабал айналар!

Ол, чығанахтана тура тартынып, піссер ам даа ниме оңарбас уйғудағы осхас хараанаң пүлес иде көре түзін, пазох нандыра чадыбысхан.

— Сагызы орнында нимес, — чоохтан салған Пилика ача, — уларча.

— Колхоз полар хачан даа! — уйгузында чили, чоохтанған пабам.

— Аны, көдіріп, чаттыр саларға кирек, — теен Пилика ача.

Ол, пабамны хол узына хаап алып, отахтағы төзексер чатыр салған. Аңаң ол піске тылаас-хабарны ур пирген.

Хасхылар прай даа колхозниктерні, чоо согып, сала ла тынның артыстылар. Колхоз кнезін паза аның орынчызын тағзар апара халтырлар. Ур дее полбаанда, анда мылтыхтар тазылаза түскеннер...

Пастап хасхылар школада парчатхан чыылығда одырған чонга кинетін атыгыбысханнар. Ізік азыла түзерінең, чонзар мылтыхтар кірести улал парып, ахсылары ла соғып иде, ооралыза түстілер. «Холыңар көдіріңер! Орыннаң тибіребенең!» — пір тиең тапсаза түстірлер хасхылар харасхы тасхартын. Тиріг чох чон-улус ирік чохта оларны тоончатпас па за.

Аңаң хасхылар оларны, тастынзар пірердең сыгарып ала, нименең не полза улдурып, сох сыхчаңнар. А колхоз кнезін паза аның орынчызын, сохпин, аңмарға алынча пиктеп салғаннар. Пабамны матап сохтырлар. Пилика, ачаны колхозха кірерге иткен үчүн, сохтырохтар, че тың на нимес. Чыылығда ла одырған үчүн аны хомут хулаанаң чыртыптырлар.

— Ай, ай, хайдағ хомай кирек пол парған! — халах-хоохайын салынған ічем, — Самсон ундар маңзырабысхан чи колхозха кірерге. Прайзынаң даа пурнада аңдар кірібіскен. Хасхыларға хоптир кізі табыл парганох полбас па. Маңзырах сеек сүтке түс парчаң тидірлер. Самсонга колхоз үчүн тынын на пирері халған.

— Сын, андағ, — чөпсерген Пилика ача, — тынын сала пир салбады ноза. Мыннаң даа хазых халза, чыхсы... Көрчезің, хайди ол сохтыр салған! Уларча. Малларын колхозха сала тооза пир салбады ноза.

Че анчада пабам, оңарын киліп, чоохтан сыххан чазығ үйнең:

— Наа хоных үчүн чонның ханы төгілген. А чон тикке төгер чоғыл. А мин чоннаң пөзік нимеспін. Ол хайди полар, ідөм поларбын. Чидер! Прай күс пайларға төгіл парған. Мин пайлар чох хоныхта чуртирға хынчам. Андағ чуртасха ноо даа ниме пирерге аябасын! Пайлар ла чох ползын.

...Ол азахха тур полбин, илееде чатхан.

Хасхылар колхоз кнезін паза аның орынчызын атып парыбысханынаң хорыхханым аринча иртпинчеткен: ундар соохсын парғабын. Анда да хасхылар хайдағ ние полчатханын чахсы оңарғабын.

Че олар хызыл милицияның отрядынаң тың ырах нар полбаандырлар. Анзын истіп алғабыс милицияда тоғынчатхан Капитон ачадаң. Ол піске хасхыларны хайди чох иткеннеріненер хабарлап бирген.

Хызыл отряд, хасхыларның кірген чиріне кіріп, парған чиріне парып, істезіп, оларны хыра сааптыр. Андағ даа полза, оларның ойн пастағчыларын тудып аларға оой ла полбаандыр: ол уғаа атығчы, чапчан, ізі-сабын оой таптырбас хасхы полтыр. Ол поэның чөлег полчаң хасхыларынаң даа ос халған полза, кірер-парар чирі чох пол парганда, улам чабалын салыбыстыр. Хызыл отрядтаң иинче-де кізіні палыглабыстыр, пір кізіні чоо атыбыстыр, анаң, сугзар алдыра чүгүре халып, чирге кір парған іңе чили, чіт чөрібістір. Хызыл отряд, аны таппин, илееде айғастыр. Іскіт аразын, ағас хоолларын, чир чарыхтарын көрглеп ала тілеп чөргеннер — пір дее чирде чоғыл. Суг хазынзар ла чүгүрген осхас полған, че чар даа хазында ол чох полған. Суг кизіре ойлааны көрінмеенөк. Хайдар парған полчаң? — Чоғыл. Пот хайдағ пасхачыл ние! Хан тигірзер, хус полып, ол учуғыбыспас, суға кірібізіп, ачын сортаң полып, чүзібіспес. Тілепчелер, ол-пу тілепчелер — таппинчалар. Хайдар кірген полчаң за парнак?

«Ә, тохта, — сағыс хабына түскен пір милиционер, — чар алтын көрерге кирек! Арса, ол суғ хоол иде хас салған чар алтында сібееленче полар?»

Хызыл милиционерлер чар алтын чахсаан сизіп, пахлап көр сыхханнар. Чар алты сынан таа хоол полтыр. Илееде көрглеп парганда, кемде суғдаң сыгара хобырах сырайчатханын көр салған. Ноға за хобырах чар алтында пол парған полчаң? Көрібізірге кирек. Хобырахсар хол сунып, аны суура тартыбысханда, суғда ние-де солбыри түскен. Ана хайда чазынған полған хасхылар пастағчызы! Ол, палыглығ сас өртеп чили, чар алтында сібееленчеттір ноо.

«Холың көдір!» — тапсааннар ағаа. Ол ирік чохта, мылтинн тастн, холын көдірібіскен.

ТӨРТІНЧІ ГЛАВА

Пабам, азахха турып, пас чөрібіскен туста, пір күн иртен піссер Пилика ача кіре салған. Ол, тадылығ чыстығ талғаннаң айран хаарып ізіп алып, чоохтап одыр:

— Піс парирбыс.

— Хайдар чол тут сыхтың? — сурыбысхан пабам.

— Хайдар чол пісті апарар — андар, — күлін салған Пилика ача, — чолыбыстың азах-мееді мыннаң көрінминче.

— Андағ даа полза, хайдар за? Хайда-да тохтирға ла кирек полбас па?

Пилика ача, пабамзар көре түзіп, мөңс арах нандыр салган:

— Хайдар парар полгам за? Оңарылыстың, неке, сагаа. Колхоз чох чир тілеп парчам. Андағ чир хайди даа таап аларга кирек. Хасхыларның холынаң иртөк өл халарга ба? Позың даа сала ла тынның халғазың.

— Колхоз чох чир, неке, сагаа табылбас, харындас, — чоохтаан пабам, ахсынаң хаңзазын сала ла түзірібіспин: аның пазы соххлаза түскен, холы тітірескен. Ам даа ол чахсы оңдайлангалах полган. Колхозтаң тиссең, андарох нандыра айлан килгейзің. Позыңох чирі артых пілдіргей. Анзында ікінчілебинчем.

Парзан, парып таа көр, че соонаң колхозха ізік хахлап кірерзің, неке, — пабам стенеде турган Ленин сомынзар көр сал турган. Ленин, тізең, пабам чоогын көңніне кирип, пазын икібісчеткен чили пілдір халчададыр. — А хасхылардаң ам хорыгарга кирек чох. Олар хыра сабыл халған.

— Пірее чирдең пазох сыга саларлар, — үндескен Пилика ача, — хасхылар андағлар ноза. Пу хасхыларны кем сагаан? Олар кинетін хайдан-да сых килгеннер.

— Чох, олар амды полбастар, — узун чоохты кизе сапхан чили, хол сабысхан пабам, оларның паза төріп-өделенчең чирлері халбаан.

Пилика ача, көмес сағына тартып, улуг арах тын салган:

— Көрербіс адыр. Көрінер ам даа нима полары. Че нима полза, ол ползын — піс пар ла көрербіс. Сынабаанны сынпырбыс. Постың иб-чуртынаң ырада парарга чолга сыгыбысса, нандыра айланмачаң нимес пе зе.

Пабам, оң холынаң көксінің сол сарин тудына түзіп, турачах істің че нинче-де хаалағ идібізін, тапсап салган:

— Че парзан, парып таа көр.

Пилика ача, паза артых-лузых чоохтанмин, анымчохтаза сыгыбысхан. Пабамнаң піс аныңоң соонча үдесе сыххабыс. Ічем не аны үдеспен: ол паяох чазызар хой сыгар парыбысхан.

Пилика ачаның хаңаага көлілген аттары чолда турчаттырлар. Хаңаага прай тудынчаң-хабынчаң нимелерін үүлдіре таарлан салтырлар. Хаңаа соона паза аның ікі сарина пызольг інектері мүүстерінең чидекке палгалтырлар. Олар, тайнанып ала, хузурухтарынаң хамчыланыханнар, сеек-маасты хуйдырып. Ус-төрт пызозы тогылап ала чүгүріс чөргеннер. Хаңаага көлілген ортызындағы аттың ікі саринда ікі тай паза хызырах маллар палгалтыр.

Хаңаадағы үүлген нимелер үстүнде Пилика ачаның ипчізі Аничек ууча, часха минөк син оолгы Арок паза аның улин Хыспинча хызы одыр салтырлар. Мин оларнаң мөңс анымчохтасхам. Олар магаа чалахай хол тутчалар.

— Прай малың апарбинча ниң? — сурыбысхан пабам Пилика ачанаң.

— Ікі хазыра паза хойларыбысты чурчума артыс парчам, — тіпче Пилика ача. — Ол, колхозха кірбеен кизи, мал өскірзін. Піснең хада ол парарга ынабин салды. Синөк чили, таң школаа чөрерге сагыныбысхан ма — піл полбадым аны. Иди ле сизін халғам, — ол паза паан сіліге тартыбысхан — аттар пастыр сыхханнар.

Че пабам, аны үдезе көр халып, пос алынча теедег чоохтан салган:
— Колхозтаң син олох ырап полбассың, харындас. Олох нандыра айланарзың.

* * *

Пабам чооғы сынға киліс парған.

Түрчедең көк чайгының орнына парчанаң чазанған күскү, чиде салып, арыгдагы агастарның аймах-пасха өңігі пүрлерін сөрөн чилінең тоолада үбүріп, чирні кибис чили хоостаан. Чылыг чирзер парарға тим-ненчеткен тааннар, арыг көк тигірче учугып, ханаттарын хатырганнар, түреен чирлерінең анымчохтасхан чили тапсазып: «Анымчох, чирібіс! Часхызын пазох айланарбыс! Хомзынма». Андада оларны харга-саас-ханнар үдес чөргеннер. «Хазых чөрінер», — теен чили, үндезін.

Ол туста пабам, хой хадар пар килзе, сумказын тудына, школазар чөрібісчең алай ба от чаринда кингаларын хыгырып одырчаң, алай сан пөгін одырчаң. Піреде ол школада чапсых ниме піліп алганын чоохтачаң. Көбізін ол чоохтирга хынчаң пістің чирде хайдаг чуртас поларынаңар, хайди Ленин үгренгенінеңер паза хайдаг ол хыйга кізі полганынаңар, хайди ол чон үчүн турызып, хан үлгүзінең тогыр күрескенінеңер. Пірее сөстерін оңарбин халчаңмын, че андаг даа полза, пілерге харасчаңмын.

Андаг чоох-чаахтың аразында пір күн чирзер саба піссер Пилика ача поэзының чоынаң хада кіре салганнар, хаңан пістің соолычахтың көзснее тастында күскү чил сыгырып турганда.

Чорых кізілерні ічем талған-айраннаң сугарған. Олар айранны ундар үстүгіп іскеннер. Сусхун хандырып алганда, харахтары даа чітіп парған осхас пілдірген. Пилика ача, тізең, түреп партыр. Хыр полған пазы улам хазар парған осхасчых. Ээк сагалы, нохта сагалы узун. Аннаңар ол кирі көрінген. Сырайында чүс тырысхах сиплгеп партыр.

— Күскү айран хайдаг чахсы, — теен ол, сагалын сыйбана түзип, — піс, тізең, чайғы даа айран көрбеебіс. Пір дее чирде оң полбаан. Чуртачаң чир дее табылбады. Прай чир үстүн ибірдібіс, үреп ле пар килдібіс: малыбыс таа хазых турбаан. Пір дее чахсы ниме полбады. Прай ла чирде колхоз пол партыр. Пос чирінең парбаан ползабыс, чахсы полар полтыр. Чобалбасчыхпыс таа, — Пилика ача орган хыринда полда харчана одыр салган.

Пабам, ниме-де сагынып, тапсабин одырган. Ічем ідөк тапсабаан. Ол сиирнен чіп хатхан.

— Мин зе чоохтаам сагаа пір дее чирзер парба тіп, — тапсаан пабам аңада. — колхоз — ол парчаң чирде полчаң ниме ноза. Иди чуртас Ленин планы хоостыра парча. Аннаң хыя тартхан кізее оң полбас.

— О, чобағлыг чорых полды піске, — чоохтаан Анчек ууча, — Пилика пісті чоо илетті! Мин поэым даа пастабох парарға хынмаабын чи. Че Пиликадаң кем азып алар? Парарға ла тіп алған — чархастыг даа полыбысхан. А хайдар парарын поэы даа пілбинче. Аның үчүн ырыстыг чорых полбады полар. Оорли ла чол тудыбысхабыс ноза.

Пилика ача позы пыросынган одыр: ол табыс чох одырган. Анаң пабамзар көрібіскен:

— Ам чи пісті колхозха аларлар ба? Алай албин салчаңнар ба? Хынза мині, позының аалынан хасхы чіли тизібіскен, тирден аябастар?..

Пабам, пес алнында харчанох одыра түзіп, сурыбысхан:

— Малыңар көп хорап парды ба?

— Пір чабагабысты аң тут салған, а пір інеебіс кинетін ағырып ол парған, алын парған адайға халтырыбызып. Ам за ікі ат паза пызолығ ікі інек халған. Прайзы пис пас. Чурчумда халғаннарын саниргох килізер. Паза хайди за?

— Постың иб-чуртын тастазан, хыялға даа кір парарға ұр нимес чізе, — чоохтанып одырадыр Аничек ууча, — аның үчүн оң даа полбаан піске.

— Ай, ай, — тапсаан ічем, — андағ полбин за. Пір чирде чатхан таста чахаях таа алчазадыр тидірлер, сын ноза ол.

— Піс се хасхылардан тизіп паргабыс, — ачыргана чоохтанча Аничек ууча, — анарда піс хайдар парарчыпыс? Хасхылар хорыхтыр салған. Ол хасхылар чох таа иділген полза, пасказы сых килер тіп чочыныбысхабыс. Пу чир үстүнде хорғыстан пасха ниме көрбеебіс ноза. Аның алнында хасхыларох чөрчөңнер, чонны тонап парыбсчаңнар.

Пабам күлін салған:

— Ам за хорыхчаң даа ниме чох полған. Хачан Советтер үлгүні холга алчатханда, мынанох артых хасхылар унада сабыл халған хайза. А мынзы аның хыринда улуг нимес хасхылар полған. Аны истіп, чорых-чолдаң чобал парып, пес чылиина уйгаа пастыра одырган Ароқнаң Хыспинча даа харахтарын чітіг иде азыбысханнар.

— Ам чи, Самсон, піс хайди поларбыс? — ниткезін тырбахтан салған Пилика ача, — сынап пісті колхозха албазалар, пістің киреебіс хомай полгадағ... Син орта чоохтаптырзың, колхозха ізік тохладып кірерзің тіп. Кирек андагох пол парды...

— Колхоз кнезінең чоохтазарға кирек, — чөп пирген пабам, — ам колхозха полған на кізіні чыылығ чох, прай чон чарадин чох албинчалар.

— Магаа уядыстығ даа кнеске тогазарға. Арса, минің үчүн син чоохтас пирерзің? Син ам киртістіг кізі пол парған поларзың.

— Чарир. Чоохтас көрербін адыр. Позының аалынан кізіні угаа ла сүрібізерлер бе? Че колхозха кірерде, агаа піріктірер үлүс тимнен саларға кирек полар. Колхоз — ол ТОЗ нимес ноза. Ол улуг хоных полча. А син ТОЗ тузында ла мал бскіріп алгазың. Иди чуртазың оңдайлаазың. Ана ол полтыр колхозха тимнелген тус. Ол Лениниң улуг планы хоостыра иділтір.

— Мин сағынгам пасхох, — сала күліне түскен Пилика ача, — мин сағынгам, піске, чох-чоостарға, пайларох чіли, пос оңдайынча пайып чуртир үчүн хоных пирілген тіп.

Пабам хатхырыбысхан:

— Сынап пайлар чіли, чох-чоостар чуртабысхан полза, піс прайзыбыс пайлар пол парарчыпыс. Андада Совет үлгүзі турганы нимее туза

поларчык са? Пис пазох пайлар пол парып, пайирга мацнанмаан чо-
чоостарны пазын сыгарчыкхыс. Пазох тиц улус чох пол парарчык. Иди
писти угречелер.

— Син, корип одырзам, Самсон, сагыснац ырах парыбысхан одыр-
зыц, — чоохтаан Пилика ача, — школаа тикке ле чорбинче осхассыц.

— Позым позымны махтабаспын, — чоогын узаратхан пабам, — че
школа магаа улуг тузалыг полды. Хай пирее нимелер оцарглапчам, ан-
дар чорип, — ол Ленин сомынзар коре тускен, — Лениц прай чоуга уг-
ренерге чакып партыр. Угренмеен кизи харасхы чуртастац поэп полбас
типтир ноца.

Мындаг тогазыг соонда, кон тее куннер ирткелекте, ицем чоох па-
зыца килис парганда, пабам озарыгох чорип айлан килгенде, сурыбысхан:

— Харындазыцны колхозца алдылар ба?

Пабам кулин салган:

— Алганнар. Хайдар идерзиц аны паца? Тореен чиринец оортах сүри-
биспессец. Че агаа чылыгыда угаа «изиг» полган осхас. Аны за колхоз-
тац тискен учун прайзы, хыца пазып, истееннер. Хамагынац хара тир
агып одырган. Аны ол ундубас, неке.

...Мин хынцацмын, пабамнац хада чорип, хойларны сугатха нидир
ларарга. Хойлар пистец иб-чурттац ырах нимес хара сугдан суксуштарын
хандырцац. Олар паризалар, мин, чабас адычахца мунип алып, сола-
рынца пастырцацмын. Хойларны корерге хынцацмын: олар, пасха-пасца
род чон-улустан чыылган учун, аймах-пасхох оциг полганнар. Аннацар
аймах чакаях осхас коринченнер: хара, ах, ала-чохыр, сарыг арах. Хын-
ца, аныц даа учун пабам тахпахтаанын истиме сирт салгам:

Аймахтац чыылган хойларым
Аймах чакаях осхастар.
Арга чон кирген колхозым
Артых пайынац саблапгай...

Пабам аннац андар даа сарнирчык, сынап хойларда хорылыстыг
ниме пол парбаан полца: олар суғ исчеткен озынац пирдец-икидец анда-
рылглап сыхханнар. Чалбагынца тус парып, азахтарын тарбацнада ол-
четкеннер. Идице соох чугуре халган. Пабам, суғатсар чугур парып,
туг искелек хойларны хара сугдан оортах сурген, урук парган хойлар
тари чугурискебискеннер. Андада пабам, олиг хойларны тутхлап корип
алып, суғ хастада пас чорип, аннац хара бутылка сыгарып алган.

— Стрехини! Мыны ыырчы иткен. Амох аал Совединер парарбын!

Сах иди иткен ол. Олох кунде писсер колхозтыц паца аал Совединиц
киестери чиде салганнар. Олар, олиг хойларны паца хара суғны корглеп
алып, оолыг хара бутылканы апарыбысханнар.

Пазагы кунде, тизец, тириглиг кизилер килгеннер. Капитон ача олар-
нацох хада. Панында аныц наган. Олар, пабамнац ниме-де сураглап
алып, писте ур айбынмин, чоре халганнар.

Соонац истилген, тиги чылдох нидирилген пайларныц артхан-халган
хузурухтарын тапхлап индиргеннер тп. Оолыг тасталган бутылка паца
хасхылар — прай оларныц кирее полтыр ноо.

ИРГІ КОММУНИСТТЕРДЕҢЕР СӨС

•Очерктер пөлігі

Семен ДОБРОВ



РЕВОЛЮЦИЯ ПУРҒУНЫ ЧАЛЫНДА

Хакас чонның махачы хызы Гедымин-Тюдшева хан үлгүзіне тоғыр чазыттығ аар паза хорғыстығ кирекке 1902 чылдох тартыл сыххан, 1905 чылдағы революцияда араласхан, нинче-нинче хати харибде одырған, революция пурғунында сағыс-көгізін алгытхан. Ол хакас ипчілернің аразында настағы матыр революционер полча.

Орыс чонның махачы ооллары паза хыстары аны, кічіг туцмазына санап, улуғ чолға киргеннер, Ленин гвардиязының сын солдадына сығара өскір салғаннар.

Улуғ чуртасты тиккі сарнаң көзідер оңдай чохта, иң аарлиин үзүре, кизекти аларға сағынчам.

ЧЫЛТЫЗАХ

«Пол алтындағы күскечектер...»

...Ікі күнче ойлаан поезд тохтабысты. Хызылчар вокзалы. Түскен чон аразында сылагай сынның хыс, аар-пеер айланмнн, хайдар-да маңзыри пастырча. Вокзал озариндағы сиден кистінде турчатхан оолны көр салып, күлімзіри, удурлирға килген кізі парына чөпсінче. Изеннеспин дее, таныс ниместер чили, табыс-тубус чох хости пастырчалар. Илсе-де улицалар кизіре парып, ніске переулукта чабызах ағас турачахха чидіп, ибіре хайыныс пилдірбинчеткенін онарып, ізік тохладып, кіре халдылар.

— Сабдар ат! Тадар хыс! Пу сөстер таргынах тураа тол пардылар. Өріністіг тоғазығда иртіре суулас сыхханнарын сизініп, сыбырасха кір-

геннер. Сабдар ат — Сибирьдегі саблыг революционер Б. З. Шумяцкий-нің чазыттыг солазы. Аның кизилерине партийнай комитет 1905 чылдагы тирігліг харбасха сыгарда тимиір чол узанызынзар тиріг тазырын чахыптыр. Иркутта, чазыттыг типографияда, көбизин хараагызын тогыныл, күн хараан көрбин, чон аразына кирбинчеткен «пол алтындагы күскечектер», арыг тан тартынзыннар тіп, пірее-пірее аар-пеер ызылчан полтырлар. Пір «күскечек» Парасковья Тюдешева полчатпаспа за.

Пір-ікі ле сөс соонда Тадар хыс (чазыттыг ады) Сабдар аттың чо-нынаң тогынар пол салган, олох хараа чахыг толдырарга чапсынган.

...Соох хысхы синин иртіре ханаттанчатхан. Орты хараа. Чыплама. Сунган холың чітче. Халтырастыг. Істіңе пус тыгыл парган осхас. Хайдаң-да кинетін хуюн көдіріл килген. Ибірки туралар ыгырасча, чүс частыг апсахтарнаң чазыт чоон агастар чилегелерінең сала ходырылбин иленесчелер. Ниске салаалары, тахпай чили, кииде айлахтан сыхтылар.

Тын полбин, азах пас полбин, халын сиденнің столбаларына тынчазың, хазыр чил сині, кічиг хусхачахты, тигірге сирн көдіріп, пытырада тастыр осхас.

Ікі кизи, сидендегі тизікті өтіп, складтаң тиріг сыгарча, мылтыхнаң патрон тыхтаан харачахтарны соорга таарлап, үстүне одың үүп, чолга сыхча. Чол ізи пілдірбинче, туралар ла уластыра чыларга кирек, сагба пирбин.

Тигір өкпеленізи нымзабинча. Парчатхан озынаң оймахха кір пардылар. Соорлары түгдүри түсті, харачахтары хогдыраза, чирге на-плада пардылар. Табыс-тубус чох, ікөлең, хайди полза, холнаң чир сыйбап, харачахтарын чыып, ипти салып, пагнаң хурчачалар.

Тиллері тарт парган осхас. Ун сыхпинча. Чүректері ине иптеп пир-ген орыннаң сыгара атыгарга чөрлер, пір ле сагыс: айна даа, тулгап-чатсын, пу ла алтын-күмүстең аарлыг нимені читір пирерге, тогысчылар холына туттыр пирерге...

Кинетін Борис чоохтаныбысты: «Көрдек, татарочка, піске чылтыс-тар күлінісчелер». Паша, халын уйгудаң усхунган чили, аргызының та-бызына хахап парган. Ам на айылчатхан осхас, тигірзэр андыпча. Сы-нап таа, хас-пораан амырап партыр, тигір төзі сала чарыбыстыр. Пу-ларның чүректері тиң сабылган, партия комитедінің махнин хайди даа толдыр ла салар сагыс күс пирген. Хан чүлмелері сис салган ползалар чи. Каторга алай өлім. Чох, аннаңар олар сагынмааннар.

Хызыл чылтызах!

Синің пис пулиң, ай-күннең артых сагылызың пістің чонның чү-рееңде хачан даа арыбас, сидік туста, өріністе пісең не хадазың!

...Иркут. Глазков орын. Хакас хыстың махазынаң Колчакнаң тар-тысчатхан чаачыларны, большевиктерні чазырар, хайраллир 60 орынга лазарет азылча. Пірсінде аар палыглатхан хызылгвардеєтті тарт кил-геннер. Парасхан, пілінминчеткен осхас. Ирні ле хыймырапча, пір ле сөс сыгарча: чылтызах... чылтызах... Холын сунча, ниме-де тіленче. Парас-ковья хыринзар одыр салды. Ады-солазын сурча, че чаачы тапсабинча.

Көрзе, пу оолагастың пөрігі полда чатча. Пазын көдіріп, хызыл чылтыс хазаан пөрігін пазына кизірт салган. «Мына синің чылтызың, оолгы-цаам», — теен паарсах үннен. Чаачының сырайында өрініс ойналып, күлімзірес пілдір парған. Анаң, аар ла тына, чадыбысхан. Сыдабаан ады-солазы чох чиит солдат, че пис пулуңның чылтысты поэныаң хачан-га даа апарыбысхан.

С а р ы н

Инем чирі Ис чазызы,
Илеем-мухаам истиң ме?
Адам чирі Асхыс чазызы,
Аар тынызым систің ме?
Хан хусхуннары пазынчалар,
Хара пазым агар сыстапча.
Хатыг даа полза — сыдирбын,
Хайнаам чүреем пазынарбын.
Ай чари піске дее чидер,
Ах күн сузы сағылар.
Ада чирібіс позир,
Ала хараабыс ойналар.

Хас хачаннаң саблан турған Александров каторгалыг хариб. Аның хап-хара, тигірге сіри тур парған, эмекнең ораап салган пөзік стенелері ырахтынох чүрек одын соотчалар. Пеер сүр килгеннернің аразында пір пөзік, сылагай сынның хыс.

— Хыс Тюдешева Парасковья, 23 частыг, — хыгырча хариб кізісі.
— Минмін! — нандырча мөнек турчатхан ипчі.

Кичее ле чалгызаан одырған харибдең сыххан. Амды каторга. Ха-раа алнында үр айлар чуртаан «иб»! Таргынах тас хапта, киң читини, тынастап, сала ла пурлух парбин турған. Хызылчардаң Иркутсар айланғанда, Парасковья, араға сыбачаң заводта тогынып, андағыларны завод эелеріне, үлгүлерге тогыр харбасха көдірген. Стачкада прайзы даа араласхан, че хайдаг-да айна аны садыбысхан. Стачка иртерінең Парасковьяны, азах-холын палғап, чаргы даа чох, каторгалыг харибге сых салғаннар.

Мында олаңай харибдең хатыгох полар. Ікі чыл читі айны сыдазарға кирек, анаң үс чыл азыра ызыг. Айлар алысча, чыллар чылысча, таныс кізі чоғыл, одырчатхан камеразынзар пір тілім хара іпек, суугас сула потхызы агыл пирчелер. Пір дее хати тоспинча, пір дее хати сыхсуны ханминча. Өзөкчем тічее чоғыл. Искен, азых хозарга сурынған иренні сағызын чідіре нас салтырлар. Арыг киинең тынарға сыгарған минуталарда хай пірее хыстарны көр салча. Пілче, постаңнар олох чілі хан үлгүзіне хатыг пыролаттырчалар.

Ікі чыл сигіс айны — каторга тузын пістің хыс сыдас парған. Амды, олаңай харибде, ызыгда тіп саналчатханда, агаа хайзы пірсінең тоғазарға чарадылча. Чииттер удур-төдір чапчаң танысчалар ноза. Паша Шура Карташованаң, Даша Соловьеванаң паза Анюта аттыг хыснаң ынархас сыххан. Чоох аразында «Потемкин» броненосец матростары одырчатханын піліп алған. Пірсінде пір оол, чағын пастыр киліп, хо-

лын сунып, Каюровпын тіп танысхан. Көблче, аргыстар хозылып, чүрек чылып пастаан. Күскер, сентябрь алай октябрь тузы полды ба, Пашазар таныс нимес оол чагыннап килген. Хараанда чылыг көріс.

— Мин орыс нимеспін, лнтовецпін, — тіпче. Сірер чи, хынза орыс полбазохсар?

— Я, — нандырча Паша, — минің чоным саннаң асхынах, испеен поларзар. Минсуғ тадарларынаң сыххан кізібін мин.

— О, чахсы, чахсы, чөпсінче оол, сынап таа испеем, чоохтап пириңер, ноо чонга чагынзар.

Паша хачан-пірее чоохтир полган, үр турарга туртыгып, хыя пастырьбысхан. Соонаң удаа тоғас сыхханнар, Паша поэның чонынаңар, поэның чирінеңер хыныг сөлеп турган. 1908 чыл тоозылчатхан. Рафаил Гедыминнең Парасковья Тюдешева алызарга чоохтас салганнар. Ызыгдагы чниттерге алызарга чарапчаттыр.

Аргыстары, өөрелері той идерге чөптес сыхтылар. Мында сын той полар ба за. Той иткен полып, «Потемкин» броненосецтің айдастарына харибдең тизерге хабазарга. Хайди, хайдаг ондайнаң алахтыр көрчөң хадагны?

Паша сагын тапхан сагыс прайзын чөпсіндірген. Піс, той иткен полып, сууласчабыс, мин ыр-көге түсчем, а хыстарга нирзер, пүрүңкі түсчөтсе, хариб сиденінде хараагызына халчатхан ікі хадагчыны чоохчаахнаң чуурирга.

Иткен чөп, пүдірген сагыс! Ипчилер тудылчатхан харибдең табыс-тубус таранча. Сала ізібіскен полып, ікі хыс, иңнілерін чайхана, көксілерін чикке туда, ойнала пастыр сыхтылар.

— Шура, — айланча Дашазы, — син тігі ікі оолзар чагын кірерге тидінмессің, э, э.

— Мині хортыхха санапчазың ма? — нандырча Шуразы. — Чох, өөречек, мин дее погда оолнаң хацанох танызып аларга сагынадырбын...

Оолар түлгү чили чикке турыбыстылар. «Киліңер, киліңер, адай нимеспіс, ызырбаспыс, хыстар!» — хатхырыза түстілер. Ур дее полбаанда пөзік харибнің озаринзар турчатхан чалбах скамейкеде төрт кізінің чоохчаахта ырах парыбысханы іле полган.

Ипчилер тудылчатхан хариб хыринда стенее чөлсөң турчатхан хыстың хоос үні ибіре тарапча. «Кемдір ол іди чүрексиністіг көглөңчөткен хыс, хайзы сөстерін пілчөе чоғыл?» — сурчалар хадагчы ооллар.

«Пістің өөребіс, ол орыс нимес, пос тілінең паза орыстинаң даа чахсы сарнапча. Хоных хончатханга өріністіг ноза. Улуг нимес той иди, көп нимес тее амзабысханда, хал пол парып, сірердең танызарга тидіндібіс», — өтіркепчелер хыстар.

Паша, тізең, өдн киректі иптен ле парча. Уні пір тнң чайылчатса, хоргыс чоғыл, — пілдіртпін, көблче түзерге. Уні, кинетін тохтап, үзіліп, пазох чайыл сыхса, — сиректенерге, хайда-да хоргыс. Че көглөс, хойааннаң хойып турганда, үс махачы матрос харибнің пөзік сиденінің озаринзар түс нарарга мацнаң халганнар.

Соонаң өөрелер, хакас хызының сарыны каторгадаң тизерге полысханың сагысха алып, нинче хати хатхырысчаңнар.

КОРЗИНКА

Иргі чолча, ил чон үлүзіне...

— Оля, Володя! Хайдар салыныбыстыңар, уучаңар сагыпча, — хысхырча ічелері. Хайдаң-да кинетін ойлас килділер пис частығ Володя, туңмазы Оля. Уучаларын көр салып, өрініске аячахтарын сабынчалар. Кічни уучазына сыынча, тізекке одыр саларга харасча. Хатхы, суулас иб істін яңыландырча.

Хырал парған, аар-чүкті азыхтыра сынаан иней оолгы хайдар парғанын сураглабинча. Пілче, Рафаил ибде чох полза, аарлыг кирекнен хайда-да тудылча. Ирі, Рафаилның пабазы Иустинг, чинт тустох ханга тоғыр чазыттығ киректе араласхан үчүн, Александров каторгалыг харибде үр илеен. Одырар сині толганда, төреен, өскен Литва чирінзер чол тулгал парған, Иркут облазындағы Хырыг харат аалычахта ла чуртирға сүрдірген. Ирін сүрізе киліп, пала-парха төрідін, теендір салып, амды, кирип парғанда, пала палачахтарына паарсан, чүреен амыратча. Оолгы Рафаил, килні Парасковья, Иустиннің чолып пазып, олох одырған харибде алты чыл иртір килгеннеріне хомзынминча. Пала паба чолын пасханы литва чоңының иргідең үзілбинчеткең кибірі нize.

Ууча, Володянаң, Олянаң тосханча ойнап алып, ибінзер маңзырабысхан. «Анымчох, ууча, удаа кил чөріңер!» — хысхырыс халганнар кічиглер.

Пірсінде, орты хараа тузында, кем-де көзөнекче агырин тохлатча. Пір-ікі... Пір-ікі-үс... пір-ікі... Пістің кізі. Рафаил, тура хонып, ізік азыбысхан. Литва тілінең чоохтаныбысхан иркін алтапчатхан ирен. Янсон! Янсон! Иртіңер, нинче хысхы, нинче чайгы...

Ур чоохтазарға тидинмееннер. Иркуттагы партийнай организацияны хан чүлмелері сала ла тооза пытырат салбиндырлар. Амды чазыттығ тоғыс наа ондайға кірче. Хан үлгүчїлерї чаратхан чазыт нимес тогынчатхан аймах организацияларда — профсоюзтарда, піліс таратчан обществоларда, клубтарда — чоннаң пір пол парып, көөлче, че пілдіртпин, тоғысчы халыхтарны пос көңніне тартарға, істенчїлерге ханның хатығ пазынчатханын іле пілдіртерге.

Хараағы кізі хайди килген, ідөк чїт чөрібіскен. Чазыттагы партийнай комитеттең чахыг алып, ирепчї хатабох иргї чолга кіргеннер. 1912 чылда, сині читкенде, ирепчї хырт көрістіг хариб стенелерін тастааннар. Рафаил тимірчолчыларзар, а Парасковья піліс таратчан обществозар пастырчалар.

...Ас-тамах ал чөрчең корзинка артыңған ипчї пір ле орынзар чөр сыхты. Пүүн поэраха. Чон толдыра. Пір кізі чоох тутча, хан үлгүзін махтап парча. Буфетсер чїчең нима агылдым тіп, корзинказының үстүнзер салылған чїчең нимені поэдып, пир салды, хайдар-да хыя пастырыбысты. Чон сууласчатхан залның озаринда, стене кизїре, улуг нима пулуцас. Анда пүүн он азыра тоғысчы. Амыр чоохтазыгда хан үлгүзіне тоғырланыс, 1912 чылда алтын чуғчаң Лена приискте пырозы чохтарны чүзерлеп хырғанына чон өкпеленїзі хаңаннаң азыхчатханын си-

зінчелер. Омаларында хатырганыс, хатыг тартысха сыгарга тідім. Чоохтанчатхан чинт ирензер корзинка тудынган ипчи чагын пас килді.

— Сирер, аргыстар, Ленадагы халтырастыг кирекке теелчезер, теен ол ипчи. Мына листовкалар. Анда принск пиглерінің чабал хылыныстары іле сыгарылча. Хыгырынар, тогысчыларга читіріңер... Корзина түбінең листовкалар паза «Пролетар аргызы» газетаны сыгарып, сал пиріп, мин буфетсер нарчам тіп, сыгыбысхан. Чыылганнар ағылган имені хыгырып, хойныларына, ізептеріне чазырчалар. Таңда тогыс орнында, көп кізілернің станоктарында листовка паза газета чадар. Кем ағылган, кем салган? Прайзы пілбеечик, көрбеечик полар, мастер, цех пастыгы үні хаарылганча хысхыар, че пыролыг табылбас.

Пір оол, залдаң чүгүр киліп, таныс кізізер айланча: «Хайдар чіттиң ле, паядан сини тілепчем. Репетиция иртірдібіс. нандырчалар олар, соонаң хыныг ойын тургызарбыс. Хын-ы-ы-ғ!»

Иинче хати Парасковья типографиядаң піліс таратчан обществозар аар корзинка артынган, иинче хати аның пічіктері тогысчы чон чүреен өртеен, төдірленмес харбасха хыгырган!

АЛҒЫСТАС

...Пір холында мылтых, пірсінде санитар сумказы...

1917 чыл. Хазыр соохтыг декабрь күннері. Иркут ортызында хызыл гвардия чаачылары ахтарнаң ікі наннасча. Тиріг күзүрезі тигір тітіретче, соох тубаны мылтых түдүнінең пораласча.

Пір ибдең ікі кізі — ирен паза ипчи — сыхча. Ибде ікі пала іди ле халча. Уучалары килзе, азырир, килбезе, постары даа пілінер. Улни сизгизин толдыр салган, кічин — алтылыг. Ирен тимір чолдагы хызыл гвардия штабынзар пастырча, ипчи — инег туразынзар. «Рафанл, сизіктен, оңдай полза ла, ибзер айлан» — тіпче Парасковья.

Чолда хада тогынчатхан Валя Севостьянова учурап парды. Холында барабан, андар палыг палгачаң ах ис тыхтал партыр.

— Тохтаа, хайдар іди, чүгүрчөң ат чіли, хылатчазың, Валя?

— Юнкерлерзер... Мерхалева андар ысты. Тігіне минің соомча паза пір хыс күўлеп одыр.

Парасковьяның иди-ханы чімірезе түскен, өкпеленгеніне тілі тарт парды ба: «Алынчазар ба, хыстар! Марля, ах ис піске кирек, ахтарга палыглатханнарны ах сүбүрек чох хайди имирбіс! Ыырчыбысха полызарга! Уядыңар пар ба!»

Хыстарны нандыра сүр киліп, Мерхалеваны хайдар хайындыр сыххан. Имүілер аразында эсерлер полган, больницың хай пірее тогынчыларын постарына тартып, харыг идерге харасханнар. Ине сыхпаан. Коммунист, өдн санчы А. Рукавишниковтың, арыг көңіліг өдн ипчи М. Герасимовтың хабазиннаң Парасковья Иннокентьевна больницада хызыл гвардия чаачыларын имир алтон орынга пөлік азып алган. Иинче коммунист-хызылгвардеец анда күс алынган, чазылып, хатабох

Совет үлгүзінің турсычыларына хозылган. Мында тогыс хараа-күнөрте тохталбаан.

...21 декабрь. Улицадағы хазыр харбастарда хызылгвардеец ирен-нернең хада хулахтыг хара хурусха пөрік кискен, хой теерізінең тіккен узун нимес тонын чалбах тууп хурнаң пыча тартхан, азахтарында солдат маймахтыг ипчінің прайзынаң тиң хайынчатханы хайхастыг пілдірчең. Аның мирген атызы нинче ахтың тынын үскен! Пір көрзелер, пу ипчі өстепчеткен оолны чаалас орнынаң сығара тарт парып, сала хырыг чирде, көгенеен чара тартып, хан сірлепчеткен орнын ах иснең тычлада палғапча, пір көрзелер, мылтыхнаң ахтар чазыныбысхан тура көзенеен унатча. Иирзер, имнег туразына айланып, чонынан теелісче.

Тогыс күн, пір дее хыя парбин, чааласхан ахтарнаң махачы ипчі. 30 декабрьда ла, юнкерлер удурлазы сындырылганда, Пафасковья Иннокентьевна больницазар айланған.

Одырча партком хачызы, ол-пу киректерні үзүріп. Ойлан килді пір хыс. «Сірерні, — айланча Гедыминзер, — өөн имчі кабинетінзер хыгырча». Пиме пол парды, ахтар пазох пастарын көдір сыхтылар ба тіп, чочына ізік асча. Алгым кабинетте иледе кізі. Агаа удур Постышев пастыр килген. «Піске Сірернең харахтаң харахха көрізерге киліспеен, — тіпче Павел Петрович, — че ревкомда Сірерні чаксы пілчелер, Парасковья Иннокентьевна. Хызылгвардеецтерні имнирге алтон орынга лазарет асхан, палыглатханнарны чаксы көрген, юнкерлернең харбастарда көні араласхан үчүн ревкомнаң чылыг алгыс читірчем».

Саблыг революционер, Иркуттагы ревком пастыхтарының иң махалыгларының пірсі, халыхтарының сын устагызы Павел Постышевтің алгыстазы хакас хызының істі-паарын үрге чылыт салған.

Иркутта, Хызылчарда, Минсугда, прай Сибирь чирінде, Совет үлгүзі ырахы пулуқнарға чидіп, чалчылар, чох-чоостар чурт ээзі пол парганнарын, улуг-кічіг пайлар, фабрик-завод ээлері чонны паза пазын полбастарын сизініп, істенүчі халыхтар наа хоныхсар тартыл сыхханнар. Тиксізін Советтер тур парганнар, анда кичеегі чалчылар, чабал иблгилер, малга хуруғлар, хас хачаннаң үн сыгарбастар суулас сыхтылар.

Че амыр пар сыххан чон хониин, Совет үлгүзін аңдарарға істіндегі ыырчыларнаң пасха хан-инглерінең пірігізіп пастаан чаалары сайбапча.

КОЛЧАККА ТОҒЫР

П. И. Гедыминнің чуртаан ибі — большевиктер туюххан чылызар, тоғазар орын

Город ахтар холында. Улуг-кічіг сыныхталча. Апсах-инейлер дее хабылча. Ибіре сыыт, иреелес. Хайзы столбаларда ыырчы холынаң кирген хызылгвардеецтернің сөктері салбацнасча. Чабал чыс тарапча.

...Хызыл крест таныглыг ах ис плат тартынған ипчі пастырча. Хараанда кичеегілернің аястыг омазы. «Атып салыңар, хара хусхуннарға иреелеткенче, поэбыс өлібізербіс...» Тізектері хоргамчыл пораглыг осхас, чадап ла хаалапча.

— Паша!

Чочып, сала хыйын түспөдү поэзияны адын ис салып.

— Лушникова? Син хайдартын?

— Кирек майың, Паша. Партийнай комитет көсчө, городта халарга хоргыстыг. Кем халчатханын пілбинчем, че сагаа халарга килізер, больницаны тастап полбассың. Анымчоң, өбөрө, үр нимеске чарылысчабыс, неке.

Читті. Удурлапчалар Рукавишниковнаң Герасимов. Ахча тоозыл партыр. Чіең ние хазан түбінде ле. Хайди поларын, ние идерін пілбин, аар тына одырыбысты. Рукавишников, аныңзар киртіністіг көріп, полган на сөсті узарада араң тартып, хулаана сыбырапча:

— Городта ревком кнезі М. А. Триллиссер халтыр. 50 муң салковай ахча кирек. Ол ла полыс полар. Сагам Триллиссер банкта, синнең насхазына киртінмес. Ахча чоң пір-ікі күнге дең сыдас полбассыс.

Ревком кнезі полысхан, ахча табылган. Анымчоңхазың, Триллиссер теен: «Сіерер мында халыңар тоғынарға, піске полызынар... Сіерер мында, піс анда». Анымчоңхас, хол сілігіс. Ікі ирен ипчині банк ізинне читіре үдөсчелер. «Сіерер мында, піс анда» — сөстөр хулахта үр сыңырааннар. Олар, ахтарны унадар үчүн күс чыып, хатап айланарлар, а піске Колчак үлгүзін істінең кимігерге, халың чоңны көдіріп.

Колчак ээлен сыхханнаң Рафаилнаң Парасковьяның чурты коммунисттер туюххан чыылысчанаң орынга айлан парган. Ізік тохлапча. Кемдір? — «Москва», нандырыг: «Мушка. Пістіңнер. Кіріңер, кіріңер». Орністір тогазыг. Ікі-үс кизи. Амыр, суулас чоң чөптөзіг. Пірееде пір-ікі ле сөс алыза, хайди пілдіртпін килгеннер, ідөк тарас парчалар. Пірееде Колчак айгаанаң осханнар мында чазыңчалар, үзүлген күстерін тыдып, мыннаңоң Совет Республиказың арачылырга сыхчалар.

Пірсінде неер Екатерина Семеновна Федорованы кир салганнар. Партийнай комитеттен Александр Ремешевский килген. Ол Федороваа хайдаг чахыг пірлечеткенін искірче. Иркутта, апы ибیره, Колчак хазырланчатхан туста партийнай организация хайдаг тогыс иртірчеткенін партияның Центргедегі Комитедіне читігерге кирек. Ол чахыгны, хайди сиргектеңип, оңның толдыраын Андрей Червоный хабарлыр.

Книетін көзенек үс хати түкли түсті. Чазыттыг түклес. Пістің кизи. Ізік азылча. Чөңче сынның, очкиліг ирен иркін алтапча. Парасковья, чүгүр парып, хысхырыбысты:

— Изен, Сабдар ат!

Тогаханнар, чылыг көрізіп, сураглабас ла нимені сураглазып, хулахаза, хатхырыс сыхханнар. Парасковья, аалчы өбөрөзі сала арынчатханын сизініп, Федоровазар айланча: Сабдар ат — Червоныйның хан үлгүзі хархай турган тустоң сағынып алган чазыттыг ады. Піс үрдең таныспыс, үрдең хан-пигдерге тиң хыйыхтатчабыс.

Червоный чолга хайди сыгарың, чолда хайди китенерін чоохтап пірген.

— Амды, — теен Червоный, — айдас пиче, Москвага читігер аарлыг хабарны ырах чазырар пулукас табаңар.

— Мин сағынганда, — таныхтапча Парасковья, — піске Екатерина

Семеновнаның узун хойыг сазы манат пользар. Хайди? Иркуттагы парторганизацияда кирек хайди парчатханын чачыннаң чуға батист иске хобыр саларга, анаң сазынаң пір өннiг хара ленталарга сӊргеп, ікі тулуң аразына чiдiре палгап, чазыр саларга. Халын сас аразында пілдір-бес. Ахтардаң полар, айна даа тіңзіп таппас!

Ол чӊп чарадылған. Червонный хабарны батистке хобыр салған. Парасковья бӊрезинiң сазын тарап, чоон тулуңнарына ленталарны чазыра ўр салған. Ниме тирзiң, арығ тогыс, сибер хол салтары — писке!

Федорованы тимге сығар салдылар. «Борис Захарович, — айланча Парасковья, — пістiңнер чыылыс турар пис-алты чазыттығ истiг уячатар таап салғанымны искiрчем. Мына олар: Улуғ Трапезников 8, Пастагы Солдат—10, Луговой—34, Мельников—32, Жандармнар пер.—2/10, Саламатин—64».

Борис Захарович Шумяцкий паза Андрей Червонный сынында пір кiзi полчатханын Федорова ам на сизiнче. Парасковья Иннокентьевнаның искiриине Шумяцкий—Червонный чӊпсiңгенiне аязын тычырада саапча: «О, хайдаг бткiн кiзiзiң син, Тадар хызы, бтiре алғыстирга морсымнығ сӊс таппиңчам. Хачан полза, піс чуртыбыс аябин харбасхан салтарыбыс наа, пос хоных хорбаландырза, мында, Иркутта, пірее улица Парасковья Гедыминниң адын ал чӊрерiне iзенчем, паарсазым», — холын сiлiкче сыырах ирен.

...Пiрсiнде, чил-порааннығ февраль хысхының тўгенчi хатырганы-вын чайхан турганда, больницазар Иркут станциядаң тогысчылар ўрўк парған читкеннер. Хабар чўрсен, чiтiг пычах ікі чара кискен чiли, бртеп сыххан. Парарга, сагамох!

«Олім эшелоны». Колчак ўзе-чара саптырар алнында коммунисттернi, вагоннарга тыхтап, нинче полганча хырарга сағынча. Партийнай, совет устаг тогынчыларны Хызылчарда, Омскта, чўзерлеп бдiргенiне чӊпсiмин, Искер Семеновтың чап адайларына иреледiп хырдырарга ысча...

Губерния пастыгы эсер Яковлевтi, кўстен, станциязар читiргеннер. Аның вагоннар iзин астыраын сағыбин, тогысчылар пломбаларны, замоктарны талап сыхханнар.

Харахха кӊрiн парған нименi чоохтачаа чоғыл. Чил-танга чогар сыхчатхан оорнаң вагон чызы харых пура саапча. Вагоннарга кире ойлас парып, хайзы нандыра сыхча, харахтары суглан парған. Худайчаян! Мындағ нименi кем кӊрдi ни! Пастап тоозыл парганнарны сыгарчалар, хости чатырчалар. Палты! Лом! — Хысхырыстар: «пу кiзi тiрiг осхас, чызыбысхан сӊбккe чаба тооп партыр, холдаң азырчаа чоғыл...»

Саглары ўзўлген парасханнарның харахтары ла ниме-де чоохтапча, ирнiлерi хыймырапча... суг... суг... Тiрiг халганнарны Сибирьзер кидертiн кӊсчеткеннерге пўдiрген ээн туразар кирерге чыхығ пиртiр М. И. Герасимов.

Ам на хабынган Гедыминниң чўрее сыстапча: ээн тура арығлалбаан, iстiнде чил ойнапча полар. Чобалызы тикке ле полтыр. Чидiп, кӊрзе, хайдар хайыныс. Тогысчылар ипчiлерi хайзы кӊнекнең чылығ суг та-

зыпча, хайзы иблерінең тими́р пес агыл салтыр. Хуруг одың иди ле үйлече. Песке салған ағас тыңырада көй сыхты, тура істі чылыпча. Тасхар сызыр, от салған соорлар. Ікі ипчи иблерінең половиктер, чорғаннар, подушкалар кир килділер. Пулунда самовар, хайнап, ооры пурлапча. Сабаннарға чылығ суғ урылча. Кем-де сабын, хыпты агыларға сизин салтыр.

Кір-чысха көй парған, хол теертерге чикістіг киптерин хыя тастап, тасхар бртепчелер, постарын чылығ суғнан чууп, тырғактарын кисчелер, састарын, сагалларын хырыхчалар. Чалаастарны, көдір парып, полга часхан сызырға салып, чорғаннаң, половикнең, халын сүбүректернең сөргепчелер. Больница тоғынчызы Мадис аргыс істіне паза тастына кисчеп кип, чылығ ухтар, черкейлер таап килген. Ахсыларын азып, самнахнаң чылығ чай амзатчалар, сыгытхан ипек унаан тайнаттырчалар.

Чылығ ибде, татхынныг азыралда, ипчилерниң паарсах көрізінде кизилер харах көзіне тиріл сыхханнар, хан-сөбктері кірізин, азах-холлары тоғын пастаан.

Кизидең чапсыстыг ние пар ни чир чалбахта! Кичее ле ізес чох полғаннар, пүүн күлімзіренчелер. Иинче-де күн иртче, азах пазын, прай нием кіріс парды тіп, чолга сыхчалар. Мында үр тудыларға чочыныстыг.

Парасковья Иннокентьевна хайдаң-да арыг паспорттар читирген. Таицнастыг, ахтар хайнас турған халтырастыг туста көскен кизилер больницазында чазыттыг паспорт пөлігі тоғын сыхханы. Иинче хызылгвардеец, коммунист наа паспорттыг, пасха ат-солалыг, чалчы тіп танылыг, ахтарныч чыы илгектерин бтип, Хызыл армияа хозылган, Колчакка тогыр тын аянмии харбасхан.

Партия ла киректезе, чонына туза идер сагыс чүреен көбретсе, ние сағын таппассың!

Ур сагаан тус читкен. Пастап Черемхов тогысчылары, оларныч соонаң Иннокентьевтегілер ахтарға тогыр тирігліг харбасха киргеннер. Партийнай комитет, ревком чазытта тимнеең тогыс ыырчаа урун сыххан. 1919 чылда 27 декабрьда Иркутта халган большевиктерниң устаанаң тогысчылар, істенүч халыхтар холларына мылтых алғаннар. Хызылгвардеецтер городтың көп чардыгынаң ахтарны хыя сүргеннер. Эсер П. Д. Яковлев, ыырчаа полызын, Глазков аал Семеновтың холына кір парды тіп, чойланыбысхан. Андартын полызыг чох пістіңнерге, кизи дее, тиріг дее асхынахта, ахтарны хыза пасчаа чох полган. Хызылгвардеецтер туртуға түскеннер, сыдас полбасыс тіп, нандыра чыл сыхханнар. Че тимірчолчылар дружиназы, Ангара тазып, тахта ах таа парыбысхан полза, тахтаны ибیره ахтар хадагда даа турган ползалар, кимелер таап, халын тубанны чара саап, пилдірттин кис килген. Полызыг тузында килген, хызылгвардеецтер хан төгістіг тартыста маң пирбееннер, чаалас хараа тооза тохтабаан.

Парасковья Иннокентьевна таң атханча Глазковтагы Хызыл гвардия штабында одырган, кирек хайди парчатханын искирчеп улуснаң тогас турган, хызылгвардеецтерниң устагчызы К. И. Миронов аргысха чаалазыг чөрімін искир турган.

Күн пазынаң наа чaxyг. Семеновтың чўлмелерин удурлир алнында хызыл гвардия дружиназындагыларны чазыр саларга. Парасковья Иннокентьевна анча чонны чазырар, азырир ондай тапхан. 29 паза 30 декабрьда ирткен хазыр тартыстарда Семенов хасхылары, япон самурайлары унадылғаннар.

1919 чылдагы декабрь күннериндеги большевиктерге угаа аар туста Парасковья Иннокентьевна Глазковтагы Хызыл Крестнец устаан. Переселенецтер больницазында Совет үлгүзи үчүн махачы турыханнарның чуртын арачылирға уйғу-чадыг чох күрезиг парган.

...Имнег туразы. Хызыл крест поезді тохтаг чох тогынча. Хызыл пицелер Мильда Грайс, Варвара Черных, Клавдия Замягина, Гурцевич-Попова, Валентина Севостьянова паза насхалары палыглатхан хызыл-гвардеецтерни тазып, маңнаминчалар.

Узілбинче хысхырым: «Парасковья Иннокентьевна, Парасковья Иннокентьевна!» Прай ниме аннан. Пілінче, аның өтиг тудынғанынаң кизилер айылары, тіріг халары. Көрче, пөкче. Мынзын Михаил Петровичке. өөн имчее — операция, тігізін чатыр саларга, сыдазын, анаң имчи холына, хайзы пірсілерин палыг палғачаң хыстарга.

Городта тымых. Тіріг күзүрези тоозыл парған. Хызыл Армия пээр чидіп, ахтарны арыгли пытырат салған. Ибіре суум-саам. Иреннер ипчилерінең тогасчалар, апсах-инейлер оолдарын сагып алғанга өрініп, харах частарын чызынчалар. Хызыл Армия чаачылары, партизаннар халых чон хойнына кірчелер. Ыр-көг. Чиңісчилер поэдыг пайрамнанча. Улицалар хызыл флагнаң чазанчалар. Кизи чыгбаан чылыыстар, чоохтас, суулас. Хысхы күн сузы чир үстүн чарытча.

Иб-сугларына айланчалар Рафаилнең Парасковья. Палачахтары өрініп плесет салчалар, амды күн сай хада поларларын, хачан даа тастабастарын пілінчелер. Хайдаг илбек ырыс! Паза чазын чөрерге киліспес, сыбыразып ла чоохтазары тоозылар, орты хараада көзенек тохладылбас. Аар корзынча тазирға кирек чоғыл.

— Сагынчазың, — чоохтапча Парасковья, — ирткен тус нымахтагы ла осхас. Хайди сыдас парғабыс. Қиртинминдеечезің хан үлгүзінің халын сиденін өтіре парғанына, хариблер, каторга, ызыг, күн сай істезіглер пастыра пў күнге читкеніңе.

ИЗЕН, ТӨРЕЕН ЧИРИМ!

Азыр ханаттыг хус полып,
Адам чиріне чидербін.
Игір ханаттыг хус полып,
Инем чиріне парарбын.

Алтын күскү ас-тамахха пайынаң сагылчатхан. Иді-ханы синмсең, чалахайынаң кемнің дее чүреен ирідер, бурят ипчилерінің сагыс-көгізін көдірерге чылха-саан аябин салчатхан, улуг-кічігнің паарсазы Парасковья Иннокентьевна хайдаг-да аарлыг кирекке пат парған одырчатхан.

Ізiк азылча. Чинт хызыча, Сiрерге телеграмма, хол салыбызыңар тiй, тапхан кiзiнiң ады-солазын кiрiп, тапсабин сых парды.

Новосибирсктен. Партияның Запсибкрайкомы. Ниме пол парды? Чапсыстыҕ. Хыгырча: «Сiрер тiрөөн чир амды Хакас автоном облазына айлан парды. Крайком аңдар устаг-пастаҕ тогысха iзестiглернi сыныхтап ысча. Сiрернi хыгырчабыс Новосибирскер килерге, чаратсаңар, Хакасиязар тогысха ызарҕа сагынчабыс».

Хакас чирi! Инем уязы, адам чурты. Хайди сагаа iстiм үзүлгөн, хайди синiң чарых омаң аар туста, илесте миннең хада ла чiргөн. Парарҕа, пүүнөк, пiр дее күн саадатпасха! Бурят харындас-ничелерiнен анымчохтазып, ирiн, палаларын тимнеп, чолга сыхча. Сибирь таглары, алгым чазылары, түн тайгазы. Таныс городтар. Хызылчар. Чинт, постаң пузы, революция чолына кiргөн уңдулбас чыллар.

Новосибирскте чоох үр полбаан. Парыңар, тееннер, хакастар аразынаң пiчiкчiллер саныыҕ ла. Сiрер аңда кирексер.

Гедымин-Тюдешева Агбанда. Он сигiс чыл полбаан. Город тiп полбассың. Станцияда ла улуг нимес наа туралар. Станциядаң Агбан пилтiрiне писче пирста. Азых чазы. Я, суҕ хазындагы чабызах агас турачахтыҕ улица таныс. Ирткен чүс чылның тогызон чылларында Минсугдагы прогимназияда үгрөнчөткөндө, чар хазынча пастыраҕа, паром сагирҕа удаа килiсчөң. Асхыссар, Пилтiрзөр, Табатсар пар килерчiк олган тузынаң тогазарҕа... Наңмыр сүүлет турган туста чалаазах көк оттыҕ чазыча чүгүрөргө...

Килiспөөн агаа ибiре чiр килерге. Наа тiрөөн областьта көп ниме мидiспинчө, уламох устаг-пастагчылар. Пастагы таныстар. Пеер илесте орыннардаң ызылган улус чылысчаттыр. Партия обкомының хачызы Сизых, облсполком кнезi Балахчин паза пасхалары. КК РКИ-да партколлегия хачызы кирек. Пiзiк одыртчахха тартымнинам, тiпчө Гедымин, тогыс ла ползын. Холым ник, хараам чiтiг.

Тогын сыххан. Нинчө-дө күн пазынаң партия обкомынаң сыгдырас. Парды. Сизых, Балахчин нимелер. Тюдешевазар айланчалар: «Парасковья Иннокентьевна, ВЦИК-те Михаил Иванович Калининнең хости одыраҕ кiзi кирек». Ойнапчалар тiп, хачанох мин Тиксi Союзтагы старостаның орнын көр чiргөм тiп хатхырча, күлзө, кiзөө идя иртiрө теерге чарабас, нанчылар...

Хахты-күлкү соонда сын хабарлас. «Автоном областьтарына ВЦИК-те кiзi тударҕа чарадыҕ сыхтыр. Аңдар Сiрернi чараттыбыс. Хынза, Калининнең күн сай хости одыраҕа килiспөс, чө удаа тогазарҕа килiзөр. Нинчө пар сурыгларны пiс ВЦИК-тегi кiзiбiс пастыра тургыс турарбыс».

Чарир, теен Парасковья Иннокентьевна, партия киртiнiзiнең аарлыҕ ниме чоҕыл магаа, күстенем.

Москвазар 1931 чылда январьда читкен. Iкi чыл чарым М. И. Калининнең, Серго Орджоникидзенең тогас турҕан, көп сурыгларны оларнаң үзүргөн. Надежда Константиновна Крупская пiстiң пичөө арыҕ чүрөөнөң паарсаңаң.

...Кремль. М. И. Калининнiң тоҕынчатхан орны. Чон толдыра.

Прайзы Михаил Ивановичсер. Ізiк хыриндагы стол кистинде одырчатхан чнит ипчi танып салды. «А, Хакасия! Изениер! Сiрернi Михаил Иванович сахтапча. Кiрiнер. Молчаан тусха хап-орта килдiнер».

Ізiк асты. Алнынзар табырах пастырага туртыгып, сала айбынысты, ах платнаң тирлеен хамаан чызынып. Кiрбе сагаллыг, халын очкилiг, улуғ-кiчiг хачаннаң чахсы таныпчатхан кiзi, одырган орнын тастап, о, Сибирь, Хакас чирi, хайди читтiнер тiп, удур пастырча, холын тудып, поэнын одырчыгынаң тогыр алгым креслога одыртча.

Хазнаның улуғ пастыгы ыраххы Хакас чирiнiң тiлiнең хынып тiл алысча. Кiргенi пiлiнче, Михаил Ивановичке аннаң ўр одырага маң чогул, хай пiрее сурығларны ла тургызарга. А иб ээзi хазинңар хайдагдыр, палахахтар пар ба, Москвада истiг чурт пирдiлер бе, — сураг соонаң, сураг. Анан на — хайдаг кирекнең минзер килдiнер!

Парасковья Иннокентьевна азынадох сагын салган: пiр кiрiсте пiр ле сурығ тургызарга. Анда Михаил Иванович миннең ўр тудылбас. Бoград совхозында пўўл ас-тамах пай полар одыр. Ас кичең машина чидiспинче. Совхоз директоры нинче машина хоза кирек иоларынаңар ичiк ызарга орайлат салтыр. Амды ах-тик одыр.

«Ниме чох, — тiпче Михаил Иванович, — тамах ла кiп ползын, чоныбысты тосхыра азырирга кирек. Машина табарбыс». Телефон трубказын кiдiрче, аал хонин машиналар таратчатхан чирзер сығдыратча. «Чобалбаңар, Гедымин аргыс, тандох ызыларлар ас кичең машиналар».

Нинче-де кўн пазынаң Агбаинаң Бoград совхозына искiрчелер: сiрерге Москвадаң икi ас кичең машина читтi. Килiнер, апарыңар. Совхоз директоры чочып парган, хайди иди табырах... Полбаан ниме!

Паза пiр тоғазығда партия обкомына паза облысполкомға нинккe чiрчең машина сурынган. Михаил Иванович хайдар-да сығдыратча. Хакасия полпреди пос чонын, пiр машина алып, iрiндiрерге сагынча. Анда асфальт — хара тобырах, ўс машина ызыбызарга чiп ирчем.

Пазох Кремль, пазох тоғазығ. М. И. Калинин хакас хызынаң илее-де тiл алысхан соонда, сурыбысты: «Гедымин аргыс, ол киректең (чоох парган культурадаңар) Надежда Константиновнада полгазар ба? Анзы, чох, полбаам тiпче. Калинин пазын икiпче, хачызын хыгырча. Чахыг: амох Крупскаязар сығдырадарга, пiлiп аларга, хачан тоғас полар Хакас автоном облазының кiзiзi Гедымин аргыснаң.

Тоғазығ икiнчi кўнiнде. Молчаан туста Тюдешева Крупскаяның хачызында полган.

— А, а, Гедымин, Гедымин! Хакасия! — андаг сiстернең чылығ удурлаан Надежда Константиновна. Хости одырт салган. Уурап парган хараанаң очкизiн суурып, чызып, сырайынзар кичеп кiрче, кўлiмзiрепче. «Чахсы, чахсы, тунма. Тiреен, iскен чирiнер хайдадыр, мының алнында хайдаг тоғыста полгазар? Искем, Минсугдаң ырах нимес Хакас автоном облазының iбiн городы тiстелче тiп. Суста чи поларга килiскен ме?»

Саблығ орыс революционер ипчi, иргi коммунист, Владимир Ильич Лениннiң иц чағыны — ипчiзi паза хакас революционер ипчi, ўр кiрiс-

пеен, хада сыххан пичелер чили, паарсаза, ўр бе, ас па одыр салғаннарын сизинмин, хынығ тоғазыға пастырып, чарылыс полбинчалар.

Ізiк нинче-нинче хати сала ығырапчатхан, искеннер бе, чох па, чоохтас хызында. Надежда Константиновнаның хазини арачылапчатхан имчилер агаа кўнде 2—3 кiзiден артых тоғаспасха чараттырлар. Тоғазығ тузы 10—20 минута. Ур одыр салғанын оңарып, Парасковья Иннокентьевна турарға итче: «Пыролығбын, Надежда Константиновна, ўр тут салғаным». Чох, чох,—нандырча анзы.—Сiрер пыролығ нимессер. Мин хачыма чыхығ ит салғам: Хакас кiзiзiнең сағба полза, магаа андох искирерге, килзе, сағып одыртпасха.

Крупская, анымчохтазар алнында, Гедыминзер чагын пастыр парып, хол тудып, чоохтанча: «Хайди бiрiнерчiк Ильич, Калининнең хости хакас чонының хызын кбiрiп. Пiс Суста чуртаанда Ильич хакас апсахтарнаң чоохтазарға тың хынчан. Че Ильич хакас чонының нымахтарын, кипчоохтарын пiчiкке пасханынаңар пiресе хабарлазарбыс соонаң...»

Соонаң. Нинче хати олар соонаң тоғасчаңнар. Пiрсiнде Парасковья Иннокентьевна Ағбанда совпартшкола азылғанын, анда аал тiлi пiлiс хойытчатханын, совпартшколада библиотека азарға кирек полчатханын искирерге кiрген. Хакас чонының аразынаң устағ-пастағ тоғыхса сыданаңларны кiбдин тимнирi иң аарлығ киректерниң пiрсi тiп таныхтапча Крупская. «Библиотека кирек, кирек. Книга ызарбыс, ызарбыс. А хакас хыстар пар ба анда ўгренчiлер аразында?» Нандырығны сағыбин, нозыох узаратча. «Пiс Ильичнең Сiрерниң чирде чуртаанда...» Хайдағ паар хайылдырчатхан сiстер хакас хызына. Нинче дее ишеткедег: Ильич, Хакас чирi, хакас чоны, аның ўлўзi...

...«Апсахтардаң тiл алысхан соонда Ильич магаа хынып чоохтачаң. Ильич хакас ипчилерi кiзее саналбинчатханына бкпеленчен. Ирге парған ипчи иринiң дее адын адабачаң полтыр. Иринiң пабазынзар, улуғ харындызынзар кiрерге, олар пастабаза, чоох пастирға туртыхчаң полтыр. Хакас хызычах пубайдох, ибдегi похыр-сохыр нимее, малға тiңнелiп, садылчаң, ирге кўстеп пирiлчең полтыр...»

Ильичтиң чоогы соонда, Надежда Константиновна хакас ипчилерин иргi чурттаң чара тартарға, наа хоныхха кiнiктирерге, комсомол, пионер организациялары пастыра, пiлiстерiн алгыдып, бiр кiдiрерге чiп пирчен.

Пiрсiнде Ағбанзар килiп, иледе чуртаң, районнарча чiр парып, область пастыхтарынаң чiптезiп, Москвада хайдағ сурығлар кiдiрерiн пасхлап алып, Парасковья Иннокентьевна Наркомпроссар, Крупская-зар кiр партыр. Областьтағы больницада электрокабинет тоғынча, хакастар хынып имненчелер, чоохтапча Гедымин. Пiрсiнде больницазар хакас апсах килтiр, «пир магаа чылығ наңмыр» тiптiр доктор Енифансовха, Ванька Худяковха наңмыр пиртiрзiң, пазы агырбинныбысхан». Надежда Константиновна хатхырча: «Чылығ наңмыр, чылығ наңмыр! Ильич орта чоохтачаң, хакас чоны, чох-чоостар чыхсы чоң, арығ сағыстығ, пазығда тынастапча, соонаң чарыхха, культураа тартыл сығар. Чидер андағ тус».

Алында азах-хольнаң тузахта полған хакас ипчи амды, Совет ўлгўзi тузында, иреннернең прай киректе тiң. КУТВ-та (Искерки чоннарның

коммунистической университети) үс хакас илчи — К. Интутова, А. Маганакова, А. Саражакова — үгречелер, область чаргызының киезіне В. Чебодаева (Богодельщикова) тургызылды теенде, Крупская чөпсініп, пазох Ильичті адапча. Пазыгдагы аймах чоннар, хан кинчилерінен поэтып, көгіс-сагыстарын алгыдар, кізее чир үстүнде чаялган ырыстыг хонхха тартыларлар тіп киртингені амгы туста толча. Хайдаг өріністіг хабарлар сыйлапчазар, хакас хызы. Чүреем тибірепча. Андаг сөстернең анымчохтасча Надежда Константиновна.

Июль 1933 чыл. Парасковья Иннокентьевна, чоңының киртізін толдырганына чөпсіне, көп сурыгларны түбіне читірерге сыданганына өріне, иб-суунзар айланча. Чахсы тынанарга даа маңнанмаан. Чон үгречиниң областьтагы пөлігінің устагычызына тургызылча. Аалларча чөріп, школалар тогызын сыныхтапча, көп орынарда наа школалар азарынанар чөптесче. Мының алныдох чили, чапчаң тудынча. Машина чөх полза, чазаг даа чолга сыгыбысча. Кирек ле иділзін, ние посты аянар. Хан чүлмелерінең харбас чылларында таптал парган хыли хубулбас. Кемнең дее көні көрізер, кирек полза, тартызар, сарыза халар, че поэты көрген, сыныхтаан ние пүтпеенде, тохтабас. Угречилер алнында чоох тутча, район, область устагычыларын чон үгречин киректеріне тартча. Агбанда уличача пастырчатса, прайзы агаа пазын икіпче, Парасковья Иннокентьевнанаң изеннесче таныс таа ниместер. Чарых көңінің, чылыг чүреенек, чалахай омазынаң, күстіг тудынызынаң прайзына аарлатча.

Агбанда музей пүдірер кирек Гедымин-Тюдешева аргысхох чахылча. Тура табарга, тогынар кізілер чыырга, тогыс пастирга. Прай ние табылча. Музей төріпче. Пушкин уличазында пис хадыл узун тас тураның алтындагы хадылында, мындох изерістіре тургызыл парган күргеннер хыринда наа музей азылган. Пилчелер ии пу чүрек тартчатхан орынны төстирінде пастагы кірписті кем салганын? — Парасковья Иннокентьевна Гедымин-Тюдешеваның сибер холы, халын сагызы, тіспен күстенізі анда парох.

* * *

Парасковья Иннокентьевна Гедымин-Тюдешева 92-чи чазында, кинетін агырып, 1975 чылда тоозыл парган. Аның чайзаң омазы чоңында халар, ундулбас.



ЧАЛЫННЫҒ ОТ ЧАЛБЫРАЗЫ, ЧАДЫҒ ПІЛБЕС ХАРБАС ХУЛҒАЗЫ

Иргі коммунисттің чуртынаң танығлар

Піс аннаң үрдең таныспыс. Улугаат па-
рын, сылағай сыны сала пүгүрел тее парган
полза, нник пастырызы, пүрүңкі тартпаан
харахтары, аның ит-ханы ам даа күстіг са-
былчатханына кпречі.

Полган на тогазыгда, ыраххыны чагыннадып, кичеегізін пүүңгізіне
читіріп, ээн нарчабыс. Сизінчем, пүүн дее поэын адабас, аргыстарына
ла теелер. Хайдаг хынығ, аарлығ тогазығлар, хайдаг таңнастығ чуртас!
Көөлче чоохтанча апсах, аныңзар ла аңдыпчам, миңің алнымда хайдар
махалығ чурт чылдаң чылга иртіп одырча. Коммунист, Ленин өөрінің
сын солдады андағ поларга кирек.

Чачын таратчаң оолагас

Сибирьдегі садығ банкның Минсугдагы пөлни ырах сабланча. Чон
күзінең чыылған истің ээлері хайзы Петербургта, хайзы Парнжте, пірее-
зі Хызылчарда. Чалтырада тонан салган, чоо пайорхапчатхан сими
наахтығлар улугларының чахығларын толдырарга удаа пеер кірчелер.
Илбек ис-пайны санап, маң чохха түсче көп чон. Сан сабылчатханы, ча-
чын сығдырааны, анда-мында амыр чоохтас мында улуг нине пүтчетке-
нін киречілепче. Амыр. Кирек чох хайыныс чоғыл. Пір ле кізі иртеннең
нирге читіре аар-пеер чүгүрче. Ол он ікі чазын апарчатхан нымысчы
оолагас. Сарығ састығ, кнскен кнбі пбіре намачылығ. Палачах көбізін
банк пастығының ізинн хадарча. Игнат ла тіп табыс истілзе, маңзыри
тура хонча, хозанах чіли, хулахтарын чіке тутча, пастыхсар кірче. Хай-
даг-да чачыннары, пірде пірсине апарып, сал пирче, анаң пазох наа
чахығ сахтапча.

Майыхча, тың майыхча кічіг парасхан. Одыра сабыхсыпча. Хараан
нуубысса, төреен аалы Пүгүр тағ арлана түсче, чабызағынаң ағас тура-
чахтары, хомдыда чатчатхан пабазының ағарта тарт парган сырайы.
Төртөлең, пірсі пірсинең орай, іче холында халганнар.

— Игнат! — Хатығ үн хулаан чара сапты. Чачыри түсті, харахтарын
чыза. Түрче полгандох, оолагас, сумка артына, город істін читі крес-
тепче, онар тура ізинн тохлатча, пічіктер таратча. Чүгүріп, майых таа
нарза, тынанарга маң чоғыл: пірде пірсі нымзанча, аны ағыл, мыны
апар, чүгүр, маңзыра, маңнан.

Чыллар чылысча, айлар алысча. Күстенче пала, че чал ахказы хо-зылбинча — 5 салковай айда. Пирсінде ах чаңында буква саапчатхан ипчїнің хыринда одыр салған. Көрзе, буквалар пос ондайынаң, полғаны ла уязына килістіре тур парыбыстырлар. Чапсыстығ! Угренип аларчых. Түгенчі чылда ол, сіліг пазарға тіп, иир сай тоғыста халып, аязы талған-ча, салаалары сіскенче сірен парча. Ниме чох. Сидік тее урунза, буква-лар, сөс искен чілі, прайзы пір тиң тур парчалар. Торғы чібекнең сөзірт-кен мелей хоозы хайди харах ойнададыр, аның оң саринзар хыйыр арах пір тиң пасхан буквалары ідök хоос көрінчелер.

Пазох пір чыл иртер, пічік таратчаң оолгычах, машинка саап, сіліг пазып, банк тоғынчыларының хайинн тартар.

Пис чыл ирткенде, Игнат чүгүрізін тохтатча, аны конторщик тіп адапчалар. Сибер холлығ кізее чахығ толдыра. Иирде халып, илееде пічіктерні хатап хобыр салча, машинканаң теелісче. Хадағчылар даа чолағастың хызыхчатханын пілчелер, иирде тоғынып, ахча хоа анып-чатханын чаратхан осхастар.

Харағы азылча, көксі алғыпча

Сыңа пала, тоғыс соонда машинканаң теелізіп, ирік парза, библио-теказар манзырапча. Тасхатар, аар артынчахха пастырып, өстесеткен осхастар. У, нинче кинга! Пір кинганы хазыр көрді, оңар полбады. Ікін-чі, үзінчі кірісте илееде кингалар алып, хыгырча. Сала-сула пілдістіг, че читіре хабын полбинча. Пір пулуңда стол кистінде сагаллығ чинт кізі одырча. Очкилығ. Столда үүлдіре кингалар. Хыгырып, нимеде па-зып одырча. Аны күн сай көрче, пас парып, чоохтазарға тідінминче. Че пірсінде, чағын пас киліп, сүрдеп ала, ағырин сурыбысхан:

— Пыролгыбын. Сірерге харығ полчам, неке, чөп пирерге сурынчам.

— Ниме, хайдағ чөп, чинт кізі? — айлана түскен оолагассар сагал-лығ оол.

— Хынығ кинга таап полбинчам.

— Хынығ кинга? А, хынығ кинга хыгырарға ба... Войничтің «Ово-дын» холда тутхазар ба?

— Чох.

— Хыгыр көріңер, оолагас. Хыгыр салзаңар, ол кингадаңар чоох-тап пирзеңер, килізерчйк. Чарир ба?

Танысхан кізізі пеер ыстырган большевик Вадим Александрович Ватин полтыр. Соонаң аның чөбінең хакас оолгы П. Г. Чернышевский-нің «Ниме идерге?» кингазын хыгырча. Игнат хыгырған кинганы хайди оңарғанын Ватинге чоохтал пирче. Угретчі, чинт кізінің харахтары азылып, көксі алғыпчатханын сизініп, өрінче. Сыңа пала, сағынча Ва-тин. Аны үгредерге, үгредерге. Соонаң аарлығ кирекке тартарға.

Игнат К. Маркстың паза Ф. Энгельстің «Коммунисттер партиязы-ның манифестін» хыгырча. Библиотекада ұр чоохтазар ондай чохта, Ватин Бузулаевті ибінзер кір турарға хыгырча. Ибде хайдағ даа сурығ ибіре хабарлазарға истіг. Түрче полғанда, Игнат социал-демократтар, «социал-революционерлер, кадеттер, анархисттер партияларынаңар, олар

нине үчүн күресчеткеннерін піліп алған. Мындох, Ватиннің ибінде, большевиктернең меньшевиктернің хазыр тартызын тыңнапча. Көрін, истіп, ибіре-сибіре сағын киліп, большевик Ватин орта чолда турчатханын сизінче.

Чазыттыг тогыстың хайназында.

Пірсінде Игнатты ибінзер хығыр киліп, Ватин сурча:

— Игнат, син машинканаң буква саап пілчезің ме?

— Пілчем.

— О, чохсы, чохсы, — өріне түскен Ватин. — А сөс сыгарбин чөрерге?

— Тапсабасха ба?

— Я. Ахсына толдыра суг оортап салган кізі чили, тапсабин на одырчадарга, нине пілгенін чазырага. Оңарчазың ма, Игнат?

— Пілдістіг охас, — нандырча ол.

Андаг-да мына нине. Пу пічікті он пис-чибіргі хати машинканаң саап иир. Че көрген-пскен нине чох ползын, сымзырых ла ползын. Иткен нине магаа айланзып.

Ол туста имперялисттер пастаан чаа хайнап турған. Чаа одын кем тамысхан, чоннар урунызып, өлім чаяры кемге киректір, хан төгізін тохтадар үчүн нине идерге киректір — ана хайдаг сурығларга чарых нандырыг иирче Ватин пасхан пічік. Орты хараа ирткенче банк туразында буква сапчаң машинка түкленче. Хадагдагы полиция табаннары, контора тоғынчызы Бузулаев банккаа кирек пічіктерні тимненче тп, пір дее хайыг салбин, халын уйгаа пастырчалар.

Пастагы чохыг пүт парған. Большевиктернің сөзі, таратчатхан пічік солдаттын, тоғысчының холина кірче, оларны алгыпчатхан чаага тогырланарга хығырча.

Түрче полганда, Ватин улуг прокламация пас салган. Анда имперялисттер чаазын гражданд чаазына айландырадаңар Лениннің саблыг хығырнини чоңга чохсы оңарылыстыг иде читірче. Хайди аны илігче дее санга хоза чарыхха сыгар салчаң?

Чочыныстыг кирекке Бузулаевох тидинген. Пиріңер магаа, идем, сыданарбын, теен тіспен оол. Андаг улуг чохыг пирер алнында Ватин сурча: хорыхпинчазың ма, Игнат? Аны толдырар алнында сөс пирерге кирек.

Чазыттыг киректе большевиктерге полызарга хыңчатхан кізі поэна хайдаг нандырыг алчатханын өтіре пілінері киректелче. Сынап хан үлгүзі чаратпаан кынганы, листовканы, ибде таап, харибге сук салзалар, кемнең алганын істезіп, хайди даа согып, преелезелер, аргыстарының адын адабасха, прай пыроны поэна ла ал саларга.

— Андаг пістің закон, — теен Ватин. Сағын көр, Игнат, нандырыг пирерге маңзыраба.

— Сағындым, Вадим Александрович, — теен Бузулаев, — прай нине оңарылыстыг, киртіңер, минің үчүн уятпасар.

Ол күннөң сыгара Игнат Минсугдагы большевиктерниң статьялары, листовкаларын, прокламацияларын машинка пастыра бир хараада ла илгер саннаң тимге сығар турған. Иди пасталған хакас оолның чазыттығ партийнай тоғызы.

1915 чылда күскүде Игнат үгретчизиниң ибінзер кир парған. Көрзе, пис-алтыча таныс нимес улус. Вадим Александрович, чыылғаннарзар айланып, типче: «пу чиит кизиниң ады-солазы Бузулаев, мындагы тадарлардан сыххан оол, писке чахсы полысча». Пирси пирсиниң соонаң сураглап сыхханнар: төреен чириң хайдадыр, паба-ичең пар ба, хайда тоғын парчазың. Чазыттығ тоғыста аралазып, хайдаг-хайдар улуғ нандырығ тутчатханың чахсы сизинчезиң ме. Прай сурығларға толдыра нандырып, соонзар большевиктер партиязына нинче пар чылха-күзин, кирек полза, тынын даа саларбын тип чарлаан. Большевиктерниң Минсугдагы группазы И. С. Бузулаевти партияа бир чөппөң аларға чаратхан. Кичиг аалда төреен он сигис частығ чиит оол Игнат Ленин партиязына кирче, поэныиң чуртазын, сагызын, хынызын чон киреене чарытча. Саблыг большевиктер Е. Д. Стасованаң, В. А. Ватиннен, Ю. П. Гавеннен, А. П. Спундэнен паза пасхаларынаң удаа тоғасча, чыылығларда араласча, оларның чоохтарын тыңнап, партия киреене сын поларға үгретче. Мында чиит коммунист улуғ партийнай школаны иртинче.

Игнатий Степанович машинка пастыра большевиктерниң аймах листовкаларын, прокламацияларын тимге сығарча.

«Бузулаев,— сагысха алча Е. Д. Стасова,— машинкада пасчан, аннаңар пистиң тоғызыбыс нииктел парған...»

Поэы Игнатий Степанович пиди чоохтапча:

«Иирде он час тустарында банк хадарчатханнар узубысчаңнар, мин тоғынчатхан орынзар банктох чуртаан улуғ пастығ таа чағын чөрбечең. Иирде 10—11 частаң иртен 5—6 часха читіре тоғынарға бир дее харығ чох полчан».

Тимге сыххан пикиктерни тарадары В. А. Ватинниң холында полған. Отыс азыра орынарзар ызылаң ол пикиктер. Турухан крайынзар — Я. М. Свердловха, И. В. Сталинге, С. Г. Шаумянға, Я. Е. Боградха, Канск уездінзер Сурен Спандарьянға. Бузулаевке көп тоғыс пирчең Елена Дмитриевна Стасова. Ол хакас оолгычахха паарсаңаң. Оларның ынархазы Стасова үреенче тоозылбаан.

Черемхов шахталары. Игнат чон үчүн турысча

1916 чылда хан үлгүзи Минсуг чиріндеги тадарларны настағызын на армияа аларға чарадығ сығарча. Изенизи чох инородецтерге мылтых туттырарға хорыгып, үлгү тутчатханнар оларны тастығ чирлерзер аар тогысха сүрчелер. Ана иди Асхыс аалларының оолларынаң хада Игнат Бузулаев Черемхов шахталарында тоғын сыххан. Аал оолларының хайзы узун теер тонның, теер маймахтығ чир алтында, писке паза чабыс забойда, хара тас хас полбин, иреелен-чудан сыххан. Тоғыс чалы асхынахта, астаң астап, сугдаң сухсап, чазып, ағырыға хаптыр сыхханнар. Шахтада тоғынарға киліскек кип ширілбечең. Игнатий Степанович, ар-

гыстарының мухананчатханын көріп, сыдап полбин, шахтаның бөн инженерінең тартыс сыххан.

Пірсінде хысхыда, хас-пораан чүрек халтырат турғанда, ибіре пір дее ние көрінмин турғанда, пір хакас оол, шахта хоолынзар тайлыгып, орха сөгін сындырып, тоозыл парған. Анаң на чон көдіріл сыххан. Аал оолларының чардыгы тизібіскен. Чолда, соохха тооп, хайзы ибге чит полбаан. Тагчылар хазыр өкпеленісте тогысха сыхпасха чаратханнар. Забастовка читі кўн ирткенче тохталбаан. Улуғ пастых читкенде, И. С. Бузулаев шахта ээлеріне хатығ урунган. Аның чалынның сөзі тогысчыларның чўреене читкен.

Февральдағы революция соонда хакас ооллары иблерінзер айлан килгеннер. Игнатий Степанович, Минсуға айланып, революцияа чары-дылган тогызына пазох чаба чадыбысхан.

изен, Октябрь! Изен, Совет үлгүзі!

Минсуғдағы большевиктер амды чон аразына көні паза азых кірчелер, тогыс алғытчалар. 15 мартта 1917 чылда «Известия» газета сыхча, аны Минсуғдағы тогысчылар паза солдаттар Соведе сыгарча. «Товарищ» газета — большевиктерни. И. С. Бузулаев, көп тогыс толдырып, «Істенчі чинттер союзын» — комсомолны төстирінде араласча, «Товарищ» газетаның хачызы молча, уездтегі профсоюз бюрозында тоғынча. Коммунар рудниксер парың, тогысчыларның хоптанызын үзүрің, орындагы пасгыхтарны пўрүстірче.

Октябрь. Аның чалынның оды ыраххы Сибирьге, Минсуға читче. Бузулаев аргыстарынаң илбек чиңісті істенчі халыхтарга искірче. 31 октябрьда Минсуғдағы Совдеп үлгүні холына алча.

И. С. Бузулаев — Совдеп члені. 1918 чылда 12 январьда ол Сибирьдегі садыг банкның Минсуғдағы пөлігінің комиссарына тургызылча. Киңее пічк таратчаң нымьсчы оолагас пўн чон холына кірген илбек ис-пайны істенчілер хонинна тузаланаарга чапсынча.

Че чинт Совет Республиказы чаксы өделен полбаан. Чон ырчылары, пасха ханнар пилгерінең пірігіп, хазыр харбас пастааннар. Минсуғдағы большевиктер, оларның аразында И. С. Бузулаев, Хызыл гвардияа кірчелер. Пістің сырах оол, холына мылтых алып, Совет үлгүзін арачылырында араласча.

Пазох харасхы хараа түсче...

Минсуғдағы Совет үлгүзі түс парған. Ахтар ханатан сыхханнар. Большевиктерні сўрізіп, тудын, атханнарын атып, халғаннарын харибге сых сыхханнар. И. С. Бузулаев тутырбох салған. Минсуғдағы харибде аны, аннаң хада тоғынған аргыстарын кўн сай даа иреелечецнер. Пір ай азыра, астаң астап, уйгы-чадын чох, өлім сагааннар большевиктер. Соонаң оларны Хызылчарзар апарғаннар. Андағы харибде пір чыл чарым тутханнар. Бузулаев саблыг большевик Я. Е. Бограднан танызып алған. Ол туста Хызылчардағы харибде Сибирьдегі иң саблыг больше-

виктер Я. Ф. Дубровинский, А. Г. Перенсон, Г.С. Вейнбаум паза пасхалары одырғаннар. Оларнаң, пірее-пірее тоғазып, тіл алызып, Боградтың лекцияларын, докладтарын истіп, Бузулаев сидік, че орта чолға кіргенін улам чаксы пілінген, аннаңар хайдаг даа аар-чүкті, хорғысты тобырарға тимде полған. Арғыстары хараа сай хызырылып ла одырчаң, пір хараа ікі-үс кизи атып салчаңнар, пірсінде он читі большевикті харибден сығар парыбысханнар. Ікі муң азыра устағ партийнай, совет тоғынчылары күн сай ізик хазыра азыларын, кемні-де адирларын сагычаңнар. Хызыл армия Қолчакты нинче тың хыс сыхса, анчоң хатығ урунчаң чабығдағыларға. Прайзың Хызылчарда чоң идерге тидимин, ахтар «өлім эшелоннарын» сағынып алғаннар.

«Өлім эшелоннарының» пірсінде Бузулаев, Трегубенков, Непомнящий, Гидлевский, Пономарев, Руссин хада пол парғаннар. Мал апарчаң кірліг, сооң вагоннарға нинче сыңанча тыхтап салтырлар. Чолда, өзөгип, азақ-хол үзүдіп, нинче кизи тоозыл турчаң. Хайзы вагоннарда сала ла тынчатханнарны тооп парғаннардаң чадап ла чарып алчаңнар. Іскер ыстырып, атаман Семеновтың холына кіргеннерден тіріг халғаң кизи табылбас тіп чочыстығ тылаас тарачаң.

Сыдааннар махачылар. Харахтары ниме ле көрбеен, хулахтары ниме ле испеен: хада тоғынған арғыстарының ханы, ипчилернің илезі, кічиглернің харах чазы. Че большевиктер хорыхпааннар, өлім хости даа полза, туртухпааннар. Хызыл Армия Қолчакты хайди даа унадарына ізенис оларға аар-чүкті сүрнүкпин тобырарға төмес полған. «Өлім эшелонның» Хызыл Армия 1920 чылда февральда позытхан. Қолчак унада сабылған. Совет чирінде чарых күн сустал сыххан.

Чоң үлгүзи — аның үлгүзи

Сооңха тооп, өзөгип, прее-чобаға чылха-күзи син тее парған полза, аар ағырығ азахтаң түзіре саап турған даа полза, Игнатий Степанович маң пирбеен. Владивосток, Благовещенск, Верхне-Удинск — ол тоғынған городтар. Читада — партийнай тоғыста, «Прибайкальская правда» газетаның редакторы.

Төрт чыл Японияда совет торгпредствоның хачызы, Ленинградтагы комвузты тоосхалахтох, И. С. Бузулаевті Башкириязар совхоз политотделының пастығына ысчалар. Соонаң партияның Башкириядагы обкомында тоғынча.

Немец фашисттері хазыр чаанаң кіргеннерінде, Игнатий Степанович Чир-сууна махачылығ турысхан. Аар палығлатхан, имненген. Чазылып, хатабох фронтха парған. Ясса алтындағы харбастарда, Венгрияны, Чехословакияны паза Австрияны позыдарында араласхан. Аның көксінде Хызыл Знамя, Отечественной чааның I степень, Хызыл Чылтыс орденнер, көп медальлар.

Чаа соонда Игнатий Степанович СССР-ның палых промышленнозының министрствозында тоғынча. 1946 чылда палых промышленнозының министрствозы аны Берлинзер тоғынарға ысча. Төрт чыл иртірген ол анда. 1956 чылда И. С. Бузулаев тынаға сыхча.

Пүүл январьда Игнатий Степанович Бузулаевке 80 час толды. Агбанна көп алгыстастар ағаа чыткен. КПСС обкомынан, ХакНИИЯЛИ-ден, музейден, ВЛКСМ обкомынан, Хакас школазынан, «Ленин чолы» редакциязынан, чагын таныс-аргыстарынан, Минсугдан. Аның чонга тузалыг улуг тогызы партиянаң пөзүк паалалды. Амды ол Октябрь Революциясы орденнен сыйыхталды. Арыг чүрөөбестең чылыг алгыс ысчабыс Сирерге, хакас чонының сын оолгы, Ленин партиясының ветераны, амгы төлнүң чыргаллыг часказы үчүн иң махачы паза күстүг күресчилернүң пірси, Курага чириндегі Пүгүр таг аалычахтың төлі.

Л. Р. КЫЗЛАСОВ



ТИСПЕН УРОМАН

Аның чуртазы уғаа үгреділіг полған. Пір дее пічік пілбес, он читі часха теере орыс тілі пілбичеткен оолағастаң пөзүк пілістіг кизи пол парған. Ағаа азахха турарға полысханнар иң не пастап орыс чонының кизилери паза большевистская партияның членнери.

Көп тее чыллар ирт парған полза, аның чапчан, тыс пілбес омазы ам даа харахха көрүнчеткенге төй. Ол уғаа иптүг сүрүннүг кизи полған: ах сырайлыг, хара сибірек састыг, күрең харахтыг. Чуртаста даа иптүг хылыхтыг кизи полған: тамкы тартпас, арагаа тартылбас.

Тирген сөзіне турыстыг, чуртастагы чиптестердең, күс аябин, күресчең полған. Олганнарға хының, оларны үгредерге күстенчең. Амыр, тапсабас таа хылыхтыг полған полза, чон алнында ізіг чүрегінең чоох тутчаң.

Аның пасхан пічіктерінде пістің чонның ол тустагы историязының хай пірее сарилары көрінче. Совет үлгүзи турар алнында ол пастух, чалчы полған. Соонаң — сельсовет хачызы паза кнези, сельпоның санчызы паза кнези, кооперацияның инструкторы паза бандиттернең күресчең волостьтагы ревкомның члені. Роман Афанасьевич ідок библиотека тогынчызы, орыс тілінің үгретчизи, чонга ойын көзидер киректің араласчызы, уездтің губерниядагы газеттернүң аалдагы хабарчызы, стихтар пасчаң паза хакас пічігн төстирінде араласхан, хакас чонының фольклорын чыган, хакас-орыс словарьын тимнеп сыгарарға харасхан.

Хайдаг кизи полған за ол? Хысхачахти чоохтаза, тыс пілбес Уро-

ман, (аны іди тіценнер полтыр аалдағылар) Хакасиядағы социалистической культура революциясының пастағы араласчыларының пірсі полча.

Анынаң чазыт кизілерінің чоохтарынаң, Уроман хакас таа, орыс таа тілінең Лениннің үгредин чонға чарыда чоохтап пир турчаң. Ол тустарда харбастығ чыллар полған. Тайгаларда, тағларда пай казактарның, пайларның бандалары чонға амыр чуртас пирбеценнер. Олох тустарда бандаларнаң тоғыр күрезерге аңчыларның, шахтерларның дружиналары төстел сыххан.

Чайғызы, хысхызы ползын, совет тогынчылары, аалдаң аалга чалгызардаң чөріп, чонға піліс таратчақнар. Андағларның пірсі Р. А. Кызласов полған.

Чох-чоостар пос кизізіне киртінчең полғаннар. Аалларда аның харындастары, тунмалары ідөк чох чуртааннар, аннаңар агаа киртінмиң полбачаңнар.

Аның чуртазы паза тогызы, өзізі оларға көзідім полған, хайди Совет үлгүзі чон чуртазын өңзідіп алыстырчатханын.

Роман Афанасьевич 1896 чылда декабрьның 31 күнінде төреен. Аның пабазы Папан (орыстап Афанасий) Кызласов чох-чоос кизі полған, аның семьязы Кичіг Истегі Кызласов аалда чурттығ полған.

Ол даа аалда чонның чуртазы пір тиң полбаан: хайзылары ис-пайлығ полыбысханнар, хай пірсілері, тізең, чох-чоос полып, пайларда, иреленіп ала, чалчаа чөрченнер.

1901 чылда Папан Марфа илчизінен, «аалчы» агырыгнаң агырып, пір тине үрен парғаннар. Оларның өкіс халған палалары пір дее кизе кирек чох полғаннар. Ікі чыл пазынаң, Романны, аның хыс пичезі Анастасияны, Афанасий паза Иосиф улуг харындастарынаң хада оларның тайылары И. С. Тодиков Нии Илизинер көзір парыбысхан.

Роман Афанасьевич Кызласов хан тузындағы хомай чуртастың прай сидиин хара кичігден сығара көрген.

Кичігден сығара үгредіге тың тартылған. Тіл дее пілбезе, орыс кннгаларын хығырарга күстенчең.

Орыс тіліне үгренип аларға сағыс тудып, (1913—1914 чч.) Сухая Тесь аалда орыс пайларынга чалчы поларға кірібістір. Анда даа чуртас никк полбаан. Аняң пір чыл пазынаң Тимір тағдағы чис рудингінде шахтер полып тогынча. Орыс тіліне паза пічігіне үгренерге сіреніп, 1916—1917 чылларда Минсугзар парып, конюх полып, садыгчы пайда тоғынған. Городтағы школада үгренчеткен олғаннарнаң танызып алып, чинт хакас оолгы көөлче орыс тілінең чоохтанарға паза пічікке үгренип пастаан. Соонаң ол книга, учебниктерні азымахтанып хығыр пастабысхан.

Февраль паза Илбек Октябрь революциязы тустарында Минсуг городта чуртас, часхыдағы тасхан суғ чили хайнап, пулғал сыххан. Политиканы даа чахсы пілбинчеткен полза, Роман Афанасьевич чыбылығларда, митингтерде аралас турчаң полтыр.

Минсуг уездінде Совет үлгүзі турарынаң, тогысчы Р. А. Кызласов большевиктер партиясының көзіткен чолынча чуртазын пастап сыххан. Ол тустарда Минсугдағы большевиктерге орыс тілін пілчеткен хакас

кізі угаа кирек полган. Партиядаңар паза наа төреен Советтердеңер чонга чарыда чоохтап турчаң пілістіг кизілер кирек полган.

Совет үлгүзі турарынаң, социализм пүдирерге ондай полган. Минсугдағы большевиктер В. И. Лениннің үгредин хоостыра социализм пүдириниң потребительской кооперациядаң пастирга чаратханнар. 1918 чылдаң Роман Афанасьевич Синявиндегі потребительской обществоның устаг-пастагчыларының членнеріне табылган, ол тустаң сығара праи поэзының чуртазын коммунисттер партиязының паза Совет үлгүзінің политиказын, кооператив политиказын чон аразында күстеніп апарган.

Поэзының үгрединиң четинеткеніне чөпсінмин, Р. А. Кызласов 1919—1923 чылларда Минсуг паза Хызылчар городтарда кооперативтернің санчыл курстарында үгренглеен. Ол төреміл, политической, художественной кннгалар хыгырып, поэзының пілізін алгытчаң.

Наа чуртас пасталчатханда, аймах-пасха тоғыс идерге киліскен. Агаа Минсугдағы политпросвет, национальнай районнарда пічікке үгретчен пөліктің, потребкооперацияның инструкторы полып, Хакасияның праи даа аалларында поларга киліскен. Аалларда школалар, клубтар, библиотекалар азарға полызып, андох пос тілінең партияның политиказынаңар, культура пүдиринненер, чон үгрединиң сурығларынаңар докладтар итчен. Олох чөрістерде, орай харааға читіре ныхахчылар чоохтарың истіп, киліссе, пазың таа алчаң полтыр. Иди 1922 чылда Чалбах Добровтың ныхағың ікі хараа истір.

Волгадағы астаң хызылып чуртапчатхан чонга полызарга сагынып, орындағы чиниттер Д. В. Григоровичтің «Рыбакн» пьесазың Чарковтарда. Фыркал пилтірінде, Уйбат Пинзінде тургысханнар. Роман Афанасьевич, ойың тургызар алнында, поэзы пролетариат поэттерінің стихтарың хыгырчаң. Аның даа алнында агаа, Минсугда тоғынчатханда, орындағы театрда пьесаларда ойнирга килісчең полган. Олох тустарда ол хакас тілінең стихтар паза сарыңнар назарга күзін сынап көрчен. Ол тустарда чуртас аар полчаң. Школаларда чачың, карандаш, учебниктер паза чарытхы керосині дее чох полчаң. Праи кирек нимелерні ол табарга полысчаң полтыр.

Кооператив тоғызына чуртазың салған даа полза, нименің үчүн ол иди аймах пасха тоғыстарда поэзының күзін сыначаң? Ол тустарда В. И. Лениннің коммунисттер партиязы, Совет үлгүзі көзіткенінең кооперациялар аалларда аймах-пасха культура тоғыстары апарчаңнар. Ол олох туста 1921 чылдаң аал хабарчызы полча. Аның аал хабарлары, статьялары сыххлапчалар «Красноярский рабочий», «Власть труда», «Сибирская жизнь» газеталарда паза «Енисейский кооператор» журналда. Аның пасхан статьялары «Сағайхаас» солалығ сыхчаннар. Ол андадох хакас тілі дөзрінеңер сагыстар тутчаң.

1921 чылда Г. И. Итыгиннең, К. М. Худяковнаң паза пасхаларынаң хакас тілінің алфавидін төстир сурығларда араласханох.

1925 чылда Роман Афанасьевич Кызласов, коммунисттер партиязына кіріп, аннадох артың күзін салып, кооператив тоғызың апарча. Ол тустарда партияа кірчеткен кизілердеңер газеталарда искиріг сығарылчаң. Роман Афанасьевич Кызласовтың партияа кірерінеңер 15 октябрь

да 1925 чылда Минсугда сыхчатхан «Власть труда» газетада искіріг иділген. Аны партияга кирерге пічіктіг чөп пиргеннер Хакасекай Уисполкомның кнезі Г. И. Итыгин, Хакасскай РКП(б) Укомның нандырығылыг хачызы У. Я. Котляр паза Хакасиядагы кооперативтер кнезі И. А. Паутов. 1924—1929 чылларда Роман Афанасьевич Хакасиядагы кооперативтернің инструкторы полып тоғынча.

30 чыллар пасталыбысханда, Совет кооператив тоғыстарын көдірерінде тирең пілістіг устагычылар кирек полыбысхан. Ол оңдайнаң, Хакасиядаң үгренерге Р. А. Кызласов Ленинградтагы садыг кире институтынзар ызылган. 1929—1931 чылларда институтха кірчең тимнегліг курстарда үгрентіп. Олох туста рабфак тоозып, Центросоюзтың институтына кірче. 1934 чылда ол институтты маңнаныстыг тоозып, экономист-плановик тоғынчызы аттыг диплом алча. Чылдан чылга үгренерге тартылган хынызы, тирең пілісті аларга сағынган сагызы институт тооханынаң тохталбаан.

Чирінзер айланып, Р. А. Кызласов пастап областытагы потребсоюзтың кнезінің орынчызы, соонаң кнезі полып тоғынган. Уламох күстеніп, чон аразында коммунисттер партиязының политиказын алгыдын, тогыс апарча. Олох туста коммунисттер партиязының Хакасиядагы обкомының члені полча.

Чон аарлапча, улуглапча 20—30 чыллардагы партийнай паза советскай тоғынчыларны, олар социализм паза чонның наа культуразын көдірерінде күстерін, чуртастарын аябин пирінгеннер. Оларның сагыстары, иткен киректері пролетариаттар гимнінің чакыны толдырганга киліскен «...піс поэмыс наа мир пүдіріп аларбыс».

Орыстинаң М. А. Ултургашева тілбестескен



УНДУЛБАС ТОҒАЗЫҒЛАР

Сергей Ефимович Инкижеков — иргі коммунисттернің пірсі полча. Иледе чыллар изере партийнай паза советской тоғыста аралазып, ол областьтың экономиказын паза культуразын тилідерінде көп күс салған.

Хакасияның істенцілері С. Е. Инкижековты СССР-ның Верховнай Советінің депутатына тапханнар. Ол Хакасиядағы облсовет исполкомының кнезі полған. Тоғыс хоостыра ағаа Н. К. Крупскаянаң, М. И. Калининнең, С. М. Буденныйнаң тоғазарға киліскен.

М. И. Калининнең тоғазығ

1935 чылда 20 октябрьда Хакас автоном облазы төстелгеннен 5 ныл толғаны таныхталған. Партия обкомының паза облсовет исполкомының пайрамга удур чарадин хоостыра Москвага Хакасия делегациязы ызылған. Делегация киргешер: облсовет исполкомының кнезі М. Г. Торосов, партия обкомының настагы хачызы С. Е. Сизых, Хакас облазының Москвадағы представительі А. И. Кузугашев, Харатастан тоғысчы-шахтер И. А. Изместьев, «Ызых» колхозтың чабаны П. Ф. Чертыгашев, насхалары даа. Прайзы 10 кізі полған.

Москвада пістің делегация М. И. Калининнер кирген. Сурығлығ пічіктерібіс паза Хакас автоном облазына хайдағ пользығ идерінсепер ВЦПК чарадиннің проекті М. И. Калининге пиріл партыр.

Михаил Иванович пістің делегацияның пічіктерінен танысхан соонда, Хакасиядагы киректердеңер сураглаан.

М. Г. Торосовнаң С. Е. Сизых областьта ноо нине иділчеткенін ипти-тапти искір иргешер. Андох область нине кирексінчеткенін, хайдаг пользығ кирек полчатханын чоохтааннар.

Чоох аразында Михаил Иванович Хакасия чон хоншина тың кирек, тузалығ пулукас теен: чирінің ис-пайы аймах паза көн, анынаң тузаланарга кирек. Ідөк аал-хоннин тилідерге кирек, областьта мал өскіреп чирлер илбек.

Хакасияда көп суғлар пар. Хырларга суғ чайдырып, ас чаксы өскіреп ондайлар илбек. От сабар чирлерге дее суғ позыдарга кирек. Анзы малның продуктивносун көдірер. Сах ідөк ол школалар тоғызына улуғ хайығ саларга чахаан. Пічік илбесті чох идерге паза харах агырши — трахоманаң хазыр күрес апарарға кирек, — теен.

Чоох тоозылчатхан туста, Михаил Иванович пістің делегацияа, хайзы наркоматтарда полып, хайдаг сурығларча оларнаң чоотазып аларға, анаң оларнаң ол сурығларча ВЦИК-те чарадыг сыгарын чөптес саларға кирек теен. Аның соонда ол сурығлар ВЦИК-те үзүрілерлер.

Анаң Михаил Иванович пісті чайнаң сыйлаан. Чай іскен аразында пістің оох-теек аалларның чуртазынаңар сураглаан. Анаң ол позох теен: оох-теек ааллар колхозтарның тоғызына чухыл полчалар. Андаг кічичек аалларда кізілер істеніске, культураа чахсы көнік полбинчалар. Анда школа, библиотека, клуб чох полча. Ол піске чөп пирген, андаг кічичек аалларны колхозтар кинізер көзірге. Анда пу көзиділген читпестер чох иділер.

Чоохтазыг тоозылғанда, Михаил Иванович піснец чылыг анымчох-тасхан.

Аның соонда пістің делегация иледе наркоматтарда полған: аал хониниың, чіең нимелер наркомадында, орындағы промышленнозының, коммунох, хазыг хайраллир, чоч үгредни наркоматтарда паза олардаң пасха иледе ведомстволарда. «Правда» паза «Известия» газеталарның редакцияларында аалчы полгабыс. «Правданың» тогынчылары пісті газетаны печатать полчатхан комбинаттың тоғызынаң таныстырганнар.

Пістің делегацияны ВЦИК-тің заседаниезіне хыгыртханнар. Пістің алныбыста Кара-Калпак автоном облазының киреен үзүрчеттірлер. Анда Кара-Калпак автоном облазын автоном республика идерге чаратханнар.

Заседаниезер хыгырарын сагып, час артинаң одырғабыс. Сагычаң турадағы столда электричество күзінең хайпаңаң самовар турча, андох чай сыгарған чайник паза печенье, конфеттер, фрукттар. Чай ісчебіс. Теес чит килгенде, заседание парчатхан кабинетсер кіреге хыгырдылар.

Чоохты М. Г. Торосовха пирділер. Ол читі минутага чоохтанған. Анаң сурығларға нандырған. Кем-де Хакасия наа төстелген область, агаа пользарға кирек теен. Ікинчизи, Хакасия бзіп, тилір область, анда улуг тогыс парар теен.

Ана ол заседаниеде Хакас облазына пользыг пирерге чарадыг алылған. ВЦИК-тің ол чарадин чуртаста толдырарға пістің делегацияа пір чөпнең чахыг пирілген.

Хакас автоном облазына анда тың улуг пользыг пирілген. Областың орындағы паза чіең ние промышленностьтарына көп бң-пазы оборудование, тиріглер пирілген. Чоч үгредни наркомат саринаң Абакан городта ікі ортымах школа, Ширада, Парнойда ортымах школалар, Абаканда паза Харатаста олған яслялары пүдірері көрілген. Коммунох хыринаң Абакандағы электростанцияны алгыдыбызарға чарадылған. Абаканда мылчалар паза даа пасха нимелер пүдір салары көрілген.

Андох Абакан городта Советтер туразын пүдірерге чарадылған, проектін хада пиргеннер. Андаг тура Свердловск городтың үзінчі районында пүдірілген полтыр. Айланыста М. Г. Торосов, Свердловскта поездтең түс халып, андагы Советтер туразын көр килген. Мында килгенде, ол проект хоостыра Абаканда Советтер туразын пүдірер чарадыг алылған.

ХАКАССКАЯ ДЕЛЕГАЦИЯ В МОСКВЕ



1935 чылда 22 октябрыда Хакас автоном облазынын делегациязы «Правда» газетанын редакциясында пол парган. Сомда: М. Е. Аткинина — Пастагы май колхозтын дорказы, С. Е. Сизых — ВКП(б) обкомунун хачызы, И. Ф. Чертыгашев — «Ызых» колхозтын чабаны, И. А. Измestьев — Харатас рудинин шахтеры, И. А. Янгулов — рудник тогынычы. Устунде: А. И. Кузугашев — Хакасиянын ВЦНК-теги кизи, М. Г. Торосов — облсовет исполкомунун кнези, С. Е. Инкижеков — областьтагы чир управление пастагынын орынчызы, И. Е. Головки — тагчылар десятниги, А. П. Добров — «Ударник» колхозунун колхозниги.

Сом «Правда» газетада алылган. 1935 чыл 24 октябрь.

Областын аал хонина көп тракторлар, комбайннар, автомашиналар, пасха даа техника пирилген.

Ол сынан Хакасияда имчилер, үгретчилер, аал хонин специалисттері пар полбысхан.

1935 чылдан пеер көп тус иртіп парды. Амдыгы туста Абакандагы үс паза он номер школа тураларын паза Советтер туразын көрземөк, делегацияна Москвазар чөргеним сагысха кір килче. Москвадагы организацияларнын чалахай хылыхтыг, улугланмас пастыхтарына тогасханым хараама сагамгы чили көринібісче. Магаа Михаил Иванович Калининни сессияларда, чыылыгларда көн хати көрерге киліскен.

Михаил Иванович хачан даа чалахай полчаң. Кизилерни ол хачан даа күлініснен, чылыг удурлачаң. Ана андаг полган Михаил Иванович Калинин. Аны көр салзабыс, піс улуг өрініснен: «Тигине пістин паарсах Прай Союз кнези!» тісечмі?.

Ол кресеннерниң паза тогысчы класстың йлбек сагыстыг представителі полган. Ол чон чуртазынын прай сарин пілчең.

Н. К. Крупскаянаң тоғазығ

Хайзы пірсі пічіктердең көрзең, Н. К. Крупская үрдең пеер Хакасия-зар хайығ сал чөрчең полтыр. 30 чылларда анынаң Хакасияның ВЦИК-тегі кізізі Парасковья Иннокентьевна Гедымин-Тюдешева тоғасчаң полтыр.

1927 чылда Н. К. Крупская избачтарнаң тоғасхлаптыр. Ол санда Таштып районынаң парған хакас Корчугешевнең. Хакасиядаң килген избачтарнаң чоохтазарға киліс партыр. Олар хайдағ ондайларда тоғынчатханнарын чоохтааннар. Анаң оларның пірсі хакас чонның кибірлерінеңер, чуртазынаңар пір тетрадьха толдыра пас пиртір.

Соонда Н. К. Крупская прай Россиядағы II-чі Конференциясында, учебниктердеңер чоохтанып, піди теен: «Пу таңнастығ чуртас тың пасха ондайлығ наза религиялығ. Анда хам хамнадыс хайнап турчаң полтыр. Че хамнар сағам түүрлерін тастап турлар...»

Полған на национальной область, учебниктерни пос тілінең сығарчатса, чонның кибірлерін санға аларгох киректеен. Надежда Константиновна Хакасияны чахсы пілчеттір, хакас чонна культуразын көдірге полысчан.

Пастагызын миң Н. К. Крупскаяны Москвада Хызыл площадьта 1934 чылда 1 сентябрьда көргем. Чоннар аразындағы чинттер күні полған. Ол В. И. Лениннің Мавзолейінің оң саринда аргыстарының аразында турчатхан. КУТВ-тың студенттері ВКП(б) ЦК-зының коллективінең хада полғаннар. Пістің колонна Мавзолей хыринча иртчеткен.

1937 чылда миң істенчілер депутаттарының Хакасияның область Советі исполкомының кнезі полып тоғынгам. СССР-ның Верховнай Советінің депутатына табылгам. СССР-ның Верховнай Советінің пастагы сессиязы 1938 чылда январь айда Москвадағы Кремльнің Улуг Дворезінде ирткен. Москвазар миң 8 январьда читкем. Сессияның тоғызы пасталар алнында илеседе министерстволарда полгам. Ол министрстволарда облсовет исполкомы чахаан киректернең палгалыстыра сурығларданар чоохтазығлар полғлаан.

Сессияда Надежда Константиновнаны пастагызын на чағын көр салгам. Министерствода, аның хачызы пастыра, аныңзар кіерге пазын салгам. Анаң Надежда Константиновназар кіерезер тіп искіргеннер.

Мына миң РСФСР-ның чон үгредни Наркомында Надежда Константиновназар кіерге сағып одырбын. Сүрдепчеткенім пілдірче. Илеседе пола биргенде, миңи Надежда Константиновнаның кабинетінзер хыгырчалар. Миңи көрбинең Надежда Константиновна, стол кистінең сых киліп, магаа хол бирген. Анаң чалахайынаң, чылығ күлүнізінең улуг аалчы идіп одыртхан. Анаң ол сығдырадыбысхан. Сах андох кабинетсер хыс кізі кір килген. Надежда Константиновна агаа күлүмзіри сөлеен: «Ниске, аарлиним, ізіг чай ағыл бирдек!» Ана іди, чай ізіп ала, пістің чоохтазығ улуг парған.

Аның аразында пір хыс кабинетсер, хол салдырарға пічік тудына, кір килген. Н. К. Крупская, ол пічіксер көрібізіп, теен: «Ол позы кірзін

пеер». Отыс часха читкен ипчи кир килген. «Нанарга тиринибистиң ме?» — сурған Надежда Константиновна. «Я, нанарга», — нандырган ол ипчи.

— Мына, аарлиим! Сирерге тиспен тоғынарга кирек. Класс хольңарда ползын. Аның үчүн үгретчеткен нмнецерни чаксы пилерге кирек. Прай пилдистиг иде чоохтап пилерге кирек. Палалар сирерниң чооғынарны хынып иссинер.

Анаң чачынга хол салыбысхан. Тур килип, чачынын ол ипчее пирip, анымчохтазып, хол пирген. Чылыг сөснец аалгыстап, үдезибискен.

Мин аны көре сагынчам: Надежда Константиновнаның тоғызы көп. Полған на кизини улуг паарсаснаң, чылыг сөснец удурлапча. Пилдистиг полған: ол ноо даа кизее полыс пирерге хынчатханы.

Миннең Хакасияда чон хонин паза культура кирее хайди өсчоткенин сураглаан. Мин агаа хысхачахти чоохтап пиргем. Ол, миниң чооғымны истип, пазын икип салча. Миннең харах албин көрiп одырча. Анаң «Я, Сибирь, Сибирь» тип чоохтан салған. Чоох аразында, Сибирьниң хысхыдагы хыяныг соохтарын, чайгыдагы сырлама изиглерин сагысха кирip, чоохтанган:

— Хысхыда парчатсаң, азах алтында хар ыгыраанын истипчезиң, соохха сырайың хызарыбысхан поладыр. Чайгыда көп аяс күннер. Агас аразында өң-пазы чистектер, мискелер илбек. Огородтарда чн, хайдаг чаксы помидорлар паза даа пасха чир тамахтары өсчелер. Чазыда угаа тадылыг арбузтар.

Андаг чоох парчатханда, мин сагын салгам, Надежда Константиновна Сугта чуртаан тустагы күннерни сагысха кирче полар, неке.

Мин Надежда Константиновнадаң пазагы сессия алында чон үгретчин сурыгларча чоохтазарга аныңар кирерге сурыгам. Ол чаратхан. Олох туста магаа чоп пирген: чон үгретчин сурыгларында материалны хайди тимнинин, доклад пичиктерин хайди пазарын. Ол пичиктер хысхачахти, хап-орта, пилдистиг пазылган поларга кирек тесн.

Надежда Константиновнаң пу пастагы тогазыг хачан даа ундулбас иде сиип парган. Анаң аның улугзырхабас, чалахай, чылыг сөстиг, ачых-чарых хылини хайди ундирзың. Ол ундулбас. Полызыг сурып айланган кизее хачан даа полыс пирерге тимде.

Ол чөристе Надежда Константиновнаны идок Кремльде СССР-нын Верховнай Советине депутаттар пастагы хыгыртинна табылганына чарадылган тогазыгда көргем.

Москвадаң айлан килебес, сала даа соона салдырбин, материал тимнирге кирек полган. Мин, областытың прай районнарында чөрип, прай областытың ортымах, чити класстыг паза пасталыг школалар хайди тогынчатханнарынаң танызып алгам. Угретчилерниң санын, школалар кирексинистерин пилин алгам. Көп школаларныц, уламох пасталыг школаларныц туралары угаа уян полглаптыр. Угретчилер, оборудование чидиспинчеткен.

Полған на сурыгча материал тимнелген паза докладной пичик идилген. Областытың чон үгретчиннеңер справка паза докладной пичиктер тимнел парган. 1938 паза 1939 чылда хайча үгретчи хоza кирек полчатханына пичик тимнелген. Чон үгретчин Паркоматтың үзүрине идок Абаканда

Ўгретчилер тимнечен институт тўстириненер сурығ тимнелген. Областьта школалар пўдирине паза оларның оборудованнезине, школарга учебниктер алар ахча позыдарынаңар сурыға материал тимнелген.

СССР-ның Верховнай Советиниң икинчи сессиязы Москвада 1938 чылда август айда полған. Мин Москвазар 6 августа читкем. Олох кўнде, тимнеп, апарған материалларны паза докладной пи́чиктерни чон ўгредин Наркоматха пир салгам. Тўрче поларынаң, мағаа искіргеннер, Н. К. Крупскаянаң тоғазығ 8 августта полар тіп. Хачан андар парғанымда, мини Надежда Константиновна стол кистінде азах ўстўнде, таныс кизини чили удурлаан, ўринистіг кўлиніснен аалчы чили іскер одыртхан.

Пу тоғазығда ол клубтарның, библиотекаларның, хызыл пулуннарның тоғызынаңар кічеп сурағлаан. Хакасияның ипчилерин устағ тоғызына хайди тургызылчатханын истерге хыңган. Аның сурығларына наңдыр пиргем.

Надежда Константиновна пазох Сустанар чоох пастабысхан. Андағ сурығ полыбызарын сизиніп, мин Москвазар килер алында Сусар чўр килгем. Андагы музейниң тоғызынаң чаксаан танысхам. Надежда Константиновнаа музей чаксы тогынча, музей кўрерге килчеткен чоңның саны кўптелче тіп, чоохтан пиргем.

Аның соонаң Надежда Константиновна мин ағылған чон ўгредин киреениң материалларынаң паза докладной пи́чикнең танысхан. Миннең ўгретчи кадрларынаңар, школа оборудованнезиненер паза учебниктер читкиче бе тіп сурағлаан. Уламох ол кичіг ааллардагы школа тураларынаңар паза школазар палаларны, тартып, ағылчатхан кирекнеңер сурағлаан.

Пистің пи́чиктерибиснен танызып алабас, Надежда Константиновна поэзияның кабинетинер пўлик пастыхтарын хыгыртыбысхан. Олар чылыс килгеннерінде, оларга теен:

— Чон ўгрединненер Хакасияның материалларын праї саринаң чаксаан кўр кўриңер. Полызар ондай табарга кирек.

Пистің чоох ики час артинаң парған. Агаа, тізең, кўнде ики частаң артых тогынарға чарадылбинчаттыр.

Надежда Константиновна чоохты иник-саах, табырах иртірген. Иле кўринген аның киректи чаксы пилчеткені, иимені табырах, тузында ит саларға хыңчатханы.

Ол хыгыртхан пўлик пастыхтары тарааннарында, Надежда Константиновна кинетин миннең сурыбысхан: «Сирерниң палаңар пар ба?» «Пар, — тіпчем. — Палам ики.»

Пистің сурынғаныбыстан, Надежда Константиновна писке Ленинградтагы театр институтынзар иледе чнит хакастары ўгредерге ызарға чаксы полыс пирген.

Надежда Константиновнааң ўзинчи тоғазим 1938 чылда, августтың тўгенчи кўннерінде полған. Чон ўгредин киреенче сурығларыбыс праї толдырылғаннар. Хакасиязар ўгретчилер ызылары, Абаканда ўгретчилер тимнир институт азары кўрилген. Ол институт 1939 чылда азылған.

Чон үгредии Наркоматтын тогынчыларына Хакасиядагы олғаннар тикси чити чылдан төбін немес үгреділіг поларын көр саларға чахыг шпирілген. Абаканда ортымах школа пүдирниине ахча пирилген. Амды ол I номер школа. Областыта нинче-де чити чыллыг паза пасталыг школар пүдирілері көрілген.

Чооғыбыс тоозылар алнында Надежда Константиновна пу сурыглар хайди толдырылчатханын матап сыныхтап турарға чөп пирген.

Надежда Константиновнанаң чоохтазарга оой паза хыныг полған, аның нымзах үнін, амыр чооғын истіп ірікпессің. Кізінең хынып чоохтасханы, чылыг сөстері чүрекке сиип одырча. Аның томчылыг чооғына ізенчезің. Ол нимені идерге полызар ползох — ізеністіг. Ол чоох толдырылар.

Ана ол күн Надежда Константиновназар чоох аразында мин улуг аарласнаң көрiп одыргам. Аның чылыг сөстерiн истiп, ам даа паза анча одырарчухпын. Анаң харындас-туцма чiли паарсаснаң анымчохтасхабыс.

Иирде гостиницазар килзем, столда сөргеең ниме чатча. Анда пічік назылғаны көрiнче: «С. Е. Инкижековха Надежда Константиновна Крупскаядаң сыйых». Сөргекте хыныг олған книгалары полтыр. Ана ол минің хоннимда иң аарлыг, хачан даа ундулбас сыйых.

Надежда Константиновна Крупскаянаң үс хати тогазим магаа хачан даа улуг өрчi, минің чуртазымда улуг школа. Аның хайди тогынчатханы, кізсе хайди хайчатханы, минің тоғызымда, минің чуртазымда көзiдiм полған. Чонның үчүн, чон алнында хайди тоғынарына, хайди хылынарына улуг көзiдiм. Хачан даа амаллыг, арыг-сіліг поларына көзiдiм. Хайча даа тус иртіп парзын, ол тогазыглар, аның аарлыг омазы минің сағызымнаң сыхпас, хачан даа ундулбас.

С. М. Буденныйнаң тоғазыг

Семен Михайлович Буденныйнаң магаа удаа тоғазарға килісчең. Иң пастагызын мин анынаң 1938 чылда Верховнай Советтің сессиязының чыылыглары аразында тоғас паргам. Піс, Хакасиядаң депутаттар П. Е. Бабин, К. П. Чеглыгбашев паза мин, Георгиевская залда С. М. Буденныйны көр салғабыс. Андох аны ибiрiбiскебiс, піс Хакасиядаңмыс тіс турбыс.

Ол, тізең, сала даа улугланмин, я мин Хакасияда полғам, аны көргем, тіпче. Мин Ағбан пилтірiнiзер 1929 чылда 24 январьда килгем, тидiр. Ағбан пилтірiнде iкi хати чоох чоохтаптыр. Беяда 1929 чылда 29 январьда чоох чоохтаптыр. Анда ол правительствонның тоғызынаңар доклад идип чөртiр. Аннаңар чоохтарны ундубаам, теен. Анаң пістең хайда тогынчатханыбысты сурағлаан. Сах андох чылғы заводы хайди тогынчатханын истерге хынған. Пин аалдаңар иледе сурағлаан. Анаң партизан полған Качан ағаны сурған. Анынаң хада Семен Михайлович Россияның үстүнзархы хырыгларында хада чааласхан полтырлар.

Аның соонда Семен Михайловичнең 1938 чылда август айда тоғасхам. Ол ачых-чарых, нинк-саах хылыхтыг кизи полтыр. Аның сагалы, көмискелери чылтын хара, хойыг полтырлар. Аныңзар килзең, иргі танызыңзар килген осхас пилдирче: «А, хакас килди но», — күлиніснен изенесче.

Анаң Хакасияда хайди чылгы өскірілчеткенін сураглап сығар: Сіерниң Хакасияда чахсы, алғым чазылар. Андағ чазыларда чахсы род чылгы өскіреге истіг.

Төл салчаң чахсы род асхырларданаң төреміл Семен Михайловичзер айланарға килісчен. Пістің хачаннаң пеер тутчатхан орындағы нос род чылғылар чалаң чөреге истіг дее полза, тағлыг, састыг чирде чөреге күс тее ползалар, кичіг постығлар. Чүгүрістері дее тилиг нимес, аар тартынчаң тартарға күстері хысха. Хайди даа орындағы род чылғыларны чахсы роднаң алыстырарға киректелчеткен. Чүгүрчен, чортчаң паза аар тартынчаң тартар аттар тударға кирек полған. Областың праи колхозтарында, совхозтарында чахсы род чылгы өскіреге пөгінненчебіс.

Төл салчаң чахсы род асхырлар тың аарлыға турчалар. Пір чылда ла нинче кирек асхыр ал полбассың. Чыл сай төл салар арыг ханныг, улуғ род асхырлар, пиилер, садып алып, ағыл турарға килісчеткен. Күзи хысха колхозтарның пиилерін чахсы род асхырға хозар үчүн, Абаканда хазна конюшнязы тоғынып пастаан. Анда чүгүрчен, чортчаң паза аар ние тартчаң род асхырлар тудылғаннар.

СССР-ның Верховнай Советі сессиязына парзамох, маң туста Семен Михайловичте поларға килісчен. Агаа парзамох, Хакасияның чылгызын өскірең киректе, чахсы род асхырларданаң чоох парча.

Піске кирек чахсы род асхырларданаң, пиилерденер чоох пасталзох, Семен Михайлович сураглап сыхты: піс ол малларны кирер хазааларны хайди тимнепчебіс. Ол чылғыларны көрчен кизілер тимде бе: КТФ пастыгы, конюхтар, зоотехник, азырал хайдағдыр.

Пістің ние сурганыбыс толдырылчаң. Ну ондайнаң, Хакас облазының чылғылары Орлов тіп чортчаң, Буденный тіп чүгүрчен аттарнаң чахсыландырылған.

Орыстинаң Т. Н. Балтыжаков тілбестеен

ИЛБЕК ОКТЯБРЬНАҢ ЧАЗЫТТАР

Илья БУРНАКОВ

ТИСПЕН ХЫЛЫХ

Очерк

Совет кизилери, КПСС-тың историгия кирген XXV съездиниң чарадыгларың чуртаста толдырып, чон хонини паза культура тилдеринде наадаң наа маананыстарга читчелер. Илбек Октябрьдагы социалистическай революцияның 60 чазы толчатхан таныглыг чылда чон уламох тиспен тогынча. Полган на кизи СССР-ның наа Конституциязы алылар 1977 чылда поэзияны чохы истерин халгызарга харасча.

Онынчы пис чыллыгның пастагы чылын Ленин паза Чоннар ынархазы орденниг Хакасияның истенчилери манат кбзидимнернең тоосханнар. Чир-суубысха чохыгдан азыра тас комир, агас, алтын, хыл-сикпен, ит, сүт паза тук пирилген. 1976 чылда Тикси Союзта ирткен социалистическай марыгласта чиңи тутхан учун, Хакасиядагы иледе аал хонин матырлары орденнернең паза медальларнаң сыйыхтатханнар.

Аал хонин матырларының аразында Асхыстагы аал хонин управленезиниң бон зоотехниги, Илбек Октябрьның чазыды Александр Иванович Абдин «Знак Почета» орденнең сыйыхтатхан. Октябрьнаң чазыт тол! Хайдаг чол иртпеең ол. Аның комсінде махачы чааласхан учун орденнеринең хости матыр истенис учун орденнер паза медальлар кунге сагылыс чорчелер.

Александр Иванович, халганчы 10 чыл азыра сыбыра Асхыстагы аал хонин управленезиниң бон зоотехниги полып, Чир-суубысха комдин ит, сүт паза тук пирерине улуг хозым итче. Опыттыг зоотехник Асхыс чириндеги праи даа совхозтарда тогынган. А. И. Абдинни тогысха кус, кизе чапсынчох хыли учун аалдагылар аарлапчалар, улуглапчалар. Пу хысхачох очеркте аннаңар чоох парар.

* * *

...Пай, силиг пистиг хакас чире. Тимир, кумус, хара тас паза даа пасха ис-пай пистиг чирибисте саны чох табылча. Аны совет кизилери чон хонинның тузазына тургысчалар. Хыри-пазы комримес чазыларда паза тайгаларда наа пудириглер парчалар. Оларның иң килкими Соян-Сус ГЭС. Чир-чалбахта иң кустиг гидроэлектростанцияны Совет чириниң аймах чоннарының толлери пудирчелер.

Эн чатхан чазыларда идок наа хоных тилипче. Сагам хайдар даа пар, килким совхозтарның город осхас ааллары удаа учурирлар. Тагылыг ойымнарда муңарлап санныг мал ббрлес чоредир.

Парбах оттар ла чилге хаптырчаң орыннарда пай урожай өскірілче. Күстіг тракторлар, комбайннар паза автомашиналар совхоз чазыларында маң чоҳ тоғынчалар.

Чир-суубыстағы тирең алызыглары Хакасияның хониинда, көріндесте ле чіли, арлана түсчелер. Хайхастыг алызыгларның чаячылары — тоғысха күс, тіспен хылыхтыг совет кізілері. Оларның санында коммунист А. И. Абдин.

Александр Иванович улуг чуртас чолын ирткен. Ол Шира районуидагы хазыр суғлыг Ах Уўс хазында төреен, улуг нимес Марчалгас аалда ирткен аның кічігдегі олған тустары. Аның пабазы Иван Иванович Абдин Ах Уўс істінде колхозтар төстирінде араласхан. Александр кічігден сығара ўгредіг чолына кірібіскен.

Чииг оол 1936 чылда Ағбандагы аал хоних техникумын иң пастап сығарылчатхан группанаң хада тоосхан. Александр зоотехник польбысхан. Угредіг соонда ағаа Ағбандагы племстанцияда, Ширада паза Асхыста тоғынарға киліскен. Прай ла орыннарда чииг специалист поэиниң пілізін, күзін колхозтарда паза совхозтарда көп мал өскірееріне салча. Ол тустарда зоотехник кізілер асхынах полғаннар. Аннацар чииг хакас оолга уғаа маң чоҳ тоғынарға киліскен.

...1941 чыл. Совет чоңының амыр чуртазын азымахчы фашисттер хазыр чаанаң сайбабысханнар. Чаа чоллары Абдинни арали ағастыг Украина чазыларына читірчелер. Харындас украин чоңын поэыдар үчүн, чаалазыглар парчатхан туста Александр Иванович окоптарда Коммунисттер партиязының членіне кірче. Хатыг чаалазыгларда, харбазыгларда чииг коммунист аргыстарына көзідім полчаң. Ол артиллерия разведказында взвод командирінің польсычызы полған. Хайдаг даа сидіктер полза, сержант Абдин солдаттарнаң хада ла полчаң, олардаңар сыбыра сағысырачаң. Тігілері, тізең, ағаа андагох паарсаснаң нандырчаңнар.

Махачы чаачыларнаң хада Александр Иванович Абдин Румынияны, Болгарияны, Югославияны паза Венгрияны ыырчыдаң поэыдарында араласхан. Ол чиңістіг чолын Австрияда тоосхан. Ада Чир-суубыс үчүн чаа тоозылганда, 1945 чылда улуг сержант Александр Иванович Абдин Австриядагы Грац городта турчатхан артиллерийскай дивизионда партиянай организацияның хачызының орынчызы полған. Андадох ол чоңнаң тоғынарға көніккен.

Аны, матыр чааласхан үчүн, Хызыл Чылтыс орденнең, «За отвагу», «Будапештті алған үчүн» паза даа пасха иледе медальларнаң сыйыхтааннар. Хачан даа ундулбас ирткен чаа чоллары. Андаг чоңы паза полдыртпас үчүн, сағам прай чоңнаң хада уламох тіспен тоғын парча Абдин аргыс.

Пушкалар күзүреені амыраанда, 1946 чылда Александр Иванович Чирі-суунзар айланған. Пазох ізіг тоғыс пасталыбысча. Чаа соонда колхозтар, совхозтар хонии аар полған, прай нимені хатап азахха тургызарға киліскен. Александр Иванович пастап Таштып районуида бөн зоотехник полча, соонаң Бондаревте тоғынча. Халғанчы 20 чыл аразында ол Асхыс районуида ла тоғын парир. Асхыстагы Калининнің адынаң совхозтың директоры поэып иледе тоғынған.

...Пірсінде піс Калининнің адынаң совхозтың бөн аалындағы конторада одырглапчатхабыс. Чоох бөнінде тоғыс киреенеер полған.

— Ас-тамахты көп алар үчүн, суг чайдыраын алгытчабыс, — тіпче Александр Иванович. Пүөл прайзы 4 муң гектар хырларны суглаабыс. Партия ЦК-зының 1965 чылда март айда полған Пленумы аал хонх тогынчыларына ас-тамахты көп алар үчүн орта чолны көзіткен. Амды полған на кізі тогысты күстеніп идерге харасча.

Чоох аразында ол пірде телефоннаң чоохтасча, пірде бң-пасха сурьгларнаң килген кізілернең чөптесче.

— Александр Иванович, — іди тібинең пір пөзік арах сынныг ам даа чинт кізі стол үстүнде пүкти тутхан чачын сал салған. — Мындаг кирек... Минің пічинің көрібізінер.

Аның соонда ол, машиналар сүрткізіне харал парган комбинзоннын ипти тартхлап, оортах арах стене төзіңде турчатхан стулга одыр салған. Ол амды палазының тетрадынаң чыртылган пір лист чачынзар харах албин көр турған.

Директор, тізең, аның пічинің маңзырабин хығырча. Мына аның хамагында тырысхатары пір чирге чыылысчалар. Анаң ол стене хыринда одырчатхан оолзар айлаңча:

— Хайди полгазар? Чөптөзіп албин, іди ле хайди пічк пирчезің? Мындаг киректе маңзырааны хомай.

— Механикнең чарас полбинчабыс, — нандырча паягы оол, мині ле хачап чөрче. Тооза нимені магаа састырча, өчесче. Паза сыдасчаам чоғыл анынаң хада тогынарға. Парчан көңнім ардабысча, ние идерге холларым даа парбинча.

Александр Иванович ол механизаторнаң иледе үр чоохтасча, чаксы чөптер пирче. Паягы істі тар чөрчеткен оол директордаң ачых-чарых көңніліг парыбсхан.

— Совхозта иң чаксы механизаторларның пірсі, — чоохталча піске Александр Иванович, — хатыг сындырлыг. Киліспес ние полза, пір дее чараспас. Аннаңар механикнең чоохтазарға килізер. Ікізі дее ізіг нүректіглер, удур-төдір салыспастар. Че тогысты олар хайди даа чаксы ла толдырарға күстенчелер, парчан нимені тузында идерге харасчалар.

Аның чооғында поэның кізілерін чаксы пілчеткені, оларға ізенчеткені іле пілдірген. Ол поэның ізепте ал чөрчөң книгачагында піди пас салған: «тыхтаг мастерскойларында чоннаң удаа тоғас турарға. Аннаңар партиянай, профсоюз комитеттерінің пастыхтарынаң чөптөзерге».

Пастыхтың холындағы блокнодычах іди прай ла саннарнаң паза сөстернең пазыл партыр. Парчан нимені көрерге, пілерге кирек улуг совхозтың устагчызына. Калининнің адынаң совхоз Асхыс районында иң килкімнернің пірсі. Аның чирлері Ис пилтіріне урундыра сөб тартылысчалар. Асхыс чоғархы, Паза ааллары парчан ол совхозха кірчелер.

Чайғының ізіг күннерінде, ас тогызы тузында, Александр Иванович Абдинні конторада табарға угаа сидік. Аны анда иртен иртөк алай орай ирде ле көрерзің. Браххы чайлағда, чабаннарның хуторында, азырал пилетешеткен бригадада, хыра кичеткен орында -- прай ла чирде иларға маңнанча Александр Иванович. Анынаң хада удаа совхозтагы

партийнай организацияның хачызы, профсоюз тогынчылары поладырлар. Оларга чөленіп, совхоз устагычызы Абдин аргыс иледе сурьларны орындох орта пөгереіне читчең.

Калининнің адынаң совхозты азахха тургызар үчүн, аны парьс прчеткен хозьяйстволарга айландырар үчүн, Александр Иванович көп күс салған.

Пілістіг аал хонии специалисті, амыр, чалахай. көңніліг Александр Ивановичті, Асхыс, істіндегі ас өскірчеңнер, Таштынтагы механизаторлар чахсы ла хырнан сагысха кирчелер.

Кізіні тогызы, ах сагызы үчүн аарлидырлар. Аннаңар СССР Конституциязының проектінде чоохталча. Александр Иванович коммунисттің, совет кізінінің адын пөзік паза арығ ал чөредір.

...1976 чыл. Август күннеріндегі нирлерде сөрөннеп пастидыр. Одырчабыс Асхыстагы аал хонии производство управленезіндегі өөн зоотехниктің кабинетінде. Александр Ивановичтің көңні чарых.

— Искезер бе Төө совхозынаңар, — суулапча ол, — полған на інектең 10-ар килограмм азыра сүт саалча. Асхыс районьнда ла нимес, че прай Хакасияда алнында парчатхан совхозтарның азах эчегіне пасчалар төбдегілер. Ис совхозының малчылары 1976 чылны ідөк чалтырама көзідимнернең тоосчалар. Сүттің көп сабазы пастагы ла сортнаң пирілче.

Александр Иванович тозынга пастыр салған слепезіне, уул парған костюмына пір дее хайбинча. Ол өрінче райондагы совхозтарның, мал фермаларының хонии тиліпчеткеніне. Хазнаа көбдин пөзік качествалығ ит, сүт паза тўк пирілче. Агаа чидер үчүн, көп харааларда читіре узирга киліспеен.

— Халғанчы ла ўс чыл аразында райондагы полған на совхозта мал азыралы тимнечең цех, витаминнің от уны пилетечең «АВМ-04» агрегаттар тогысха кирілгеннер, — чоохтапча А. И. Абдин, — сагам прай чайлағларда інектер механизмиер күзінең саалчалар. Пик азырал базазың төстеп салгабыс.

Район хозьяйстволарындагы прай малчыларның чидіглерінде Александр Ивановичтің хозымы пар. Районда ол полбаан чайлаг, ол чөрбеен чабан турлаа халбаан полар. Күстіг техника, зоотехниктер пілізі малдаң көбдин ас-тамах аларына төмег поладырлар.

Сагысырастыг, оой нимес тогыс артыл парған коммунист Александр Иванович Абдиннің иңніне. Андаг даа полза, ол нандыра пазыминича, хачан даа алнынзар ла көрче. Ол сагам прай күзін, пілізін партияның чахиин, чонның кирексінізін орта толдыларына салча. Октябрьның чазыды, прай істенүілер чілн, пайрамның чылны чарых көңніліг наа істеніс сыйыхтарынаң удурлапча.

ХАКАСИЯНЫҢ САБЛЫҒ ХЫЗЫ

Клавдия Семеновна Чаркованы Хакасияда улуғ-кічіг таныпча, аарлапча. Аның чүрек көөрестіг узы, таланты, көрігцілернің хайин тартып, көп кізілерге өрініс сыйлапча.

Хакас чонының театр искусствозын тилдерінде улуғ хозым иткен РСФСР-ның саблығ артистказы К. С. Чаркова Илбек Октябрынаң чазыт. Аннаңар пүүлгі пайрамның чыл ағаа уламох танығлығ.

Ур ниместе Клавдия Семеновнанаң театровед Галина Бурнакова тоғасхан. Оларның аразында театрдаңар, артисттің оой нимес, че олох туста уғаа өріністіг тоғызынаңар мындағ чоохтазығ парған.

Г. Бурнакова. Тиксі Чир-суубыстың чарых пайрамын — Октябрының 60 чылын — хайдаг сагыстарнаң, хайдаг көңіліг удурлапчазар?

К. Чаркова. 60 час — танығлығ сан. Октябрының ирткен чолына хайбагыныбыссаң, анынаң хада килген чуртас хубулызына таңнирға ла килісче. Октябрь пістің кічичек чоныбысха пос ондайлығ, толдыра чуртас пирген. Мағаа, тізең, ол артист үлүзін сыйлаан, оой нимес, че улуғ часкалығ үлүсті. Мин позымның тоғызымнаң, праї позымның чуртазымнаң ол сыйыхха турыстығ поларға күстенчем.

Г. Бурнакова. Я, артисттің үлүзі хайхастығ. Сіреге өң-пазы геройларның чуртастарынаң чуртап, аймах чоннарның драматургиязын хакас сценазында хати төрідерге килісче. Мынзына хайди көрчезер, Клавдия Семеновна?

К. Чаркова. Я, мин ойнаан кізілернің омалары пасха-пасхалар. Сценада чаяп салған рольларымның саны чүс азырох поза. Ол син чонның аразында кем не чоғыл: хакастар Анначахнаң Порчо, Катанаң Хурчу, казах хыс Боян Слу «Кёбленістенең поэма» ойыннаң, грек Ламбрини «Афродита олтырығынаң», Индиядаң Васантасена «Ах лотоста», Испаниядаң Фениса «Хормачылығ көөленген хыс» ойында, Франциядаң Таццината «Лекарь поневоле» ойыннаң... Италиякалар, немкалар, белорус, украин, башкир, казах, азербайджан, грузин, киргиз чоны, Турция, Куба, Корея кізілері — минің не сценическаї чуртазында піріккееңнер. А пасхаларын алза чи? Праї даа чир үстүндегі өң-пазы чоны пістің улуғ нимес сценабысха сыып парғаннар. Пір сағыс мағаа тыс пирбинче — хайди чир үстүн амыр идіп, праї чүректерні піріктірглеп салчан.

Хынза, аның даа үчүн мағаа улуғ үлүс түскен — Тиксі чирдегі амыр хоных үчүн күрезіге чарыдылған конференцияда чоох тударға киліскен. Олох темалығ «Піс амыр үчүн» тіп концертте аралазарға киліскен. Анда Матусовскийнің, Кирсановтың паза даа пасха поэтернің чаадаң тоғыр пазылған стихтарын хығырарға киліскен.

Минің көрізімде, амыр үчүн күрезіг — улуғ граждан тема, аны полған на артист, полған на искусстваса чағын кізі поэзының творчествозында пөгінер кирек.

Г. Бурнакова. Клавдия Семеновна, Сірең театрға хайди килгезер?

К. Чаркова. Артист тоғызымны мин уғаа хазыр аар туста пастаам — 1942 чылда, Илбек Ада чаа тузында. Чаа пасталыбысханда, піс Ленинградта полғабыс, экзаменнерні тудыбызып, ибзер чайгы тынаға килерге тимненчеткебіс. Ленинградта блокаданың хорғыстыг тузын иртерге киліс парған піске. Хакас чирінзер айланганымда, мин сценада тоғынып пастаам. Аннаң пеер прай хонним театрға салыл парған. Театр пүүл күскүде 46-чы сезонын пастир, мин, тізең, сценада 35 чыл тогын салдым. Прай пирик-пирик тасхылларны театрымнаң хада асхабыс. Оринізім, чобаам мында, ікінчі ибімде, иртіп нарды.

Г. Бурнакова. Клавдия Семеновна, Сірге сценада пістің саблыг артисттернең хада тоғынарға киліскен. Хайди олар постарының тоғыстарына, сірге, читтерге, хайчаңнар?

К. Чаркова. Мин театрға килген туста пістің профессионал искусствозының пастағчылары Екатерина Павловна Начинованың паза Алексей Ананьевич Шурышевтің чалтырама таланттары прай өңнернең пызыңнапчатхан полған. Аннаңар мағаа пілізім алғыдар, узым тыыдарға улуг оң пол парған. Сагынчам, Екатерина Павловнаа тиңнезер артист пістің сценада ам даа төреелек. Хайдағ толдыра чуртаснаң чуртаң ол сценада! Прай сагызы, чүрее, тынызы ойнапчатхан рольына халганчы тамчыхха читіре пирилчен чили көрінчен. Минің чайндылыг (творческой) чуртазымда орта чол табарға, олох туста минің полынчаң ондайларымны толдыразынаң іле сыгарарға Екатерина Павловна полысхан. Ол мағаа хачан даа көзідім. Аннаң мин тілеен нимені таппаанда азырылбасха үгренгем.

«Күгүрт», «Хан үчүн хан», «Алахтыртхан Хорхло», «Ікі энің сүмекчіні», «Көбленістенең поэма» ойыннарда піс хада араласхабыс. Сагынчам, иди мин Начинова көйчеткен пөзік чалынныг искусство одына хабызыл паргам, мағаа аның ізин теңебк.

• Олардаң, Екатерина Павловна Начиновадан паза Алексей Ананьевич Шурышевтең, үгренгем мин артист тоғызының өөн чахиана: сценаа соох көннiлiг сыхпасха, хачан даа чүрек талбырастыг ойнирға. Алексей Ананьевичнең мағаа «Кізі паза пүүр», «Алахтыртхан Хорхло», «Ах лотос», «Ураган» ойыннарда аралазарға киліскен. Алексей Ананьевичнең хада ойназа, мин сизінченмін, хайди залнаң сцена пірик парчаңнар — пір тиң тынып, хатхырза, хада хатхырызып, чобалза, хада чобалчаңнар.

Піс «Ах лотос» ойыннаң Хызылчарзар чөргебіс. Алексей Ананьевич анда Санстанаканы ойнаан, мин—Васантасенаны. Көрігүілер, ойын тоозыл парганда, пісті паза прай сценаны чахаяхтарнаң патыр салганнар.

Г. Бурнакова. Клавдия Семеновна, хайди Сігерінің тоғыстарынар революция темазынаң палгалысча?

К. Чаркова. Пазыныстаң тоғыр күрезігде халыхтарның гражданскай пілінізі тыып күстенген. Гражданскай пілініс — мына нима тартча минің хайним. Минің сценадағы чуртазымда ол таныглыг иртіпче. Алып алыңар Толганайны «Іче чазызы» ойыннаң (режиссері А. В. Тугужеков). Пзы поэзынаңар ла сағысырап, нимее чарирчых ол? Чонның кирексінізін, чонның чобаан чүрекке чагын идиң, поэзының улуг чобаан пазыңан ол. Ана ол граждан пілінізі полысча ағаа чуртаста. Толганай — минің

ПУУН СОЯН-СУС ГЭС-те

Владимир Бутанаевтің хоостары





ОКТАБРЬНЫ САБЛАПЧА ТАХПАХЧЫЛАР

Яков ТИСПЕРЕКОВ

АЛНЫНДАҒЫЗЫН САҒЫНЗАМ

Хан үлгүзі полғанда,
Чарым кізее ле тӱбӱ полғам.
Аймах буква үгренип,
Стол кистінде одырбаам.

Орай кічигдең сығара
Мал хадарып мин ӱскем.
Ас-тамахтаң хызылып,
Чабал пайларға тоғынғам.

Амғы тӱллерни мин кӱрзем,
Унчаа ла чили чазанча,

Аймах-пасха машиналар
Аарлар ла чили ыыласча.

Аймах суғларны, ат чили,
Аар-пеер чидініп ал чӱрче.
Кӱнге кӱйген чазыларны
Кӱр сағыстығ ол итче.

Амғы хонихты кӱр чӱрзем,
Хатап тӱрирім тың килче.
Алнындағы аар чуртас
Ачырғазым на туттырча.

ЫРЫСТЫҒ ЫРЛАР

Харасхы ибде
 піс тее одырып,
Харах таа сузы
 ырах парбацаң.
Хан үлгүзі
 хақан полғанда,
Хулах таа пістің
 хатығ пілдірцең.
Тілдең дее піс
 кинек полғабыс,
Чоох чоохтасса,
 піліспецеңміс.
Ах чӱректер
 аллығ даа полза,
Алцаас ла кізее
 тӱбӱ пілдірцеңміс
Кӱс тее пістің
 хайдаң полар за,
Хан-пайларға
 пастыр салғанда,

ӱкіс хакастың
 үлгӱ чох полцаң.
ӱдірт тее салза,
 ниме полбацаң.
О, ачырғас мағара
 прай чоохтирға,
Амох таа аны
 ундут саларға.
Харах чазынаң
 сулғалған чирім,
Хақан даа паза
 андар айланмас.
Пӱлес харахтар
 ырах ам кӱрче,
Хатығ хулахтар
 прай чир исче.
Хайнаан чӱректер
 ханат алынча,
Ырыстығ ырлар амды ырласча.

ЛЕНИННЕҒЕР

Ах чазыда чаған хар
Атығып ағар суғ полғай,
Алып Ленин көзіткен чол
Астыхпас азых чол полғай.

Көп чирлерде чаған хар
Көбейіп ағар суғ полғай,
Күлүк Ленин чарытхан чол
Коммунизмзәр арланғай.

Көк тигірдең тан түссе,
Көк пулуттар ойлапча.
Хыйға Ленин үгредии
Амыр чуртирға хағырча.

Аяс тигірдең тан сапса,
Ах пулуттар чүгүрче.
Артых Ленин пілізі
Аарлығ чир үстүн чарытча.

КӨСТЕЛІП КҮН СЫХСА

Хызарып киліп күн сыхса,
Хырның пастары чаридыр.
Хызыл флагтар халбыразып,
Хызыл пайрамыбыс чағдидыр.

Хынып пас чөрген чирібіс
Хырых аймахха сабланды,
Арға чонымның тоғызы
Аарлығ орденнең сағылды.

Көстеліп сыххан күн сузы
Көөлбек чир көксін чылытты.
Көп тоғыстарны толдырып,
Көөленген чирім сабланды.

Күстіг тоғыстығ чииттерім
Күмүс орденнер хазанды.

Күзін көзіткен пай чирім
Күмүстең аарлығ ас пирді.

Атығып аххан суғларны
Ах чазыларда тутхайбыс.
Артых тамахты өскірер үчүн,
Агрономнарыбыс үгрөнгөн.

Хан тигірнің пөзігін
Хыйға матырлар синеп килгөй,
Хайраллығ чуртас сылтаанда,
Хакасиябыс сабланча.

Көк тигірнің пөзігін
Күстіг моторлар синеп килгөй,
Көгліг чуртас сылтаанда,
Көпкө сабланды Хакасия.

1976 ЧЫЛДА АРШАН ААЛДА ИРТКЕН КӨГЦІЛЕР ЧЫЫЛИИНАҢ ТАХПАХТАР

Пічікке А. Султреков тимнеен

НИКИТА ЧУСТЕЕВ

Көстеліп сыххан күн осхас
Ильич турғысхан үлгүбіс.
Күннең күнге өөрлен турча
Көгліг пістің чуртыбыс.

Палыңнап турған ай осхас
Ленин көзіткен чолыбыс.
Тоозылбас-парбас ас-суғлығ
Пүүнги чырғаллығ хониыбыс.

Кўнге сусталған Соян хырлары
Көп чирлерге саблан тур.
Кўмүс салғактыҕ Ким суғда
Кўстіҕ Соян-Сус ГЭС төріп тур.

Кўмүс пўрліҕ ах хазың
Өзізін көре чайхал тур.
Килер төллерге чырғаллыҕ чуртты
Көөлбек чоным тимнеп тур.

Арысхан пастыҕ тайғалар
Аарлыҕ аң-хустар өскір тур.
Адабыс чирі Ағбанда
Айдас вагон заводы пўт тур.

Алтын пўрліҕ ах тирек
Турған чирінде мондыл тур.
Амғы төллерге амыр чуртты
Арға чоным таптап тур.

Абыдып аххан Ағбан хастада
Алтын сулғанған порчолар өс
тур.
Амғы төллерге Ағбан городта

Айға палыңнир туралар пўтклет
тур.

Китеніп инген Ким хазында
Кўмүс арали от өс тур.
Килер төллерге Ким хазында
Кўнге сусталар чурт салылча.

Алтанып чөрген порамны
Ахсын чайхадым, чортар тіп.
Алты хыллыҕ чатханым ойнадып,
Айыдып турбын, арға чоным
истер тіп.

Көліп чөрцең көк порама
Хамчы саптым, чўгўрер тіп.
Көп хыллыҕ чатханым сиртіп,
Көглеп турбын, чоным истер тіп.

Арина КИЛИЖЕКОВА

ЧИРИМНЕҒЕР ЫР

Хызарып киліп, кўн сыхса,
Хызыл платнаң удурлапчам.
Хызыл Октябрь турғали,
Хыстар-ооллар тиң полча.

Ирет пазынаң кўн сыхса,
Ирібес чирні ирітче.
Ильичтің ўлғўзі турғали,
Иреннер, ипчилер тиң полча.

Ағыр Ызых кистінде
Алтын ағас мондылча.
Адам чирінде Аршан аалда
Алтон туғаным чуртапча.

Ізем чирі Көл істінде
Көк порчо пазы мондылча.
Ізем чуртаан Аршан аалда
Иліг туғаным чуртапча.

Пабам чуртаан тустарда,
Төрт туйғактыҕ аттар полчаңнар.

Совет ўлғўзі турардаң, —
Төрт тонна тартчаң машиналар.

Ізем чуртаан тустарда,
Ікілер көлцең аттар полчаңнар.
Илбек Октябрь турардаң,
Иптіг самолеттар учухча.

Айланып аххан Ағбан суумны
Ағас кимелернең кисчеңміс.
Арғыс Лениннің сылтаанда,
Айдас тахталар пўтчелер.

Игірлеп аххан Ағбан суумны
Искіліг кимеліг кисчеңміс.
Илбек Ильичтің ўгредиинең
Иптіг тахталар пўтчелер.

Адацаам тастаан алай ўннерні
Арға алнында көглеп тее салим.
Ізем дее тастаан алай көглерні
Илнің алнында көглеп тее пирим.

Чүреем сабылып, төреен чирім
Көк Уўс хазында көлейіп чуртадым.
Хара пазыма хыр саптырып,
Көгліг тынаға мин сыхтым.

Арығ чүреем минің сабылып,
Ах Уўс хазында минөк чуртаабын.
Арығ минің алай пазым
Ағыр Тойымда ах хыр саптырдым.

Көгөк порамны, атха хостап,
Көлігдең сискем Тойымда.
Күлүк Ленин пирген хоныхта
Көөрестіг тынағ минөк
көрдібін.

Ах порамның азыр изерін
Арғазынаң Тойымда алғам.
Адабыс Ленин пирген чуртымда
Арығ тынағда көксіңедем аллығ.

ГРИГОРИЯ КОКОВНАҢ ЕВДОКИЯ ТЫГДЫМАЕВАНЫҢ ТАХПАХ
АЯТЫЗЫНАҢ КИЗЕК:

К о к о в:

Арғаа сабылған ағыр Коммунар
Ай алтында алтынға саблығ.
Ағып түскен Асхыс чазызы
Алтын пуғдайға алнынаң саблығ.

Илге сабыххан минің Тойым суум
Иңнінде аарлығ аалай медальлығ.
Игір Тойымның илбек чазызы
Ил чонға саблығ көбөк ле маллығ.

Т ы г д ы м а е в а:

Чазы чалбахха сых паризам,
Чахаях пазы тың даа сіліг.
Холға тудып, үзіп аларға
Өскен оттар ундар аястығ.

Чир үстүнең чоны чыылғанда,
Сіліг үннер тыңох чайылды.

Чахсыларнаң тоғас турарға
Чахсы чүректер кирек ле.

Ах чазызар сых паризам,
Ах чахаяхтар уғаа сіліг.
Аймах чоннар чыылған чирде
Аймах үнниглер тыңох көп.

К о к о в:

Ах чазызар мин сых парзам,
Ах оттың пазы чайхал турча.
Ағбан суғзар минөк көрібіссем,
Ах талай салғаа салғылып ахча.

Көк чазызар минөк сых парзам,
Көк оттың пазы көлбейіп турча.
Көк Ким суғзар минөк
көрібіссем,
Көк талай салғағы сабылып ахча.



СТИХТАР

Монсей БАННОВ

Хыян чиллерниң хызыл мөңи
Хызыл ноябрь чалбыраан,
Таң чарып, амыр тигір төзі
Хола оңнернең сыңыраан.

Абахай городым чүреенде
Чир сообас көбленіс салдар.
Чаялған наа ызых күргенде
Орыс, хакас ікі солдат.

Успас хумартхы оды көйіп,
Чиксин чүстерні чарытча,
Орыс, хакастың арығ көлі
Хола сілиинде учухча.

Солдаттың аарлығ пора таарын
Ухтар илгек чілі үтеен.
Чахсаа чаялған ханаттарың
Хақан даа тозынға түспөөн.

Успаан чи тамысхан оттарың,
Чітпин чир салыхпас істер.
Тоңмаан чи сооласхан суғларың,
Оңмаан сірер чөрген пүктер.

Пасха кізі чобаа пу чирде чоғыл,
Хыял ба, өрініс — тиңни.
Таптааннар матырлар кип-
чооғын,
Чуртасха көбленіс көгли.

Мин дее успас оттың чаринда
Пөримні суурып, ам турчам,
Чүреемні арыглап, аринча,
Порчонаң паарсазым салчам.

Абахай городым чүреенде
Кем дее, хақан даа ундулбаан,
Чаялған наа, ызых күргенде
Турчалар матыр алыптар.

ЧАСХЫ САРЫНЫ

Изір парған көгілбей түстернең
Хаалирчыхпын тори чүс хараа,
Чуунып ала часхыда чиллернең,
Тигір осхас көріп көл-харааң,
Күүлөп турзын чирім чазыларнаң
Оостығ сүттің өңі чайылған.
Сарыныма көөлбек хызыл майнаң
Сыылап килді часхы казанған.
Чииді чітпес хызыл флагтарнаң
Хаалап парча чирім үстүнде;

Аар чыда осхас, чітіг көк оттарнаң
Ааллап парча чазы көксінде:
Чирібісте өкпең амырларнаң,
Кееркеп тоспас иирниң сузында;
Көгін килиң таарығ хыраларнаң,
Салым түскен салда чолында.
Көбленіске тилинген таңнарнаң,
Таан пиценің ала мойнында.
Тоғыстағы сарынчы хыстарнаң
Танып алған часка чарында.

Изир парған көгілбей түстернең
Хаалирқыхпын тори чўс хараа;
Чуунып ала часхыда чиллернең,
Тоғыстағы хынып амырға.
Тоолап түссин чацынға сөстерім,
Оостығ сўтнең часхы тадызын.
Флагтарымнаң хызыл таң оңнері
Харындастас сарында халзын.

Салым осхас, тилиг сурнахтарнаң
Амыр чуртас чирні чазазын.
Сарын осхас, часхы хулғаларнаң
Істеністің ізі сәлғылзын.
Өртеқ чөрцең оох оттығ
көллердең
Өөрлеп іскен сөстің татхыны,
Харындастас хызыл тиңістердең
Ағылғабын часхы сарынны.

Валерий МАЙНАШЕВ

КУСКУ ХАЗЫҢ

Поэма

1

Хақан ирик парған чазыларда
Чораххалар оды тамылча,
Хақан усхун парған арығларда
Ағастар хызарып чазанча.
Хақан талазып туюх пустарнаң
Нин суу толдыра тозапча,
Анда пір тиңе ағын хустарнаң
Мин Чирі-суумзар ойлапчам.
Ах чарыхты синеп читі крести,
Ах холдаң артых чир таппадым.
Ырахтықоқ, көр салып ээзін,
Удурлапча мині адайым.
«Изен, изен, ноға хыңзыпчазың,
Алай чуртас хомай ба, Тарзан?
Чораа нимес син сағынчазың
Мағаа пу чирде чалғызаан.
Че чўгўрең ибзер. Пу кўннерде
Іңем мині сағыпча полар.
Ай чіли сығып, көзенектердең
Чолымны чарытча хонқыхтар.
Алғыс сағаа, чабызах ибім,
А син изензің, тирек чახсы?
Тўрчедең наа көк торғы кибін
Сыйлап пирер сағаа часхы.
Кірчем ибзер. Ізік асхан холым,

Токка теңен чіли, тітіреді.
Іңе иней хуцахтаан оолғын,
Тарынцах арах чоохтанды:
«Эк, парнак, хайда іди чөрчезің,
Ибзер письмо пір дее паспин,
Хайди полар төртікен іңезі,
Палазына сағысырабин».
— Я, іңең, я пілчем
чобағларыңны,
Минде, минде көбізін пыро:
Хақан-да тўн хараа састарыңны
Іди ирте чаж салған хырō.
Пілчем, ноға орты хараада
Син одырчазың узуп полбин,
Ол көрінче пўлес харааңда
Оңдайы чох минің чуртазым.
Анзын даа пілчем, пірееде
Ачырғастығ уғаа полча,
Хақан туных инейектер дее
Оолғыңнаңар сурағлапча:
«Тоғынча ба, ипчі албаан ма?
Ааллап пеер килер хақан?
Хайдағ-да моет тісчелер аны
Моет ол ноо ниме полцаң?..»
Эк, хайди идер зе, сағыстарың
Ам даа пір дее толбаан.

Чибіргі читі часха чит парып,
Сағаа часка ағылбаам.
Че андағ даа полза, оңнирға
Сағаа даа кирек көмес.
Палалар пүдіріп, пай чуртирға —
Ол тың сидік киректер нимес.
Мин ағырчам, іцең. Ол ағырығ
Арағадаңох чабал полар,
Ізечи имненер арағадаң,
Че ол — өлзе ле, тоозылар.
Мин ағырчам чазы-тайғаларның
Кізі испеен үннерінең,

Мүнмеен көк чилінніг чолларның
Ам даа полар көглерінең.
Минің чүрегім-күскү хазың,
Ачығ чилге чалаастатча,
Аның даа үчүн хара пазым
Чирзер састарын тоолатча.
Синің сағынғаныңнаң чуртирға
Ирте чөпсініс — көңнім
толдырбаай,
Минің үлүзім — көйіп көглирге,
Чүреем хақан даа чазе
чалбыраай.

II

Іце холында тынанчам амыр,
Пір дее ниме кирексібін.
Ноо ниме хынзам — чіпчем аны,
Узупчам, нинче кирек — ол син.
Че ибімде амды пілдірбинче
Ирткен чылларымның истии,
Чүрегіме тыс олох пирбинче
Іцемнің чобағлығ сырайы.
Хақан ол хатабох чооғынаң
Минің чуртазымзар айланча,
Мин, солынарға поэым поэымнаң,
Табырах ибдең сығыбысчам.
Адайымнаң хада пу тағларда
Чөрчебіс піс, парчабыс андар,
Хайда оттап чөрче ах холларда
Ах пиилер осхас хазыңнар.
Анда тудып пірее хазыңны,
Ырах парған ағам на чіли,
Аябин кисчебин пычағымнаң,
Аппағас мойнынаң хан сірли.
Көксіме чапсыра хуцахтап аны,
Хараам нуубызып турчам.
Ахчатхан соох чүчүгес ханын
Тізім тоңанча оортапчам.
Оортирға майыхсам, күс хозып,
Тынанчам алтында одырып,
Иди часчам көместең тооза

Ачығ күннерімнің пахпырын.
Отіг тоғынча прай тамырларым,
Саңыцахтар чіли сыңарап,
Часхыланча күскү харахтарым,
Көксім тынча пазох толдыра.
Паза пасха ниме кирек чоғыл,
Ам на, ам на төреен чіли,
Чыстығ отха тадылығ ооғып,
Көрчегін чирімнің сілиин.
Тигірнің хой порчозы көгінде
Пулуттар аппағас чарылча,
Ырах нимес Ағдымның төзінде
Аал малы амыр оттапча.
Анда-мында арығ ырчылары
Чайчалар тоозылбас ырны,
Урчалар чиит ос ағастары
Сымзырых көк чүзе наңмырын.
Тирең өзенде күн харағына
Көртіктер харалып ойылча.
Чулаттар сығып алтыларынаң,
Иніс төбін нызырас парча,
Прай, прай чирімнің пу
көрімнері
Чүреемзер сарынаң кірче.
Олған тузымның ырах күннерін
Чарых тубан өтире көрчем.

III

Мында минің пыром даа чоғыл —
 Нимее килгем ах чарыхсар,
 Тиңіс туюхтарца ирткен чолым
 Нинче-нинче миллион чыллар
 Чир чайаалғанынаң сығара
 Мин дее поларым көрлген.
 Нинче муңар алнындағыларым
 Күн чариинзар мині читтірген.
 Алғызым алай ба харғааным
 Оларға сөлецеңмін пүүн,
 Ноға пасха ниме полбаам мин,
 Че кізі ле полғаным үчүн.
 Минің читкенімні өтіг табыс
 Олох туста ырах чарлаан.
 Хызыл күн полған мағаа абыс,
 А ай крестеен абам полған,

Хақан, имчек эмерге тоозып,
 Мин іце хуцағынаң тўскем,
 Анда ла, көместең кізі полып,
 Мин позым позымны пілінгем.
 Че чир үстүнің хоос сырлары
 Мағаа аттары чох полған.
 Күн кірістері, таң алнылары
 Мині ибіре айлан турған.
 Чайғылар, хысхылар учухханнар
 Хайдағ-да тарабас пўлесте.
 Көк наңмырлар, хас порааннар
 Ырлааннар минің үстүмде,
 Че көместең испес хулахтарым
 Прай нимені ситкіп пастаан,
 Пасха ниме көрбес харахтарым
 Көместең тооза азылған.

IV

Амғы туснаң позымны көрчем
 мин.
 Часхызын күүлек иртенде
 Тасхар сығып алып одырчам мин,
 Сығыртос пүдіріп төгеде.
 Күн, хызарып, тағларның хырына
 Наа ла маңзырабин пахча,
 Хусхацахтар ибіре-хыримда
 Орчліг күмүснең чайылча.
 Мин дее, нимее-де өрініп,
 Сөстері чох сарын сарнапчам,
 А ічем кірлестең, мині көріп,
 Иди удаа чоохтанчаң:
 «Хызыл иртен ырлаба, оолғым,
 Андағ кізі полчаң часка чох».
 Че мин, тыңнабин аның чооғын,
 Парыбысса — сарнапчам олох.
 Ноға-да иртен иди ырлирым
 Минің уғаа тың на килцең,
 Алай ба пілдіртпин ылғирым,
 А ноо нимее — кем пілцең,
 Көместең, алығ өзіп одырып,
 Ічеме ағылғам ирее.

Ойнап чөрцеңмін, олған
 хоғдырып,
 Иртеннең иирге читіре.
 Чағын чатхан арығлар-тағларны
 Яңыландыра пір итчеңмін.
 Нинче хатап ибзер көк паар ла,
 Че сыхтабин даа килцеңмін.
 А нинче хусхацах атхлацаңмын,
 Туралар хырларында аңнап.
 Анаң позым олох ылғацаңмын,
 Тіріг полған нимені аяп.
 Амғы туснаң позымны көрерге
 Амды мағаа күлкістігөк,
 Хайди хырчын сымыхтар кизерге
 Ічем ызыбысчаң минөк,
 Хайди минөк ол хаап алчаң,
 Ыстаным тооза сыбырып,
 Чалаас соомны хайырчаң,
 «Паза иди поларзың ма» тіп.
 Идім ағырған, ағырбаан ма?—
 Ундул парған хақанно анзы,
 Че амғаа читіре хулаама
 Истілче хырчын сығырызы.

О, пасталығ школаның чыллары —
 Олар часкалығ түс ле осхас.
 Позының пастағы книгаларын
 Кізі хақан даа ундубас.
 А мин иң не, иң не пастағызын
 Горькийнің «Пепезін» хығырғам.
 О, хайдағ өріністі ағылып,
 Ол чүреемні талбыратхан.
 Хақан даа испеен чирлернің
 Мағаа тынызы үбүрген,
 Түзебеен дее кізілернің
 Тіріг омалары көрінген.
 Ол сыынаң книгалар мині
 Чүотазымда саңай аптаан,
 Оңдайли иптеп салып миимні,
 Ах чарыхсар көзенек асхан.
 А хайди хынчаңмын нымыхтарға —
 Пірее книгаңах көр салим —
 Ойначахтарымны олғаннарға
 Прай пирибісчеңмін аябин.
 Книгадаң чарылыс полбин арда
 Орты харааға читчеңмін.

А чарытхы чох пол парза аалда,
 Ай чарығына хығырчаңмын.
 Пүгүр одычахха алтанып алып,
 Алтын хус чүгіне чөрчеңмін.
 Алай саңай Албынчы пол парып,
 Чирімні арачылаңаңмын.
 Мин ундубаспын хақан даа:
 Алтын күскү. Піс төртінчі

класста

Күскүдеңер пасчабыс диктант,
 Угретчимнің амыр чооғына
 Мағаа истіг ле пілдірген.
 Че мына кинетін тетрадьыма
 Сарығ пүрічек напли түскен.
 О, хайди айланыбысхан пазым,
 Хайди чүреем талбыраан:
 Көзенек алнында тіріг хазың
 Алтын сүрместерін саянған,
 Пілбинчем, ноо ниме алғабын —
 Пис алай ікі диктант үчүн,
 Че пілчем, саңайга хабылғабын
 Поэзия өртіне ол күн.

Суғ чили тазып, чиит чылларым
 Чон тайгазы арали ахча.
 Чүреемнең сыххан сарыннарым
 Ыраххы чазаа тарапча.
 Ах чарыхсар көгліг көрчебин мин,
 Ирткен күннеріме хомзынмин.
 Күнни удурли пастырчабын мин,
 Сеекті дее хыйыхтабин.
 Ирткен-парған кізі омалары
 Ала хараам чалбыратча.
 Харындасха санапча хайлары,
 Хайлары соомда хатхырча.
 Мағаа көні хынмааннары,
 Аарлапчам олох сірерні,
 Че кем таратча хоп чоохтарны,
 Кізі тіп тібеспін оларны.
 Я, пілчебин, наа нимес кибім,
 Чил уяланча ізөбімде.

Минің пайым — чарых чүстіг
 чирім,
 Часкам — чирімнің көглерінде,
 Хақан даа минің сағыстарым
 Хара полбастар, обалланчам.
 Тіріг нименің харахтарынаң,
 Ағастаң даа мин уятчам.
 Чуртапчам мин, чағбан
 чүреемні
 Көйтіктенмин тооза аза.
 Түгенці дее көгенеемні
 Суур пирербин, кирек полза.
 Кем не часхыда хынып испинче
 Көк тигірде торғайах ырын,
 А торғайах төлег кілебинче,
 Піске өрініс пирген үчүн.
 Пілчем мин, кізінің чайааны
 Ікі таңманаң оңарылча:

Төрөөн, үреен. Чуртааны
 Оларның аразында полча.
 Пастағы таңмадаң піс парчабыс,
 А хақан, хайди түгенкізі,
 Аннаңар сағысырабинчабыс,
 Ниме полза — ол даа ползын.
 Истіг андағ кізее чуртирға,
 Кем чуртир ла үчүн чуртапча.
 Хайдағ хат, нинце пала тимнирге
 Хацанох ол пүдіріп алча.
 Ол кізі хацанох позы позын
 Чырғаллыг чуртасха тимнепче,
 Институт алай ниме тоозып,
 Машина аларға сіренче.
 Ол хомай ниме нимес —
 машина,
 Столыңда симіс тамах полза,
 Хорғыстығ, хақан сағызың синің
 Паза аннаң ырах парбаза.
 А хайда пістің сарыннарыбыс,

Пістің чиит тузыбыс хайда,
 Хайда аалай парустарыбыс,
 Көйген чылтыстарыбыс хайда?
 Чир үстүнде піске чарабинча
 Сағынарға постаң на андар:
 Чаа ызы ам даа тарабинча,
 Ам даа чітпеен хорғыстар.
 Ам даа көр көр — синің

хыриңда
 Күннің хыяллар учурапча,
 Хайди истіг полар узирға,
 Хақан хончыхтарың тарыхча.
 Пір хати чуртасха төреөнде,
 Кізі полып чуртирға кирек,
 Прайзына часка пүдірбеөнде,
 Посха ла часка ноо кирек.
 Саблапчам чиит оол-хыстарны,
 Кем чуртапча саңай тызы чох,
 Кем Соян-Сус ГЭС-терде,
 Бамнарда
 Коммунизмзер салча чол.

VII

Көглер сыбыран парчам чирімче,
 А аннаң ырах хайдар парчаң?
 Піреөде мағаа изі чох,
 Ачырғастығ даа пол парча,
 Сырбалча мағаа піреөзі,
 Аар-пеер хылчаңназып:
 «Мині оңнап полбас пірдеөзі,
 Сағаа ла азынчам анзын.
 Чох, мин олаңай кізі нимеспін.
 Мин дее, синөк чіли, пасчам.
 Ікінці романымны көместең
 Сағам хайди полза тоосчам».
 Хайзы, эрізіне сыырығып,
 Аннаңох артых полыбысча.
 Мағаа Есенинни хығырып,
 Позым пасхам тіп, обалланча.
 Пазыңар, пазыңар, нанчыларым.
 Прайзыбысха пазар право пар.
 Аның даа үчүн графоманнар,
 Хыр пастарын даа пілінмин,

Хыри-пазы көрінмес романнар
 Пүдірчелер, чацын аябин.
 Ол поэт нимес чон аразында,
 Кем чацында ла поэт полча.
 Сын поэт прай даа чуртазында,
 Поэт полып, тызы чох полча.
 Поэзия — ол хазыр өрттіг
 чалын.
 Ол хайхастығ музыка пирче.
 Аның үчүн ол хорғыстығ чалын —
 Прай чуртазыңарны кілепче.
 Сынап хулахтарыңар кічигде
 Пегасха пастырбаан полза,
 Көйіңер поэзия өртінде,
 Көйіңер, чүрегіңер хапса.
 Көглер сыбыран парчам чирімче,
 А аннаң ырах хайдар парчаң?
 Піреөде мағаа изі чох,
 Ачырғастығ даа пол парча.

Ноға ла пазох мин ундут салдым
 Іземнің иргөк чоғын:
 Ачүўске пазох истіп салдым
 Иртен кекүўктің табызын.
 «Амды,— тілче ізем,— чыл ибіре
 Харының астап ла чөрерзің».
 Анзы хайтпас, іцең, мин симіріп
 Садах харынның чир чөрбеспін.
 Мағаа көп ниме кирек чоғыл:
 Ізіг чай, көмес іпек полза.
 Ханаңар төзінде дее хонып,
 Истіг узирбын, кирек полза,
 Я, пілчебін, наа нимес кибім,
 Чил уяланча ізебімде,

Минің пайым — чарых чүстіг
 чирім,
 Часкам — чирімнің көглерінде.
 Мин ағырчам чазы-тайғаларның
 Кізі испеен үннерінең,
 Мүнмеен көк чилінніг чолларның
 Ам даа полар көглерінең.
 Минің чүрегім — күскү хазың,
 Ачыг чилге чалаастатча:
 Аның даа үчүн хара пазым
 Күннің састарын тоолатча.
 Аябинчам, учухсын чылларым.
 Ханым, сүт чили, ачып парбас,
 Арыг чүреемнің сарыннары
 Мин чітпеенде тоозылбас.

Николай ТИНИКОВ

КҮСКҮ КӨГЛЕРІ

Күүлеп-соолап, күскү күр чил
 Оор пулут сүріп чыып килді.
 Күн харағы пүргел парып,
 Күзүреде тигір тапсады.
 Күскүзі узах турар тіп,
 Парчан чир-суға чарлады.
 Халын наңмыры, чаап-иртіп,
 Чібек хур чирге хурчалды.
 Чирінең парбас хусхацах,
 Часхыда чили, ырлапча.
 Чир хоозы ам даа оңмас үчүн,
 Парказын күскү чазапча.
 Ирте дее парчаң харачхай
 Маңзырабин тур ағынға.

Төрөөн чирі-суун тастирға
 Аястыг осхас пүүн ағаа.
 Аба даа нымзах төзегін
 Салбин тур орам ибінде.
 Уйғу даа чох чыс тайғазын
 Ирікпин көріп чөредег.
 Ағын суғның даа палығы
 Тирең чирзер чазынминча.
 Алтын осхас арыг иде
 Чайым суғда ойнап соомча.
 Күүлеп-соолап күскү күр чил
 Оостанмаан чили тызынча.
 Күн хараа пазох азылып,
 Кілің аяс тигір турча.

МОРСЫҒАС¹

О, хайдағ өкер матламазың,
 Тоғылах пастыг син Морсығас!
 Көрбеенде сині, тыстых чоғыл,
 Хынызым синде халған осхас.

Күскүні удурлап, Морсығас,
 Хан даа киспеен пөрік кисчезің.
 Ус хоосчы даа аймах сыр өңін
 Омаң хоостирға читір полбас.

¹ Морсығас — Анцул аалдагы тағ.

СІЛІГ ХАРАХТАР

Кизекти турған арығда
 Хыстың сарыны истілче.
 Кемнің-де чўрее анда
 Пазох хайда-хайдар өрінче.
 Наа төреен пўрлерче
 Чуртас тынызы ойлапча.
 Хойрых-хайрых чолларча
 Аттар хайдәр-да парча.
 Көк торғылығ хазыңас
 Хынған хызым на осхас,
 Ағырин чібирескен пўріцектері —
 Көбленгенімнің сўрместері.
 Кизекти турған арығда
 Хыстың сарыны истілче.
 Көк көгенектіг хыс анда
 Сіліг хараанаң пазох көрче.

* * *

Тағларда хойлар, чайылып,
 Хазааларзар чыылысча.
 Кўн, халғанчы сустарын ызып,
 Тағ кистінзер ағырин чазынча.
 Ағастар сым на турчалар,
 Иирдегі амырны тыңнап,
 Харғалар хайдар-да парчалар,
 Хонқаң чирлерін пазох ла тілеп.

 Чирге пўрўңкі пазох түзіп,
 Сөрөн тан ойлапча.
 Тигірде чылтыстар чарып,
 Кізі чўреен ойлатча.
 Чарыңар сірер, чылтыстар —
 Ыраххы чарытхылар:
 Чахсы сірерні көрерге,
 Чарых чирче чөрерге.
 Чахсы сірернің чариинңарда
 Хызымны көр табарға.
 Чахсы кічиг олғаннарға,
 Мечік чіли, сірерні хабарға.
 Арса, тігі дее чылтыста
 Иирзер кізі харахсынча.
 Арса, минөк чіли, пу туста
 Ол хызын сағыпча,
 Пўріцектерні сыйбағлап,
 Таныңах ойлапча.
 Иир амырын сайбап,
 Пўкте таарт тапсапча.
 Хайда-да... хыңзығлап,
 Адайах чўгўр чөрче,
 Пөзік тигірде пызыңнап,
 Чылтыстар чирзер көрче.



Ікі пөліктің драма

ОПНАПЧАТХАН КІЗІЛЕР

ТАЛНАП — аңчы апсақ, 70-ча частыг.
АЗАРИЯ — аның палазының палазы.
ҚУНАРИ — улуг оолгының хызы, врач, 37 частыг.
АПКАН — қиыт архитектор, 25 частыг.
КАРИМ ПЕТРОВИЧ — журналист, 40-ча частыг.
МИЛАП — шофер, 27 частыг.
ЛАСА — аның илпізі, 37 частыг.
ПОЛИТ ИВАНОВИЧ — леспромхозтың директоры.
САНПИР ВАСИЛЬЕВИЧ — ағас участогының мастери.
МААГА — тілі чоқ хыс, 26 частыг.
АСТАП ПИКЕНОВНА — Талнайның туғмазы, 64 частыг.
ИРЕН

ПАСТАҒЫ ДЕЙСТВИЕ

ПАСТАҒЫ КӨРІМ

Тайға азаа. Анда-мында кие салған ағастар ұзы-пазы чоқ чатхланча. Ибіре тағлар. Ырахта ақ таскыл көрінче. Холда, суг хазында, чалгыс тура. Аннаң хости чікім хая. Ырахтын ол тураа тірен салған осхас. Орай күскү. Алтын пұрлер, айлахтаның, чирге тооланчалар. Че күн чайғыдағы осхас чылыг, аяс. Хая үстүнзер ікі тулуқастыг хызычх сығара ойланча. Ол угаа брчліг, чалахай.

Азария. Минің адым Азария. Тайдук кингес тіп адапча. Снн, тіпче, кингеске төййізін. Чоохтир ол... Хайди кізі ана төйй полчан. Харын пістің класстагы олганнар пілбинчелер. Ой, хайди олар магаа күлерчіктер. Пүүн мин он класс тоос салғам, театр институтудына кірерге тымненчем. Аларлар ба?.. Пілбинчем. Аң-хустарнаң чоохтас пілчем.

Парчығас пиди сағырапча. (*Кӱбӱгисче.*) Аба пиди хырызынча. (*Кӱбӱгисче.*)
Плесет сал пилчем. (*Тегилек тасха турып алып, плесет салча.*)

А й к а н, хая кистінең сығып, аны кӱрче. Азария плесет салып тоосханда, ол хол саапча.

А й к а н. Чахсы, чахсы.

А з а р и я. Ой... (*хая тӱбін ойлапча.*)

А й к а н. Хорых пардың ма? Мин сағынгам, тайгада чуртапчатхан кизілер пир дее нимеден хорыхпинчалар.

А з а р и я (*позына киліп*). Мин... мин хорыхпинчам. Кемзін син?

А й к а н. Туған.

А з а р и я. Че-е... Пистің андаг туған чоғыл... Пистің туғаннар угаа кӱл. Астай чачам Ленинградта чуртапча. Ам килерге пасча. Қаной тайым — Ачинскте, Майра чачам Ужурда паза пир чачам — Хызылчарда. Кунари чачам — Ағбанда. Асхыста парох. Тайым, чох, ачам. Сынаң — сынаң. Прай аал-городтарда пистің туғаннар, таныстар... А сірерні таныбинчам.

А й к а н. Танызып аларга үр нимес. (*Азария холын пирче.*)
Айкан.

А з а р и я (*хатхырча*). Пастабох іди чоохтабин. Пабаң синнецер піске чоохтаан... Чир дее. Пистің андаг туған чоғыл.

А й к а н. Нанчыларны санга албинчазар?

А з а р и я (*хатхырча*). Нанчылар туғаннар нимес... А пилчезер бе, ноға мин сірерні таныбаам? Мин сірерні... сала кирі полар тіп сағынгам.

А й к а н (*хормачыланып*). Че пол парған чнит сіліг оол. (*Хатхырысчалар*). Эрістіг нимес пе сірге мында?

А з а р и я. Чох. Писте кизі үзілбинче. Кичее Самсонны үдескебіс, ирде Маағанаң Милай килгеннер.

А й к а н. Туғаннар?

А з а р и я. Тайдуктын таныстары. Маага торым теерерге килтір. Милай — имненерге.

А й к а н. Искем, искем, тайдаң синің профессор. Прай ағырыгларны имнебісче.

А з а р и я. Ағырыбыссар, сірерні дее имнебізер. Мына тайдук.

Тайга сариваң аар пазытпаң Талнай апсах килче. Агаа 70-ча час, че ол ам даа сыдир, матлама. Пастағы кӱріске хатығ сымдырлығ кизее тӱбй. Чоон хатығ үннйг. Чоохтасчатса, хырызынчатханга тӱбй. А з а р и я тай ағазына удур ойлапча.

Тайдук, піссер аалчы килген.

А й к а н (*апсахха удур парып*). Изен, ага.

Талнай. Аңнап пар килген кизее удур ойлабинчалар. (*Айкан арын парып турыбысча. Талнай, маңзырабин, чӱктенцігін суурып, тирін чызынча.*) Чоохтир чооғың чоғыл ба? Абаң изен-хазых?

А й к а н. Чыл чӱрче кӱместең, сағаа изен ысхан.

Талнай. Позы чи, ноға килбеен?

Айкан. Тоғыстаң позып полбинча, тынаға сыхса, курортха парга сіренче.

Талнай. Ахказын итчен чир чоғыл ба?

Азария (*тай ағззын хучахтап*). Майых паргазың, тайдук. Оң полбаан ма?

Талнай. Күннің оң полза, тайгада аң халбас.

Азария. А нога тынаға сыхпннчазың, тайдук? Түрче полза, мында аңнар халбас.

Талнай. Хой түкті поэна өскірбинче, хыс.

Айкан. Сын. Хазнаа аң теерілері көп кирек. Албыгалар амды алтынга паалалча. (*Апсах Айканның чооғын хылыхха албинча*).

Талнай. А-а, пілігчилер... Угредниң тоостың?

Айкан. Хайди полза. Чидер, неке, апсактарның мойнында оды- парга.

Талнай. Чахсы, чахсы. Пеер ааллап килдің?

Айкан. Я, арығ киинең тынып аларга.

Талнай (*мылтинзар көзідіп*). Аңнапчазың?

Айкан. Сохтанчам пірееде.

Азария (*тыңнанып*). Сымыңар, хорых парар...

Айкан. Кем?

Азария. Кинк палазы. (*Ойлапча, аның үні ағастар аразынаң истілче*.) Абыя, мүүзічік, хайда полгазың, ние иткезің?..

Талнай. Олған ам даа. Кинк палазынаң айгасча. Кем-де, атып, аны палыглаң салған. Пістің хыс амды аны имнең парча. Ибзер агыл килче. Час паланы ла чілі хайралланча. Че, аалчы, парчазың ма?

Айкан. Кингесті көріп аларчы. Хорыхпас ол миннең?

Талнай. Мылтинң суур сал. Аңнар тирігіліг кізее хына чоғыллар. (*Парча*.)

Азария (*ойлап киліп*). Қордің? Хайхастығ кингес, я?

Айкан (*кингесті чапсып көрче*). Тайға сарыны.

Азария. Пастап ол миннең хорыххан, ам пызочах осхас чабас.

Айкан. Тайдаң синің мындағ ла ба?

Азария. Хайдағ?

Айкан. Тыртыс, көксенчік.

Азария (*таңнап*). Тайдук? Син аны пілбиниезің. Ол чахсы кізі, угаа чахсы.

Айкан. Сагаа чахсы, пасхаларына...

Азария (*хатхырча*). Хорыхна. Чооғы аның андағ хатығ. Аңнаңар газетада пасханнар. Пір ле хати нимес.

Тура саринаң, ахсап ала, Милай килче. Көріңче: плееде іс салған.

Милай (*пос алынча*). Чуртас сіліг тізелер — киртінмеңер. Сіліг нимес ол. Хыныс пар тізелер — хулахтарың халбайтпаңар. Чойлаңчалар! Чидінместер аны сағын таап алғаннар. Минің хатым осхас аламдырлар. Хыс полганда, мині күчүгес чілі сүріс чөрген, ам хузуриңи аар-пеер сабыстырча.

А з а р и я (*Милайзар пас килін*). Милай, син... Син араға іспе. Тайдук сині имнеп алар.

М и л а й. А-а! Писте пис чибіргі пис, паста пас алығ пас, Милай іскен араға, ізер. Айоол! А пу хус хайдаң учух килді? (*Айканзар чағын пас килін, көргелепче*).

А й к а н. Чахсаан көр, арса, танып аларзың.

М и л а й. Танып алзам, чарым турғызарзың ма?

А з а р и я. Прокопий абааның оолғы. Архитектор.

М и л а й. Архитектор тіпчезің ме? А мин шофербын. Таныс полар-быс. (*Холын пирче*.) Ахча чи көп алчазың ма, архитектор?

А й к а н. Хомзынминчам.

М и л а й. Чойланчазың. Олох мин син албинчазың. Эх, чуртас полған минің. Пірее ле чирзер ойлат пар килзем — ізепте 20-30 салковай. Анаң оолларнаң, минөк осхас табаннарнаң, хараа тооза күлет саапчабис. Контролерларның сағыстары сыхча, мині тут полбин. Олар — пеер, мин — андар. Олар — андар, мин — пеер. (*Хатхырча. Ырахта, чидініс салып, Кунаринең Карим килчелер*.) Айооллар! Көріңердек пуларны, хайди хостанызыбысханнар. Алай мин дее піреезіңең хостанызыбызим ма? Тілі чох Мааганаң, а?

А з а р и я. Син Маагаа теңме!

М и л а й. Пардон, сым полчам. Айоол! Кунари, апсаачааң хайди чуртап парча?

К у н а р и (*хылыхтанып*). Апсачаам чахсы чуртап парча. (*Азария*.) Тайдам ибде?

А з а р и я. Ам на килген.

К у н а р и. Паран, Карим. (*Кунаринең Карим туразар парчалар*.)

М и л а й. Кізілер үгредерге хыйғабыс Им-чі! Ирі пар, пасха ир хаптырып алған. Хуртан парған миске, чыстан парған пойла!

А з а р и я. Милай! Сым пол!

М и л а й. Сыбырғаа чарабас табылғат. (*Айкан, айланып, Милайны наахтабысча. Милай аны сабарға таяғын көдірче, че саппинча*.) Син, архи-тек-тор, холыңны хысха тут. Пілдің? Ирін таныпчам аның. Пілдің? Пір гаражта тоғынғабыс.

А з а р и я. Олар чуртабинчалар. Пілчем мин. Ноға андағың сини?

М и л а й. Хайдағ?

А з а р и я. Андаг... (*Ойлабысча*.)

ІКІНЧІ КӨРІМ

Талнай апсахтың чурты. Көріңче: иб ээзі позы ондайли чуртанча. Тура істінде пір дее аарлығ ние чоғыл. Пос иткен стол, одырчыктар, хоостан иткен ағас сундух, стенеде иргі сарғал парған сомнар. Пір саринда прай стенаа толдыра сыын мүүзі. Тураа кірзеңөк, ол харахха тасталча.

Ибде А з а р и я, А й к а н, М и л а й. Тілі чох Ма а г а, көзенек хыринда одырып алып, ух палғанча. Милай органда чатча. Айкан, чапсып, стенедегі сыын мүүзің көрче.

А й к а н. Айдас мүүс. Мындағ мүүсті ибде хыс сал — прайзының істі көйер.

Азария. Тайдуктан аны 500 салковайга садысханнар. Пирбеен, садылбинча тіпче.

Айкан. Чахсаан сурза чи... Ол поэна таап алар.

Азария. Пилбинчем. Тайдук...

Милай (*пазын көдіріп*). Син апсахтың станын суурып ал. (*Хатхырча*.) Сіліг стан. Тайгада кем аны көрче. (*Түкүрініп*.) Чүзі чохтар! Кізінің теерізін сойыл алгадағлар.

Айкан. Тикке нимес. Алзам, ахчаа аларбын.

Милай. Пу турада пір дее ниме садылбинча. Пилдің?

Азария. Таласпаңар. Ам на сагызыма кір килді. Тура үстүнде мүүс парох. Мыннаң кічиг арах. Амох...

Милай. Тохта! Арса, анда аба теерізі тасталча. А? Садып аларчых. (*Хатхырча*.)

Азария. Мүүстігің син, Милай, прайзын сүсклөпчезің. (*Сығара ойлапча*.)

Милай. Мүүс чох хуча хойга төбй. (*Айканға*.) Сын ма? (*Айкан тапсабинча. Тілі чох Маага уғын, палғап тоозып, өкерсініп көргөпчө. Анаң Милайға пирче. Холынаң көзітче: сағаа*.) Мағаа? Хайди полып... Ниме үчүн? (*Маага күйінче, аның ағырығ азаанзар көзітче*.) Төріткен ічем... Пір кізі табыл парчых мині аячаң. (*Маагаа*.) Мағаа пирбе. Мин (*холынаң көзітче*.) пля-пля¹. Чахсы чонга сыйла. (*Маага аны поэ тілінең махтапча. Кірче Азария. Холында — сыын мүүзі*.)

Азария. Мына.

Айкан (*көңні түс парып*). А-а... Мынзы андаг нимес. Че хайтпас. Чохта пу даа чарир.

Милай (*уғын кис салып*). Сіліг бе? Маага сыйлап пирген.

Азария. Ам азааң даа ағырбас. Чоохта, а нога син имүілерзер айланминчазың?

Милай. А-а, тустығ көлнің түбінде мин оларны көргем. Ниме пілчелер олар? Пірсі пірсінзер ысча, анзы — пасхазыңзар. Прайзын піріп алғанча, үс хати өліп тірілерзің.

Азария. Син Кунари чачамзар айлан. Ағырығ кізілер аны махтапчалар. Пір инейні имнеен ол. Прайзы сағынған: сыдабас, че чачам аны имнеп алған. Иней өрінгеніне сыйых ағылған, че чачам албаан.

Милай. Алза даа, албаам тирлер олар.

Азария. Албаан, минің көзімде полған.

Кірчелер Кунаринен Карим Петрович. Кунаринің холында көк сыбылар.

Кунари. Ниме итче чинт улус? Тайдам килбеен?

Азария (*хылыхтанып*). Килген полза, ибде поларчых.

Карим Петрович. Көдес турғыс, Азария. Писке оң полды. (*Азария хырчынға сістеглеп салған палыхтар пирче*.) Палых тайы идербіс. Иң чоон палых — иң кічиг иб эезіне.

Азария (*тарынча*). Мин палых чибинчем. Кунари чачаң, Милайның азаан көр пир. Ол имчелерзер айлантыр...

¹ Пля-пля — мында «хомайбын» тсені.

К у н а р и. Анаң чи?

М и л а й. Араға көбдин арах іс — чазыл парарзың тееннер.

К у н а р и. Хормачыланчазың, соонаң ирнің, ызырнарзың.

К а р и м П е т р о в и ч. Имненерге кирек, оол. Азах чох ырах пар полбассың.

М и л а й. А-а, оларның имнееннерін. Хазна ла ахчазын харбирға пілчелер. Ағырың кизи оларға хлоп, таракан, үзіл парган марха.

К у н а р и. Спасибо. Пөзік паалапчазың имчилерни.

К а р и м П е т р о в и ч. Сини иссең, Милай, чир үстүнде чахсы кизи чоғыл. Прайзы кинек: оғырлар, алыглар, карьеристтер. *(Кунариге.)* Мин суга парчам. *(Көнектер алып, сыхча. Түрче полғанда, кірче Талнай. Ол тайгадаң айланған. Пирдеези тапсабинча.)*

Т а л н а й. Ахсыларыңа суғ ур салгазар ба?

К у н а р и. Чахсы аалчылар синиң, тайдаң.

Т а л н а й. Хомзынминчам.

К у н а р и. Пу ээлиг чуртха төөй нимес. Чөріс-парыс кір чөрчен тура, общежитие. Кем не пеер килбинче. Прайзына ізік азых, прайзын мында аалчы идерлер.

Т а л н а й. Миниң чуртымда амгаа теере пирдеезине таргынах полбаан. *(Милай, ізебинсөң ахча сығарып, столға салча.)*

М и л а й. Чинс үчүн. Тик харын полбасха. *(Пирдеези тапсабинча, сымзырых.)*

Т а л н а й. Алтаазың миниң иркинімни — син магаа нанчызың. Нанчылардаң мин ахча алар чоғылбын. *(Униң көдіріп.)* Алып ал ахчаңны.

М и л а й столдағы ахчазын, алып, хольида уупча. Кірче Карим Петрович.

К а р и м П е т р о в и ч. Чорығың чарады ба, Талнай Пикенович?

Т а л н а й. Тайга аңчыны хуруг иде чоғыл. Пүүн оң полбаан, таңда оң түзер. *(Апсахха оң полбаан. Аны сизініп, Карим чоохты пасха чолға кирибізерге маңзырапча.)*

К а р и м П е т р о в и ч. Худай алгаан чир сірерниң мында. Киниң арини, тайганың сілини. Пас айланча. Пу хара сугда палых көп полтыр. Түрче ле парып, хооралар тарт килдібіс. *(Кунариге.)* Палых мүйни тимде бе?

К у н а р и. Амох тимде полар. *(Палыхты Азарияя пирче.)* Маага арыглабыссын.

А з а р и я. Аның тізи агырча. Син агаа полыс пирерчіксің.

К у н а р и. Мин тіс имчизи нимеспін.

Т а л н а й. Кізілер имнирге синиң тоғызың. Ол кирекке үгренгезиң син.

К у н а р и. Имчилер, тайдаң, пасха-пасха полчалар: харах имнечен, хулах, тіс. Мин терапевтпін.

Т а л н а й. Мин сағынғам, имчизиң. *(Сым полчалар. Апсах сыхча.)*

К у н а р и. Имне оларны. Пу турада пас ағыриннаң таблетказын таппасың.

Кірче Талнай. Аның хольида кизек аба чаа. Ол аны Азарияя пирче.

Талнай. Агырчатхан тізіне сал салзын.
Кунарни. Имчілер... Кем тіс ағырһин аба чаанаң имнепче.
Талнай (*тарығып*). Мин. Мин имнепчем.

Маага пірде Кунаризер, пірде Талнайзар көрче.

Азария (*хольынаң қөзідіп*). Ит, хайди чоохтапча тайдук. Палыхты мин арығлһрбын, син чат, тынан.

Кунарни. Кізее ачынчах хыс пістің. Син піссер няняға кіріп ал.
Азария. Агырығ кізілер хынарлар сағаа.

Талнай. Чахсы кізее прай кізі хынадыр. Ол прайзына чахсы идерге харасча. (*Сым полчалар.*)

Кунарни. Син сағынчазың, тайдаң, мин хомай имчібін, хомай тоғынчам. А мині үлүкүн сай алғыстапчалар, почетнай грамоталар пирчелер.

Талнай. Ноо пирбес... Чачыннарны амды прайзы даа алча...

Туразар кире хонча хончың аалдагы ирен. Көринче: ол тың манзыраан.

Ирен. Изеннер.

Талнай (*изеннезіп*). Ирғ, ирт, аалчы поларзың.

Ирен. Аалһрға даа маң чоғыл. Манзыраға чөрчем. Ипчим пала таап полһинча. Районзар апарарға ырах. Кунари Степановнаның мындазын истің, пеер ойлаттым. Поһыс пиріңер, Кунари Степановна. Арса, пірес хати тузам чидерөк. (*Сымзырых.*)

Азария (*ирензер пас киліп*). Чүрексібенер. Кунари чачам парар. Прай ниме чахсы полар. Мин пала адын адирға килербін.

Ирен. Спасибо, спасибо. Хыс пала полза, Азария тіп адап саларбыс.

Азария. Сынап па? Ой, хайдағ чахсы полар. А то Валялар, Зоялар, Галялар толдыра. Мин не чалгызаанмын. (*Күлісчелер.*)

Талнай (*Азария*). Сыйла, хыс, аалдыны. (*Иренге.*) Одыр, тириңні соодып ал.

Азария. Амох палых тпмде полар.

Ирен. Спасибо. Азыранарым чоғыл. Адымның поза лаа үзіл нарган. Аны оңдайлап аларға кирек.

Сыхча. Ашаң хада — Карһм.

Кунарни. Азария, арса, син минің орныма имчі поһыбызарзың? А? Кізілер имһрзің...

Азария (*пыросыһып*). Тарынма, Кунари чачаң, Аябысхам ағаа.

Кунарни. Син прайзына аяпчазың. А мағаа кем аяан? Кем мині, иргі фуфайкалығ чөріп үгренчеткенде, танаан? Пір туған даа сурған ма, хайди син анда үгренчезің, хызылчазың ма пірее нименен? Амды мині прайзы таныпча, улуглапча, прайзына кирек Кунари Степановна. Анзын көр пир, мынзына им таап пир, пасхазың хоныхха позыт. Пеер тынанып аларға тіп килгем, мында даа ис-тыс пирһинчелер. Позымның алиң үчүн. Тынағ туразынзар путевка пиргеннер — албаам.

Талнай (үнін көдірбин). Полар, Кунари. Одыр, тынан. Пір дее чирзер парбассың.

Азария. Тайдук... анда ипчи... пала...

Кунари. Парбасха — магаа андаг право чогул. (Тонанча.)

Талнай (Азария). Пар, торығ пини көлібіс. Районзар ойлардыс.

Кунари (Азария). Парба. (Талнайға.) Чоохтаам мин — парам.

Талнай (Азария). Пар, пар. (Кунариге.) Син тынанчазың — тынан.

Азария сыхча. Кірчелер иренец Карим Петрович.

Ирен. Т-пук, өческенде хар порали наңмыр чаап килді. Тимдезер бе, Кунари Степановна?

Талнай. Ол парбас. Хапсапча. Синиң ипчиңи районзар апарардыс.

Кунари. Мин хазыхпын. Исчезер бе? Мин парчам.

Сыхча, аның соонча — прайзы.

УЗИҢЧИ КӨРИМ

Пастагы картинаның көрими. Орай иир. Хая төзінде пір дее кизи чогул. Агастар аразында Азарияның үни истілче.

Азария. Чағын килбе. Ол кизидең хорыхча.

Айкан. Синнең хорыхпинча.

Азария. Піс. нанчылардыс ноза. Андаг, абыя? Мин аны абыя тип адап салгам. Көзitteк, азаан, абыя. Чазыл партыр, ап-арыг. Амды піске хоргыс чогул, хазыр пүүрдең дее, аңчыдан даа ойлабызардыс.

Азариянаң Айкан хая төзінээр килчелер.

Мин пастых ползам, закон сыгарыбызарчыхпын: книктерни атпасха. Олар андаг ачыстыглар, андаг шырозы чохтар, хайди оларны атарға.

Айкан. Албыға, агаста одырчатса, сіліг, че ипчилерниң иңилеринде аннадох сіліг. (Азария тапсабинча.)

Сынаң, Азария, Аннарны пір дее атпаза, тайгада оларга таргынах полыбызар.

Азария. Кизилерге чир үстүнде таргынах нимес...

Айкан. Син ам даа, Азария, көп нимени оңарылбинчазың. Пілчезиң ме, чир-чалбахта албыға хайди паалалча? Нинче-де нымзагас тееричек чылтырах сіліг машинаа тур парча. Табырах, нингезек — одыр, ойлат. Хандыра, я? (Азария тапсабинча.) Азария, нимедечер сағынчазың?

Азария. Чуртастанар... Хачан парчазың?

Айкан. Сынаң чоохтаза, пілбинчем. (Ойда чат салып.)

Чайгы аяс харааларда,
Тигір көре, ойда чатчам;
Ырах турған игір айда
Синиң омаңны кілепчем.

Чарып турған чылтыстарнаң
Адың пазарга мин хынчам,
Холың тутхан салааларнаң
Чылтыстар көре, хол сунчам.¹

А з а р и я. Чарир ба син!.. *(Хулаана ниме-де сыбыхтапча.)*

А й к а н. Аннанар сурбинчалар. *(Азария Айканны сырайынаң охсанча.)* Спасибо.

А з а р и я. Аның үчүн алгыстабинчалар. *(Күлісчелер.)*

Чит парбаспын мин
Пу чирде,
Ол парбаспын.
Сынан чох пол парзам,
От полып бделим,
Пур полып көгерем.
Чалыныг от тудуни,
Чир-чаян,
Чарых чылтыс поларбын.
Хубулыбызам салгахха,

Көбіктіг салгахха!
Чүреемни,
Чалгыс чүреемни
Ырахта халгызам.
Үргенгі арчы,
Пастагы күгүрт,
Олган күлінізі,
Таң солбаны
Полыбызам.²

А й к а н. Хыгыр ам даа. Сіліг үн синиң. Мин сини театр институтына аларбын, неке.

А з а р и я. Орта пдерзің. Мин артистка поларга чаялгам.

А й к а н. Чох, аннаңар нимес. Син таң солбанызың.

А з а р и я. Таң солбаны поларга хынминчам.

А й к а н. Нога?

А з а р и я. Ол чит парча. Мин чідерге хынминчам.

А й к а н. А сини читшессің. Хачан даа. *(Азарияны охсанча.)*

А з а р и я. Салыбыс, тайдук көр салар.

А й к а н. Көрсін.

Хухахтас салып, хая тәзіңер Кунари нең Карим килчелер. Пуларны көрбин, охсапысчалар. Азария хая кистіңер ойлапча. Аның соонча — Айкан.

К у н а р и. Ундубаазың, хайди мин синзер ааллап килгем. Анда да син төртінчі курста үгрешеткесің. Миниң ипчім, — хормачыланып таныстырғазың син арғыстарыңнаң. Мин сағынгам, сас тойы полар, че ол олаңай ла нир полған.

К а р и м П е т р о в и ч. Көң алчаастар піс чуртаста итчебіс.

К у н а р и. Мин дее алчаастар көп иткем. Чуртирға маңзыраам, табырах прай нимее чидініп аларга хынгам. Син чоохтидырлар, маңзыраан сеск сүтке түсчен. *(Сым полчалар.)* Синиң статьяларыңны хыгырчам, чоохта, нога фамилияңны тургыспинчазың?

К а р и м П е т р о в и ч. Арыстыг...

К у н а р и. Пасхалары арынминчалар.

К а р и м П е т р о в и ч. Арыстыг нимес, кем улуг сурыглар көдірче, кирек нимелер пасча.

¹ М. Кильчицаковтың «Сахсыныс» тіп стихотворениезі.

² Р. Рождественскийниң стигы.

Кунари. А син кирек чох нимелер пасчазың?

Карим Петрович. Пилбинчем. Пастағы туста, университет тоос килгенде, бтиг пазарға, хынығ сурығлар кбдирерге кўстенгем, полған на строка ўчўн чўреем ачычаң. Андада хомай нимес статьялар сыххлаан. *(Сым полча.)*

Кунари. Анаң?..

Карим Петрович. Чыылығларда чоох пол сыххан: строка асхынах пирчем. Мин машина нимеспин статьяларны пельменнер чили табырах идерге. Мында наа пблик устағчызы килген. Хортых кизи. Критикалығ статья сығарып аларбын тип сағынма. Ибде ипчим салдапча: ахча асхынах тоғынчазың, квартира ээн-хоол турча. Анаң хол саабысхам, строкалар ла кббдин арах парзын... Ахча ла ползын... *(Сым полча.)* Чазыт полбаза, Кунари, нога апсааңнаң чуртабинчазың?

Кунари. Тың чахсыдаңар. Араға испинче, тахпа тартпинча, ипчилернең чбрбинче. Эристіг полыбысхан. *(Хатхырча.)*

Карим. Алыс партырзың син, Кунари.

Кунари. Чахсы алай хомай саринзар? *(Карим тапсабинча.)* Чоохта — тарынмаспын.

Карим. Мының алнында син чалахай полғазын, ам...

Кунари. Ам чабалбын, тарынчахпын. Кирипчебиc, Карим, кирипчебиc. Пир чахсы писатель пасча:

Чуртасты хатап пастирға,
Чуртирға пир дее кўн халза,
Орай нимес.

Син хайди сағынчазың? *(Каримни сынчыхти кбрче.)*

Карим. Миниң семья, Кунари...

Кунари. Пилчем, ойнаам мин. Сынга алба син миниң сбстерими.

ТОРТИҢЧИ КБРИМ

Талнайның чурты. Пўлесте узупчатхан кизилер кбринче. Пулундағы чоон агас орнахта Талнай, Маага кбзенек хыринда, Миллайпаң Айкан чирде узупчалар. Узубинча чалгыс Азария.

Азария. Тайдук, узупчазың ма? *(Талнай тапсабинча.)* Тайдук...

Талнай. Ниме пол парды?

Азария. Тайдук, мағаа синнең чоохтазып аларға кирек.

Талнай. Таң атса, кўн полар. Чат, узу.

Азария. Узуп полбинчам. Тайдук, парыбыссын Карим Петрович.

Тандох...

Талнай. Хайдағ сеек ызырыбысты?

Азария. Харааң чоғыл синиң, тайдук. Ол прай пиcтиң семьяны уятха сухча. Чоохта, чахсы кизи иди идер бе?

Талнай. Бскен агас игир салаазы чох полбачаң. Карим — миниң аалчым. Аалчыны сыгара сўрчең пиcтиң кибир чоғыл.

Азария. Андағда мин парыбызам. Тандох, тандох парыбызам. *(Ылғанча.)*

М и л а й (*сыбыхтапча*). Ылгаба, Азария. Корреспондент таңда мында чох полар. Сӧс пирчем сагаа.

Агырш кирче Кунари. Кӧблче азах узынаң орнагынзар парча.

А з а р н я. Қитенме. Піс узубинчабыс.

К у н а р и (*хылыхтань*). Тик ле, уйгуң читпес.

А з а р н я. Уяды чох. Хайди арынминчазың кізілерден.

К у н а р и (*чарытхы чарытча*). Хайди полдың?

А з а р н я. Хайди полбаам. Син хайди полчазың?

К у н а р и. Хайди полчам? Тудысчам, огырга кірчем, кізі бдірчем?

А з а р н я. Кізі ирин пыласчазың.

К у н а р и. Кӧрерге син кічичек хузычаксын, че тыргагың хоргыстың чітіг.

А з а р н я. Тайдук пілче — тапсабинча, Милай синің кистінде кӱлче. Мааганың тілі чоғыл. Син пістің семьяны уятха сукчазың.

К у н а р и. Спасибо, спасибо сагаа, Азария. Тӱс чолга кирчезің алыг чачаньы. Иртенге теере сыда, таңда парыбызарбың.

Т а л н а й. Пір дее кізі пір дее чирзер парбас. Истер бе? Иртен чоохтасхлирбыс. Узуңар. (*Чарытхы ўзўрче. Сымзырых. Истілче Азарияның сыбыхтазы.*)

А з а р н я. Кунари чачан, тарынчазың магаа, чоохта, тарынчазың? Тарынма. Мин сагаа чаксы идерге хынчам.

Кірче Карим Петрович. Кӧблче, китейіп, тӧрзер пастырча. Харасхыда, нимес-де наалып, кӱзӱрепче.

К у н а р и (*прайзына истілдіре*). От чарыдыбыс. Піс узубинчабыс.

Карим Петрович тапсабин турча. Кунари от чарыдыбысча.

Маага, турып, чарытхыны ўзўрче.

Олох кӧрім, Милай стол кистінде одырча. Аның алнында настан салган бутылка.

М и л а й (*позы алынча*). Апчак мині имнеп порастанча. Аның орнында ползам, мині мындартын хачанох нӱткелебизерчӱклӱн. Хатына даа кирек чохсың, чызып парган ултурух. Нога алаагысча миннең ол? Аянча. Азах алтында пухалысчатхан чабал адайахха чӱли аяпча.

Кірче Азария. Аның холында сала тооп парган сабаллығ нымьрттар.

А з а р н я (*бутылказар кӧзидің*). Пазох? Пілчезің тайдук хынминча іс салган кізее.

М и л а й. Писте пис чибіргі пис, паста пас алыг пас.

А з а р н я. Кӧр, хайдаг тадылығ ние. Абыяма пиргемӧк. Чибес сағынгам, хынып чеен. Мині хая тӧзіне теере хооп килген. На, чі. (*Милайға сабаллығ нымьрт пирче.*)

М и л а й. Тыныма тур парар, поэың чі.

А з а р н я (*хатхырча*). Кӱлкістігің син, Милай. Ой, паарымай.

Кірче Маага. Аның холында ағас кӧнек. Аны ўўлдіре чууп салган кип-азах, Азария Маагаа полызарга итче, че ол чаратпинча, кип-азахтарны поэы паға артхлӱпча. Милай пағда поэының талалых трусзын кӧр салча. Тура хонып, ол аны хойнынзар сугыбысча.

М и л а й (*Маагаа*). Айоол, кем сини сурган? (*Холынаң кӧзитче.*) Ноға пиди-пиди иткезиң? (*Маагаа ӧрчиліг хатхырча.*) Ишь, ӧринче... Хайдаң ол аны хаба тартхан. Мин сух салгам хайза. (*Маагаа уламох хатхырча.*) Че, кӱл, кӱл. (*Маагаа хатхырбиныбысча, сырайы аның сӱреңкей пол парча: мин хомай идібіскем?*)

А з а р и я. Син, Милай, Мааганы хомзындырба. Аны...

М и л а й. Кем аны хомзындырча? Арса, мин агаа аяпчам.

Чӱк чӱктен салып, кірче Т а л н а й.

А з а р и я. Тайдук...(*Ойлап киліп, чӱгін суурча. Хабын тутхлап кӧріп.*) Торымнар ба?

Т а л н а й. Маагаа пир, сайлап алзын.

М и л а й. Аңчыахтарыңны хайда артыс салдың? Хыйыр харахтары хооп, алаң ас халдылар ба?

Т а л н а й. Тайға аралы пас чӧр килзіннер.

М и л а й. Кингестер урунмады ба?

Т а л н а й (*кӧйтік кӱлінче*). Ізенген тагда кник чох полчаң. Пойли сал оларны — тайғаны сыбыр парыбызарлар. Чир-чаян суг чох ӧліг, тайға — аң чох. А син, оол, пазох кӧгліг одырзың?

М и л а й. Пар хыялах.

Т а л н а й. Имненерге сагынчазың?

М и л а й. Іс, іспе — пір чол магаа, апчах.

Т а л н а й. Тас үстӱнде ас ӧснеең. Сагаа чуртирга. Кӧр позың.

М и л а й. Алыгбын мин, апчах, аламдырбын. Хырыс мині. Сӱр, тураңнаң чидінібіс.

Т а л н а й. Одых кӧзенекті хатап ода саппинчалар.

М и л а й. Син кізізиң, апчах. Чир үстӱнде пас чӧрерге турыстыг кізізиң. Алыбыс. (*Талнай арағалыг чірчені холынаң хыя идібісче.*) Син, апчах, кізі чіли чуртапчазың. Чуртапчазың олаңай ла, хайди суг ахча, хайди агас ӧсче. Мин синнең сурчам, апчах, нога пасхалары іди чуртабинча, нога мин іди чуртабинчам? (*Пазын столға тӱзіріп, одырча.*) Машина пар минің, «Москвич». Хайдаг ахчаа алылган ол? Хатым кізілерге чайдырча: пис чыл, пір дее ние албин, ахча чыгабыс. Чойланча. Мин ол ахчаны пір ле чылга кӱреп алгам. Пассажирлерні хаңыртхам. Пірсіне билет пирбинчезиң, пасхаларына иргі билет туттырыбысчазың. Ахчаахтар синің ізебинде сыгдырасча. Кӧрбе минзер, Азария. Огырбын мин. Чӱзім ӧрген кірбес тохпах осхас халын, мирчең. Пір дее кізідең уятпаам, нога-да синнең, апчах, уятчам. Най уятчам. Ноға, пілбинчем.

Т а л н а й (*налавка алтынаң настой сығарып*). Азааң кӧдір, имненербіс.

М и л а й. Алаағыспа миннең, апчах. Имнирге турыспас кізібин мин.

Т а л н а й. Син турыстыг пол. Тартын җаның. (*Настойканаң азаан чысча.*) Аң тӱктіг поладыр, кізі — сағыстыг.

М и л а й. Сын чоохтапчазың, апчах. Пазың синің сельсовет.

А з а р и я. Райсовет. (*Хатхырысчалар.*)

Т а л н а й (*түрчө сым полып*). Тайгада хомай кирек. Кем-де книктерге хыл урча. Истер пеер килче.

А з а р н я. Пеер? А кем урча полар, тайдук?

М и л а й (*азаанзар көзидип*). Мин... постарың көрчезер.

Т а л н а й. Айканның киреене төбй.

А з а р н я. Айканның? Пога Айканның? Снн... снн, тайдук, көргезиң ме?

Т а л н а й. Чох, көрбеем.

А з а р н я. А найнапчазың. А нога? Снн агаа хынминчазың, полган на аның сөзіне хазалчазың. Көрчем мин.

Кірче А й к а н. Аның холларында атып алган хара сабаннар.

А й к а н (*хара сабаннарны өөр көдіріп*). Махалыг ба? Пүүннең сыгара мині аңаа санаңар. (*Сымзырых. Ам на Айкан, ниле-де пол парганын сизініп, пірде пірсінзер көрчө.*) Ниле пол парган?

А з а р н я (*аныңзар айлан киліп*). Книктерге хыл снн урчазың ма?

А й к а н. Мин? Кем чоохтаан?

А з а р н я. Урчазың алай чох? (*Айкан тапсабинча.*) А мин киртиңгем сагаа. Снн... снн пасхаларох осхассың.

А й к а н. Талай пір оортамга снн парбас, Азарня. Піс хакастар-быс. Пістің ага-тайдаларыбыс аңнап ла чуртааннар. Нёбс піске чарабас?

Т а л н а й. Закон, оол, прайзына пір. Хара сабаннарны аңнирга сагам чарадылбинча.

М и л а й. Писте пиле чибіргі пиле, паста пас... Пірсе сабан агаста одыр халбады ба?

А й к а н. Усті учухтырыбысхам.

М и л а й. Снннең піс муңы даа атып аларбыс.

А й к а н. Өөр хусты көр салзан, тудын полбинчазың. Көстен атлачазың, атлачазың. Түскені түсчө, учухханы учухча. Угаа хының спорт ол.

А з а р н я. Хының хустарны өдірерге...

А й к а н. Снн мині, Азарня, кизи ат салган кизиңи чили, пыролапчазың. Хустар ол, хустар. Мин аңыбың, оларны аңнапчам. Андаг, Милай?

М и л а й. Снннең піс пір хабырга кизибіс.

А й к а н. Снн чоохтирга хынчазың: мин сагаа төбйбін?

М и л а й. Сызыра. Ачынмыс, харныбыс тосса, хараабыс тоспинча.

А й к а н. Чоохтаба. Мин хазна ахчазың огырлабаам, кизилерни хаңыртып, оларның ізептерінзер кирбеем. Тайгада учух чөрчеткен хустың ээзі чогул. Мин атып алгам — минн, снн атып алгазың — сннн.

М и л а й. Пагырлыг интеллигент.

А й к а н. Тохтаат. Алай сірер мині пір корреспондент хысха төбй ползын тіп сагынчазар ба? Москвадаң пістің залзар килген. Ниле ле көр салза, чапсыпча. Ой, хайдаг хузыча! Ой, хайдаг сіліг таглар! Ой, суучах — хайдаг хайхас. Хастар көр салган — сала ылгабыспаан. Күлкістіг дее.

А з а р и я. А магаа күлкістіг нимес.

А й к а н. Түрче полза, піс палгаста чатчатхан сууханны көр са-
лып чапсирбыс. Тіріг хурт нога.

Т а л н а й. Кемге көктеп паргазың, піл полбинчам, оол, сині. Па-
баң синің чахсы кізі. Тайга — ээзі чох хазаа нимес. Панчымның даа
оолгы ползаң, аң-хустарны үредерге пирбеспін. Истің? Пирбеспін.

Кинетін айланып, сых парыбысча.

А й к а н. Ур ааллабыстым, неке, мин сірерде. Нан пілергөк кирек.
(*Табырах нимелерін тыхтапча.*)

А з а р и я. Мин... тайдук... син піске тарыңма.

Маага Айканның айланысча: хал, парба. Пля¹ кізі мында чогул. Парба.

М и л а й. Малхатча. (*Истілдіре.*) Хара сабаннарыңны ундуп салба.

Маага Айканның рюкзакың хаапча: хал, парба.

А й к а н (*Милайзар көзідін*). Ол халар.

Пірдеезің анымчохтапсин, ізіксер парча.

А з а р и я. Айкан, сыйның ундупчазың. (*Мүйүсті пирче.*) Алып ал.
Тайдук чаратхан.

А й к а н. Спасибо. Кирек чогул.

А з а р и я (*көблче*). Алып ал. Миннең...

А й к а н. Кирек полбас. Че-е...

Сыхча. Аның соопча — А з а р и я. Түрче полганда, кірчелер Талнай, Кунари
паза Карим Петрович. Каримнің иңиңде фотоаппарат.

Карим Петрович. Хая-тасхыллар артыспин суурдым. Хай-
хастыг сіліг чирлер мында.

М и л а й. Айоол, син хая-тасхылларны суурганча, пісті суурып ал.
Газетке чарабин парзабыс, піреезіңе садыбызарзың. Сатчалар нога
артистернің сомнарын.

К у н а р и. Сағынчазың, синің сомыңны ахчаа аларлар. (*Хатхы-
рысчалар.*)

К а р и м П е т р о в и ч. Сынаң даа, магаа сірерні суурып аларға
кирек, Талнай Пикенович.

Т а л н а й. Ноо нимее?

К а р и м П е т р о в и ч. Сірер иргі аңызар, тоғызыңар чахсы пар-
ча. Мин хачаннаң сірердеңер пазарға сағың чөрчем.

Т а л н а й. Чачынны кирек нимее хоратчалар, кирек!

К а р и м П е т р о в и ч. Чахсы кізілердеңер пазарға чачын аяғ
нимес.

¹ Пля — мында «хомай» теені.

Талнай. Пасчалар миннеңер, көп пасчалар. Полбаан нимені полған ит салчалар. Пір аба өдіріп алған, оң аба пазарлар. Кізілердең арыстың. Паза пазар ниге чоғыл ба? Син пас, хайди тайганы үретчелер. Мындаг полған ма пу чирлер он чыл мының алында? Кил пеер. Көрчезиң узур салған агастарны? Килгеннер, узур-узур салғаннар, ідөк тастабысханнар. Нимее? Төрт чыл чадып чызыпчалар. Ниге тирзиң мынзына?

Карим Петрович. Тирбин: угаа хомай кирек. Паза тирбин, пу киректи пиди артызарга чарабас. Хайди даа аннаңар пазарбын.

Кірче Азария. Сырайыңаң көрпиче — ылгаан.

Талнай. Айкан хайда?

Азария. Наныбысхан. *(Сым полчалар.)*

Карим Петрович. Магаа даа маңзыранарга кирек. Иирдегі автобуса...

Кунари. Мин дее парчам.

Талнай. Эристіг полибысхан мында?.. *(Кунари тапсабинча.)*

Карим Петрович. Спасибо, Талнай Пикенович, чахсы ааллап алдым синде. А пу чызыпчатхан агастардаңар леспромхоз устагчыларыңаң чоохтазарбын.

Талнай *(хол саап)*. А-а! Тоң чирге тыт өрген саппа. Хабарласхам мин оларнаң.

Карим Петрович. А пис оларнаң газета пастыра хабарлас көрербис. Узы-пазына сығарбыс, Талнай Пикенович. Хайди даа сығарбыс. *(Анымчохтасча.)*

Талнай. Кір чөр. Ундуба.

Карим иек Кунари сыхчалар.

Милай. Иркин алтазох — ундубызар. Пилчем мин оларны. Тилге пысхан чоң. *(Кірче Милайның ипчиі Ласа. Сырай-сынға угаа көрпичіг ипчи, тонанғаны даа ипчи, кизи хайшин тартча.)*

Ласа. Изеннер, тайга чуртагчылары. Аалчы сагыбаазар? Че-е, минің кинегім мындох ноо. Сагыбаазың ипчиңни?

Милай *(хылыхтанып)*. Хараа-күнөрте харах чаппин сағаам.

Ласа. Көрчем, хайди сағаазың? А? *(Хараан сығып.)* Хости абахай хызычахтар. *(Азарияның тарыңах сырайын көр салып.)* Ойнапчам, хызычаам, тарыңма.

Милай. Писте пис чибіргі пис, паста пас алығ пас.

Ласа. Иргі сарынынны сарнапчазың, хыңганым. Нааны сагын таппаазың? *(Азарияны көргелен.)* Сіліг хызычах, стенедегі картина осхас. Көгенеибис ле моданаң тігілбеендір. Ам чиптер узун кичелер. Ааллап кил минзер. Минің таныс портниха пар. Пір-ікі ле күнге сині көклөчек чили тонандырыбызар. *(Азария ниге-де тирге итче, че сөстер таппинча.)* Пүүл аң теерізі модала. Албыга алай норка ипчи кизиң угаа чазапчалар. *(Талнайзар көрче.)* Аңчыларның андаг ниге табылар, неке. Таныс хоостыра, арса, магаа даа хах түзер. А? Паазынаңар чоох чоғыл. Пинче сурзаң, анча пирем.

Т а л н а й. Ан теерілерінен садыг иттинчем.

Л а с а. Чахсаан чоохтассабыс чи. А? Хорыхпаңар. Ласа палгаан түүнчекті пір айна даа систіп полбас.

М и л а й. Пу чуртта пір дее ниме садылбинча. Пілдің?

Л а с а (*күлініп*). Кемге садылбинча, кемге...

А з а р и я. Чойланчазың. Син позың садыгчызың. Тайдук — аңчы.

М и л а й (*ипчізіне*). Нимее килгезің пеер?

Л а с а. Сагаа тогазып аларга. Сағын паргам.

М и л а й. Пар, пар. Сүс мыннаң!

Ласазар пастырча, анзы нандыра пазынча. Милай, ізік азып, ипчізін піткелебізерге хынча.

Л а с а. Милай... Хайди пол турзың? Ипчің харыг улыбысты ба?

М и л а й (*хысхырча*). Сүс! Сүс мыннаң!

Ласаны піткелеп, табырах ізік чаабысча.

Хуртап парган миске, чыстан парган пойла!

Л а с а (*тасхартын хысхырча*). Сала тынның кинек. Тик харын. Чалгыс хурсагыңа сыданминчазың. Кізі мойнында симірчезің. Хыйыл-бас тың! (*Талнайзар айланча*.) Син дее, апсах, иртинме. Кізілерні тайгада артыс салган — позы тизібіскен. Тайганың ис-пайына аяпчазың, түрче полза харағайлар аразында чадарзың!

А з а р и я. Ниме үчүн ол пісті іди...

М и л а й. Ханхычы адайны нагдаң позыдыбыс, прайзын тутхлап салар.

ІКІНЧІ ДЕЙСТВИЕ

Талнайның чурты. Тура ортызында торымның хап. Азария аның ахсын палгапча. Тасхар Мааганың брчіліг хатхырызы истілче. Азария, ойлап парып, көзенектең кірче, күлінче. Түрче поларынаң суулазып ала, Мааганаң Милай кірчелер. Мааганы танычаа чогул. Ах сіліг хоос көгенектіг, ах наа туфлялыг. Алнындағы састарын сибірек ит салтыр. Көңні ачых-чарых. Милайзар көріп, хатхырча.

А з а р и я (*торымның хапты көдіріп*). У-у, хайдағ аар. Хайди апарып алар Маага?

М и л а й. Мин улыс пирем. Айоол, көр синің кингіңе төйй бе? (*Азария ағастаң чазаан киигес пирче*.)

А з а р и я (*киигесті көргелен*). Угаа төйй. Позың чазап алгазың ма? (*Милай пазын икіпче*.)

М и л а й. Маагаа сыйлап пирерге итчем.

А з а р и я. Ой, хайди өрін парар Маага. (*Киигесті Милайға пирче*.) Сыйлап пир. Маага прайзына ла сыйыхтар итче, агаа — пірдесі.

Милай кингесті Маагаа пирче, анзы пазын чайхапча.

(*Маагаа*) Ал, ал. Ол сагаа сыйлапча. (*Маага, холын пулған, Милайга чоохтапча: Азария сыйла.*) Мин албаспын, ол сагаа сыйлапча нога.

Маага кинкти алча, анаң, чапсып, аны көргелече

Хайдаг ачыргас, Маага парча. Мин агаа угаа сағынарбын. Милай, хайди сағынчазың, Айкан килер бе?

Милай. Мин хайдаң пілем. Сағыпчазың?

Азария тапсабинча. Маага, кингесті тудын салып, ағырин ылапча. Пулар ам на көр салчалар аны.

Азария (*Мааганы хучахтап*). Маага, хайди полдың, нога ылапчазың? (*Маага уламох тың ылапча. Холынаң пулған чоохтапча: маагаа пірдеезі пір дее ние сыйлабаан. Мин хомайбын, прайзынаң хомайбын.*)

Азария. Маага, андаг ниемес. Син прайзынаң чахсызың. Кемнең дее сур.

Кірче Талнай.

Талнай (*Азария*). Тимдезер бе? (*Азария тапсабинча.*) Орты чолга теере апар саларзың.

Азария. Ибізіне теере апар салам. Атха аяпчазар, кізее...

Талнай (*тарыңгах*). Нинче частыг Маага? 20 артиннаң. Маагаа 60 артиннаң. Позым азагымнаң чөрчем.

Азария. Піс тее поэмыс азаанаң парарбыс.

Милай. Сынаң даа, ниеме атпаң муханарга. Піс үдес саларбыс. (Милай торымныг хапты хаапча, че апсах, аның холынаң суура тартып, поэмын иңніне тастапча. Прайзы сыхча. Машинна күүлезі истілче. Түрче поларынаң, кірчелер леспромхоз устагчылары Полит Иванович, Санпир Васильевич. Оларнаң хада — Карим Петрович).

Санпир Васильевич. Аалчы чох чуртабинчабыс, Пикенович.

Талнай. Көп аалчы - көп хабар.

Полит Иванович (*ізік хыринда костюмын арыглап*). Чол так чол. Прай підел пардым.

Санпир Васильевич. Аба інінде чуртапчазың син, Пикенович. Маагаа алтын даа пир — ікінчі күніндөк мыннаң хазыбызарчыпын.

Талнай. Чуртирга пасха ниемес хайда. Холыца ла идер ниеме ползын.

Полит Иванович. Хан-орта, Талнай Пикенович. План кирее цүүл хайдагдыр? Пазох рекорд тургызарбыс? (*Хатхырча.*)

Талнай. Көрінер. Сугаа читкелекте — маймахты суурбинчалар.

Санпир Васильевич. Э-э, пістеглер синнең тіл ас полбас, Пикенович. Син артых чайлган кізізің. Обал худай.

Полит Иванович. Аның үчүн піс аны алгыстабызарбыс.

Санпир Васильевич, портфельдең чаынга орааң салган түүнчек сыгарып, Полит Ивановичке пирче. Анзы, түүнчекті чаза тартып, көгенек сыгар килче.

Сағаа, Талнай Пикенович, пістің улуғ нимес сыйынбыс... Хайди чоохтидырлар, арығ сағыс-чүрекнең...

Санпир Васильевич. Төрөөн күніңнең, Пикенович.

Талнай (*таңнап парыл*). Төрөөн күн... Хайдаг төрөөн күн?

Санпир Васильевич. Э-э, Пикенович, төрөөн күн чылда пір хати поладыр.

Талнай. Тохтаңар. Пүүн хайдаг число?

Полит Иванович. 30 сентябрь, Талнай Пикенович.

Талнай. Ок, Милай полза, чоохтирчых: писте пис чибіргі пис, наста пас алығ пас. (*Иргі аңчы чүрексінче.*) Кіріпчем, ундутчыл пол парғам.

Санпир Васильевич. Чазаныбыстах, Пикенович, төрөөн күнінде. (*Көгөнекті кизерге полысча.*) Пот, ам пасха көрім. Ам, Пикенович, хыстап парарбыс.

Талнай. Тиннерім дее мині ам таныбастар. (*Хатхырысчалар.*)

Карим Петрович (*Талнайға*). Пыросынчам, Талнай Пикенович, мындаг үлүкүнге орта пол парарымны пілбеем. (*Хол тудып.*) Хайди чоохтидырлар улуғлар, пасхан чирің пагыр ползын, тенкен чирің тимір ползын.

Полит Иванович столға спирт тургысча.

Санпир Васильевич. Одыр, одыр, Пикенович. Піс поэзыбыс хайынарбыс. (*Стаканнар ағылып, спирт урғлапча.*) Наа кипті чуубызарга кирек.

Полит Иванович (*чірче көдіріп*). Талнай Пикеновичтің үчүн.

Санпир Васильевич. Че, чөргізеңер. Ир кізі иреттең халғанча, нзерліг аттаң халзын. (*Исчелер.*)

Карим Петрович. Син магад, Талнай Пикенович, чахсы чөп пиргезің. Статья пасчам.

Полит Иванович. Пісті азырға хаптырча. Онныг именің үчүн полза, анчох. Пір-ікі төгенің үчүн. Ну, кие салгабыс. Мында чатсын, анда чатсын — пасха ба. Машина полза, тарттырарбыс.

Талнай. Син ол ағастары төртінчі чылы тартырчазың.

Полит Иванович. Тогыртын чоохтирға оой. Анзын итпичезің, мызын итпичезің. А мин устагыбын. Магаа сананарға кирек, хайда парыс алып аларбын, хайда хуруг халарбын. Мыннаң тартарға, пеер чол саларға кирек. Чол саларға (*салааларынаң тырсладып*) анзы кирек. Миннең план сурчалар күн сай, ай сай, квартал сай.

Карим Петрович. Кістірерде ние сағынгазың?

Санпир Васильевич (*чірчелерге ариға урғлап*). Карим Петрович, ниее ыс пурладарға. Ыс харах ачытча.

Полит Иванович. Чоохтапчалар Японияда агас чогул. Пісер агас аларға килзелер, сөп-сап артыспын, сыбырып алчалар. Олар, самурайлар, ылгазыннар агасха. Піс ылгабаспыс.

Карим Петрович. Піди хайынзабыс — ылгирбыс. Пүүн ылгабазабыс, таңда ылгирбыс.

Полит Иванович. Амгы тус ылгаахчыларға хынминча.

Карим Петрович. Амгы тус тацах кӧрiстiг устагчыларға хынминча.

Полит Иванович. Син... тiлiцнi пос салба. *(Тура хоньп.)* Ундуба, хайдаг хозяйствоны алгам мин. Ам хайдаг ол. Кем план пирче? Кем районны ӧбр кӧдiр парча?

Карим Петрович. Пӧзiктең аңдарыл парарға ӱр нимес.

Полит Иванович. Сӱсклеен инек пуганы—чабал тептiрiбiскен.

Карим Петрович. Хычанчазың?

Полит Иванович. Чох, сизiндiрчем.

Санпир Васильевич. Пот сагаа тӧреен кӱн... Мин сагынчам, нога кiзiлер амыр-кӧблче, табыс-тубус чох чуртабинчалар. Мин синi улуглаңчам, син минi улугла. Андаг, Талнай Пикенович?

Талнай. Я-я. Магаа пiр оолны пиргеннер: аңнирга ӱгрет саларга. Чахсы пала полған. Амыр, чабас. Адайны даа «сыйт» тiбес. Мин агаа палама чiлi аяам. Тайгада хончатсабыс, хараа тооза от салчанмын: соохха тонмазын. Кӱскӱде хузухтап парғабыс. Мында пол парған ол кирек. Мин, торымга сыгып, агастан аңдарыл паргам. Тӱсте бе, пу чирде бе исчем Коляның*(ады Коля полған.)* ӱнiн: «сыда, аалзар парчам, кiзiлер агылам». Сагаам мин аны, ок, сагаам, че кiзi килбесен. Сагынғам, чнит пала тайгада ас парған. Iкi кӱн ағас тӧзiнде чатхам. Чнит полгам андада, ӧлерге хынмаам. Пар чох кӱзiмнi салып, отахсар чыл килгем. Мында ла сизiг хапхам: килбес Коля, пiр дее кiзi килбес. Частых алтындагы албығалар чох полған. *(Санпир Васильевичке.)* Пот сагаа амыр оол.

Полит Иванович. Тӱрче полза синнен пiс, Санпир Васильевич, огыр пол парарбыс.

Талнай. Пiдн хылынзар...

Полит Иванович *(Талнайны тохтадып)*. Ниме чох. Таң петух табызынаң чарыбинча.

Карим Петрович. Кем хайди чоохтир. *(Турча.)* Че, Талнай Пикенович, хазых-амырнаң...

Санпир Васильевич. Маңзыраба, таңда поэрах. азах ӧбр тееп салып, чатчаң кӱн.

Карим Петрович. Итчен киректер пар.

Талнай *(Каримға)*. Статья сыгар тiдiң ме? Махтапчам синi. Иди оларны, иди.

Карим Петрович. Сыхса, газета ызарбын. Сынаң чоохтаза, Талнай Пикенович, статьяның сын авторы синзiң.

Талнай. Кiзi соорына чапсынарға хына чоғылбын.

Карим Петрович. Тымылчам, Талнай Пикенович, тымылчам.

Карим анымчохтазын сыхча.

Санпир Васильевич. Одыр пеер, Пикенович. Пiс синзер азых чӱрекнең... Синi улуглаң...

Талнай. Минi нимес, тайганы улуглаңар.

Полит Иванович. Улуглирбыс, Талнай Пикенович, улуглир-

быс. Холың пир. (*Холың Талнайға пирче, анзы албинча.*) Киртінминчезің?

Талнай. Поо киртінмес. Ир кізінің сөзі хар нимес хайыл парарға. (*Полит Ивановичтың холын сілікче. Санпир Васильевич стаканнарға толдыра арага урча.*)

Санпир Васильевич (*чірче көдірін*). Иссе ле ізерге. Ибірігде нимеспіс ноза.

Талнай. Тохта, пірее тайначаң нима таап аларға...

Апсах сенексер сыхча. Иреннер ол чох аразында стаканнарына арага орнына суг урчалар.

Полит Иванович. Апсах хылга кірбеедіг.

Санпир Васильевич (*харағын сығып*). Кирерге кирек. Харын корреспондент чөре халды.

Полит Иванович. Піске ол орын на көзіт пирзін, анда...

Кірче Талнай. Аның холында хурутхан палыхтар, тузаан чаг. Прай ол нимелерні апсах столға салча.

Санпир Васильевич. Тайгадағы кізілер ит чох чуртабинчатхан поларзар.

Талнай. Тайгада ит тигірдең түспинче.

Полит Иванович. Сын, сын.

Санпир Васильевич (*чірче көдірін*). Пикенович, көдірібіс. Халын тайганың игір чолларында оң ползын сагаа. (*Исчелер.*)

Андаг даа полза, син, апсах, көйткісің, мындаа тайгада пістең туюххан хыйыдыбысхазын. А?

Талнай. Аңычахтарга аябысхам.

Санпир Васильевич. А-а, тайгадағы аңның саны пар ба. Мин атып аларчыхпын, син...

Полит Иванович. Сын, сын. Пір-ікі сас түс тее парза, пас чалаас халбас.

Талнай (*хылыхтанып*). Аңнарға хычыхтанчазар. Чох, аңычахтар сірернің холларыңа кірбес. Пілчелер олар киректі. (*Хатхырча.*)

Санпир Васильевич. Син, Пикенович, сын аңчызың. (*Чірче көдірін.*) Сын аңчылар үчүн.

Талнай. Нымзатпа. (*Сым полчалар.*)

Санпир Васильевич. Пазох таң саба чоохтаныбыстым.

Талнай. Мин, мин саба чоохтанчам. Алғыс сірерге, олғаннарым, алғыс. Килгеннерің чахсы. Пу часха ундубаспын. Мині піди пірдеезі улуглабаан, пірдеезі. Кізі аразына кірбинчем, улуг аң чіли тайгада тунчам.

Санпир Васильевич (*мүйүсті көрін*). Сіліг мүйүстер. Чуртымда минің прай нима пар. Пу ла нимее чит полбинчам. Хай пар ис-пайымны агаа орназыбызарчыхпын.

Талнай. Алып ал. Мин харам нимеспін. Нима көңніерге кірче — алыңар, че аңычахтарға теңмеңер. Минің ис-пайым нимес: чонни, хазнани.

Полит Иванович. Сын, сын, Талнай Пикенович.

Санпир Васильевич. Мүүстіглер пу аразында чох таа полар, Пикенович.

Талнай. Пар, көп, толдыра, че сірерге чогул! Чу-чу! Тапассар. (Хатхырча.)

Санпир Васильевич. А піске кирек чогул, Пикенович.

Талнай. Ам на хыйга чооғың истім. (Хатхырысчалар. Санпир Васильевич апсахха пазох арага пирче.)

Санпир Васильевич. Арыг киниң тынып, пас чөр киленер, Пикенович. Сиң хорыхпа, аннарыңа теңмеспіс.

Полит Иванович. Тайгазар изірік чөрерге чарабас.

Талнай. Чарабас, орта чоохтапчазың. (Хатхырча.) Киледірлер неер анчычахтар. Мин оларны пір дее аң чох чирзер анар саладырбын.

Полит Иванович. Көйтіксің, неке, син, Пикенович. А? (Хатхырча.)

Санпир Васильевич. Анзы чох хайди за. Анчы кізее көйтк поларга кирек. Итсе, тайгадагы анның саны пар ба? Пір-ікі сас түс тес парза, пас чалаас халбас.

Талнай. Пойди сал оларны — тайганы сыбыр парыбысхадаглар. Чир-чаян суг чох өліг, тайга — аң чох.

Полит Иванович. Хаи-орта сөстер. Хайдаг тайга ол аң чох. Пылтыр чайгызын мин Прибалтикада тынангам, курортта. Ок, тайга так тайга. Тиңнер агас сай. Тайгаа кір парзаң, сині абылаңчалар. Палыгы чи! Талайда көдестегі көче чили хайнапча.

Санпир Васильевич. А-а, синің Прибалтикаңы. Пот мин полгам Кавказта. Анда сынаң нымахтагы осхас. Агастар пістің мындагы осхас хыйыр-майыр нимес: көп-көнілер, топ-тоғылахтар, тып-тыңнар. Абахай, сылагай хыстар чили турглапчалар. А чахаяхтары чи! Муң аймах. Пу чазыма андаг сілігні көрбеем.

Полит Иванович. Киртінчем, киртінчем. Сіліг чирлер андар.

Санпир Васильевич. Тайгазы чи, хайдаг сіліг. А-а, пісти, агаа көре, хырина даа турбас.

Талнай. Позың турбассың. Пілігчи... Көргезің ме син сын тайганы?

Санпир Васильевич. Көргем.

Талнай. Хомай көрчезің. Параң, мин сагаа көзіт пирем. Параң!

Полит Иванович. Тайгазар изірік чөрерге чарабас.

Талнай. Кемге чарабас? Пілчезің ме син, оолагас, хачан миңиң азаам пу чирге пасхан? Син іцеңиң идее не силбектен чөргезің, мин андада аба соонча чөргем. Минмін пу тайганың ээзі. Минмін! (Тура хонча.) Параңар. (Оластанча.) Килер миңиң кинигезім, тайдазы мал изірік. Ниме тирбін агаа? Э-э, палам, пүүн тайдаң көмес амзабысты. Пүүн тайдаңның үлүкүн, төрөөн күні. Чахсы кізілер миңиң улугладылар. Тарында магаа. Тайдаң синің удаа үлүкүниңебинче. Че, параңар. Көк тайгамның сіліниң көзіт пирбеенде истіг чадын чатпаспын.

Санпир Васильевич стенедегі мылгыхты алча.

Талнай. Хайдар? Нимее? Тайгазар мылтыхтыҗ чарабас. Чарабас! Истиңер бе?

Санпир Васильевич. Хайди син чигленістіҗ сагыс тутказың, Пикенович. Пісті кемге саналказың?

Талнай. Нанчыларға. Аннаңар тайгамзар апарчам. Параңар, тайгамны көзіт пирзем, ундуп саларзар Палтус... Палтустарыңны.

Полит Иванович. Прибалтиканы, Пикенович. *(Хатхырысчалар.)*

Талнай. Минің тайгама турар чир үстүнде чир чоғыл.

(Талнай иң пурнада сыхча. Аның сооңча — пу ікблен. Санпир Васильевич, сыхчадып, мылтыхты алып алча. От үсче. Пірсі пірсінің соонаң атыстар истілче. Көблче чарытхы чарыпча. Төкпесте Талнай апсах одырча. Ол пілбесте, чадап ла харахтарын көрче. Ырах ниместе үннер истілче: Ус сыңи. Ус мўёс! Мўёс! Мўёс! Ікізі минн! Чох, минн. Мин атхам. Апсахха пирбеспіс пе? Талнай, пу сбстерні ис салып, кинетін, оохтап, өбр сегіре түсче. Прай поэы халтырапча. Амох ол андарыл паргадаҗ, че ол турча, чўресн тудын салып. Оластап ала, нинче-де хаалаҗ итче, андарылча.)

Талнай. Сыыннарым... сыыннарым... минің сыыннарым. Атыбысханнар... өдірібіскеннер. Ноҗа сілігзер сірер, ноҗа олған осхас киртінчексер? Көрче тигір, көрче тағлар. Аям сірерні, кічіг олғанахтарыңы чіли хайраллаам. *(Ылҗапча.)* Қиріп паргазың син, Талнай. Чызыҗ миске пірдеезіне кирек нимес. Аны пасхлап парыбысчалар. Чарабас, чарабас пасхладарға.

Атыныбызарға мылтинн хаапча, че ол туста Азарияның табызы истілче: тайдук!
Тайдук! Азария, ойлап киліп, тайдазың хучахтапча.

Азария. Тайдук, хайди полдың, нимен ағырча?

Талнай. Сыыннарым... сыыннарым... чоғыл сыыннарым.

Азария. Олар сини алахтырыбысханнар, тайдук?

Талнай. Сыыннарым... минің сыыннарым. Атыбысханнар, өдірібіскеннер.

Азария. Мин пілчем кем.

Талнай. Мин, синің тайдаң. *(Ылҗапча.)*

Азария. Тайдук, ылҗаба. Піссер аалчылар килген. Кічнчек Талнайах, іче-пабазы пала кир килтірлер. *(Апсах тапсабинча.)* Параң, тайдук.

Талнай. Хайдар?

Азария. Ибзер, аалчылар сагыпча. *(Талнай оластап ала турча. Азария аны тутча.)* Одыр, тайдук, одыр. Хомай саҗаа, син ағырыбысказың.

Талнай. Хайтпас. Хайтпас. Олерге маҗаа ам даа ирте. Чуртирға кирек, чуртирға. *(Көблче алнынзар пастырча.)*

ПИЗИНЧИ КӨРІМ

Олох көрiм. Талнай орнахта чатча. Сыннар соонаң ол агырыбысхан. Кiрче Азария. Аныц холында улуг сумка. Ол хончык аалзар чинистер аларга чбрген.

А зар и я. Тайдук, амох сагаа пiр ниме кзiдем. *(Сумказынац газета сыгарча.)* Синнецер, тайдук, газетада пасчалар. Магазиннен сыххам, Каной ага, хол саап, хыгырып алган. Газета пирче. Синиц тайдацнацар пасчалар тiпче. Мына. *(Тай агазына кзiтче.)*

Т ал н а й *(газетаны пiктеп).* Пуур хой тут салза, аны махтабинчалар. Талабыс, кiзее кзiтпе.

А зар и я. Талабызарга... Мында прай сын ниме пазылча.

Т ал н а й. Сын ниме тiпчезиц... Пазылбинча, хайди Талнай апсах пiр сацай ус сыын атып алган? *(Азария тапсабинча.)*

Сагынчазыц, тайдац ах сагыстыг кiзи. Ах сагыстыг кiзи ацны мiуицiнц не учун атар ба?

А зар и я. Кiзи пырозын, тайдук, поэца алба. *(Хучахтапча.)*

Т ал н а й. Угренерге кирек сагаа, хыс. Чир илбек, тайга таргынах.

А зар и я. Тайдук, Ленинград сiлиг город па? Син аны арачылаазыц, я?

Т ал н а й. Хайхастыг город.

А зар и я. Махтаба, олох пiр дее чирзер парбаспын. Магаа синнен чахсы, тайдук.

Т ал н а й. Хустар даа чазап салган уяларын тастанчалар.

А зар и я. Хустыц, тайдук, агазы чофыл.

Сым полчалар. Кiрчелер Милайнац Астай Пикеновна.

М и л а й. Суг iстiндегi хахпаннарны кр килдiм. Iстер крп — сапаандыр.

Т ал н а й. Азаац хайдагдыр?

М и л а й. Чазылча. Тiрче полза, апчах, таягымны сагаа сыйлап пирем. *(Талнай кiлiнче.)*

Астай Пикеновна. Пас чр килдiм харагайлар аразынча. Хайдаг кии, хайдаг тайга. Пас парчам, сагынчам, нрбс пу миниц трррен чирiм, нрбс пу чирче миниц iчем пас чрген. *(Хараан чызынча.)* 30 чыл мин мында полбаам. Прай пу чылларда магаа ниме-де читпенен. Ам пiлчем мин ниме. Пу тағлар, пу харагайлар, пу соох хара суучах. Чирсуу чох кiзи чилегези чох агасха трбй.

А зар и я. Астай чача, а нога син амгаа теере килбеезиц?

Астай Пикеновна. Чуртаста, Азария, прай ла ниме син хынганни полбинча.

Т ал н а й. Ац даа поэзынц уязын ундубинча.

Астай Пикеновна. Син пiлчезиц, нога парыбысхам мин.

Т ал н а й. Синиц мында агырыг пабац, харындазыц халган.

Астай Пикеновна. Ах парған суг айланминча.

Т ал н а й *(аны тохтадып).* Пабам iреп парганда, искiргем. Килер орнына син 50 салковай ыза пиргезиц. Ыспас полган. Пабамны мин синиц дее ахчац чох чыып саларчыхпын.

Астай Пикеновна. Полар. Чалтыратпа мини. Син пiлчезиц

минің чуртазымны. Пастағы пала төреен. Орінерге кирек, мин ылгаам. Улўс чох төріп парган хайран оолаам. Аның чазыт палалар ойнап чөр-геннер; ол пазын тударга сыданмаан. Хайдар ла мин аны ал чөрбеем, че тик ле. Хончыhtar, таныс кизилер чөп пиргеннер: кинектер туразын-зар пирібіс. Апсаам олох сағыс тутхан: пирібізерге. Че хайди мин аны, минің паламны, паарымнаң чарыбызарбын, хайди аның соонда чир ўс-түнче пас чөрербін. Ам даа аның ачии ирткелек. Уреп парганда, кизи дее көп чыылбаан. *(Талнайға.)* Пос кизилерін сагаам, пирдесзи килбеен.

Тапсабинчалар. Кірчелер Ласа, Санпир Васильевич, Полит Иванович.

Л а с а. Чарир ба? Аалчы сагыбаазар? Че, изеннер. *(Астай Пикеновнаны көр салып.)* Ю, кемни көрчем. *(Хол тудып, Астай Пикеновна-наң изеннесче.)* Ленинград соонаң мында эрістіг нимес пе?

М и л а й. Килген саасхан тойға.

Л а с а. Ниме тіпчезін, парганым. Көрчем, тын кір партыр сагаа. *(Астай Пикеновнаа.)* Аалда даа чуртазабыс, поэзыбыстың профессору пар. Пилбинчем, Милай, хайди саназарзың Талнай Пикеновичнең.

С а н п и р В а с и л ь е в и ч *(столға араға тургызып).* Чарым чох, кирек киліспес, неке.

М и л а й. Чох полицар мында, чарым айпалар.

С а н п и р В а с и л ь е в и ч. Истер бе, хайди улуглаңча мині кизом...

Л а с а *(хатхырып).* Хайбанар агаа. Андаг минің кизее паарсах ир. Хызычаам, Азария, мин сагаа мында сыйыгас агылгам. Сагынчам, көң-ниңе кірер. *(Хоос көгенек чаза тартып көзітче.)* Поzyma тіктіргем, че, тіпчелер, магаа чарабинча. Чинт нимес ноомза. Сагаа чарир.

А з а р и я. Кирек чогул магаа.

Л а с а. Че-е, хызычаам, хомзындырба мині. Сыйыхты хыя итпинчелер.

А з а р и я. Ниме сірерге кирек? Мўўс, пысхах, албыга?

Л а с а. Азария, арындырба мині. Мўўсті піс поэзыбыс сірерге сыйлап пирербіс.

Иреннерге харағын сыхча. Санпир Васильевич тасхартын хап кирче. Ласа аның ахсын сиртпін, мўўс сыгар килче.

(Астай Пикеновнаа.) Аарлыг кибіске дее орнабассың. Ленинградта, читі крести чөріп, мындаг ниме таппассың.

А с т а й П и к е н о в н а. Сіліг мўўстер.

А з а р и я. Ол сілігнің үчўн тайдук төзекте чатча. Мин сірерні чаргаа пирем. Пўўнөк, амох.

Л а с а. Тохта, хызычаам, маңзыраба. Оларны чаргаа пирзең, тайдаң ахта халбас.

Т а л н а й. Киме тўңдеріл парза, хуруг сыхпинчалар.

С а н п и р В а с и л ь е в и ч. Пикенович, пісті кизи көрбеен. Шу, көмес аннаабыс. Аннаңар чоох-чаах идер бе...

Т а л н а й. Магазиннең спичка огырлап алзаң, чаргылапчалар, а піс ўс улуг аң аңдар салгабыс.

Полит Иванович. Сын, сын. Киліспес кирек пол парган. Піс пірні ле атып аларга иткебіс.

Талнай. Пірні? Кем чаратхан?

Санпир Васильевич. Сын, син чаратхазың.

Милай. Чойланма, адай палазы. Амох сууңны сыгара пазыбызам.

Талнай. Тохта, Милай. Сынны чоохтапча ол. Чаратхам мин. Аның үчүн нандырығ тударбын. Сагыңгазар Талнайны көгенекке садып аларға. *(Сундухтаң көгенек сығара тартып, столға тастапча.)* Алып алыңар сыйыхтарыңны.

Ласа. Апчах, сагаа ам 60 час азырох. Тайганың не-пайын тігі чирзер чүктен парарга итчезің ме?

Милай. Писте пис чибіргі пис, паста пас алыг пас.

Талнай. Күн миннең хада хон парбас.

Полит Иванович. Сын, сын, Талнай Пикенович. Піс чох пол парарбыс, тайга ідөк турар, ідөк аңнар ойлас чөрерлер.

Ласа *(хатхырча)*. Аңнар даа чох тайга түндеріл парбас. Чарас саларчыхсар...

Азария. Орай хабыңгазар. Писте агас хадарчызы полган. Тайдук агаа праи чоохтап пирген.

Ласа. А-а, Питронча. Пилчем аны. Ах пас ла көзидібіссем, ахсын аспас.

Талнай. Мині хайди сым идерзер? *(Сым полчалар.)*

Санпир Васильевич. Хыял. Түрче полза, хозанның үчүн харибге одыртарлар.

Азария. Ачыргастыг, андаг закон чоғыл.

Ласа. Законнардаңар, хызычаам, преенернің пастары агырзын. Піске, ипчі чонга, ызырга-мончухтардаңар, пырбалардаңар чоох парарга кирек. Андаг, Астай Пикеновна? *(Астай Пикеновна тапсабинча.)*

Азария. Пилчем, хайдаг ахчаа пырбалар алчазың.

Ласа. Хайдаг?

Азария. Огырлап алган. Ака инейнең 10 салковой артых алып алгазың.

Милай. Ол чүс тее салковой азах саап алза, уят пілбес.

Ласа *(хатхырча)*. Көріңердек аны, хайдаг піс ап-арыгбыс, уятчылбыс. А?

Милай *(ипчізіне)*. Син... Ис пеер. Ниме пар пістің — алып ал. Че мині паза прице санаба. Пилдің?

Ласа *(хатхырча)*. Хан худаим, алай чарылызарга сагынып алдың ма?

Санпир Васильевич. Сілер пірее кізі чох чирде үзүрізіп алыңар. Арыстыг сірерні истерге. *(Талнайға)* Питронча хақан полған? *(Талнай тапсабинча.)* Талнай Пикенович, тылаас сых парганда, піске чоохтазып аларга кирек.

Полит Иванович. Чөптес саларға...

Талнай. Инмеденер?

Полит Иванович. Сыыннарны син атхазың. Изірік полгазың. Пилбинчезің. Піс мында полгабыс — парыбсхабыс.

Санпир Васильевич. Штраф төлезербіс...

М и л а й. Писте пис чибіргі пис, паста пас хыйга пас. *(Хатхырча.)*
Хыйга табаннар... А?

Л а с а *(сынаң чүрексің)*. Милай, сигіс чыл чуртаабыс. Пасха кізі нимессің. Минің харындазымның алдын ал пир, сурчам сині. Астай Пикеновна, чоохтан пуларга пірее ниме. Олар сині истерлер.

А с т а й П и к е н о в н а. Сабазы чох кізі пола чогул. Аал-хончух-тарнаң чабаллазарга чарабас, Талнай. Чарас сал.

Т а л н а й *(Астай Пикеновна)*. Сагаа пу тайга пір кўнге дее кўй парзын — аяғ нимес. *(Пасхаларына.)* Минің соомда мында хайыны-зарзар. Че мин тірігде, мин тірігде...

Л а с а. Позың аннар бдірбинчезің? А пу ниме? *(Стенедегі мўйсер көзітче.)* Хыялы чох ангел. Чоохтирзың, чагыннарыңа албыгалар сыйлабинчазың? А Кунари хызың хайдаг пўрік кис чўрче? Сагынчазың, кізі пілбинче, кўрбинче.

А з а р и я. Тохтадыңар аны, тайдук агырча.

Л а с а. Орінче поларзың миннеңер газетте пасчалар. А кем пасча? Карим Чистанов, синің хызыңның ораалыс чўрчеткен оолгы.

М и л а й. Талбах! Узілбес тыныңны ўзе тартыбызам.

Илчизізер сегірче. Иреннер аны тутчалар. Азария, ойлап парып, стенедегі мылтыхты хаап алча. Ласа чабал табыснаң хысхырча.

П р а й з ы. Азария!

А з а р и я. Пыросын, пыросын тайдуктың алнында. Алай мин сині...

Л а с а. Полызыңар! Полызыңар!

А з а р и я. Пыросын.

Ол туста тасхар мылтых атылызы истіле тўсче. Прайзы, алаң ас парып, хыймырабин, орыннарында турчалар. Анаң Азария турадаң сығара хонча. Аның соонча — прайзы.

От чарин кўблче ўсче. Харасхыда ўнпер истілче.

— Ниме пол парған? Кем атхан?

— Кемні атыбысханнар?

— Кинкті.

— А-а, кинкті.

— По, худым, хайди хорых пардым.

Чарытхы чарыпча, Хая тўзінде, хат парып, Айкан турча. Аның хольнда наа мылтых. Азаа хырында бліг кингес. Айкан, алаң ас парып, пірде кинксер, пірде мылтиннар зар кўрче. Амох ол ойлабызар, че орай. Ниче-де хаалағда аннаң — Азария. Ылгабинча, хысхырбинча, хат парып турча.

А й к а н. Азария... *(Азариязар хаалағ итче.)* Азария... мин... мин атарга итпеем. Кинен пол парған.

А з а р и я. Мині дее атыбыс...

А й к а н. Азария...

А з а р и я. Ат. Угрен тайдам чіли атарға: часпин, чичең. Сіреп прайзыңар махалыг атчазар: хап орта, саңай тўзіре. Чабал кўрчем, прайзыңарны чабал кўрчем. Кізілер нимессер сіреп! *(Хысхырып, кўблче аңдарылча.)*

У н н е р. Азария! Имчи! Имчи! Агаа хомай.

АЛТЫНЧЫ КӨРІМ

Тураның сенегі. Сенекте, хаңза арыглап, Талнай одырча. Аныңзар Айкан пас килче. Холында аның хызыл мұндүргестіг салаацах.

Айк а н. Изеннер.

Талнай (хыныхсыбин). Изен, изен... (Айкан туразар кірерге итче.) Хайдар? Аалчы хыгырбаабис.

Айк а н. Кіріп ле сыгам.

Талнай. Итчең ниме чоғыл сағаа анда.

Айк а н. Пар кирек. (Кірерге ізік асча.)

Талнай (тура хонып, Айканны төзінең хаап алча). Хыя чөр мыннаң.

Айк а н. На, сап мни. Олох кірем. (Позып аларға туғлапча.)

Талнай. Кірбессің, адай палазы, кірбессің. (Сенектең түзіре сасча.)

Айк а н. А вот полбассың. Кірем. Синнең сурбасын. Тайгада хозян пол.

Талнай (тынастап). Кір! Кір! Кір! Кір көр пеер. Че! Пас чагын. (Удур-төдір көріс салып, тапсабин турчалар.)

Айк а н. Чарир. Синнең ползын. Сынаң даа мағаа мында итчең ниме чоғыл. (Парча.)

Талнай. Тохта... Исчезің ме? (Айканзар пас килче.) Окпелен паргам көмес... снн, оол, тарынма. (Сым полчалар.)

Айк а н. Снн мағаа киртінчезің ме?

Талнай. Кізілерге киртінерге кирек.

Айк а н. Чоох кізілердеңер нимес. Мағаа, мағаа киртінчезің ме?

Талнай. Анаң чи, киртінчеткен дес полм.

Айк а н. Киикті мин атарға итпеем. Киртінчезің ме, итпеем. Ноға пабам мағаа наа мылтых сыйлап пирген?

Талнай. Снн, оол, пазыңны чідірбе. Тигірдегі чылтыстар ла алачаас итпннчелер.

Айк а н (аны испин). Позым даа пілбин халгам, хайди ол пол парыбысхан. Чох, чазырбинчам — мин атхам, мылтых позы атылбас. Мин, мин...

Талнай. Ол аның иргі ағырнн. Кіңігде пірсінде ідөк тал парган.

Айк а н. Ноға пабам мағаа мылтых сыйлап пирген...

Талнай. Ам ол чазылча. Кунарн аны имнепче. (Сым полчалар.)

Айк а н. Снн киртінчезің мағаа, че ол...

Талнай. Ол даа киртінер.

Турадаң Кунарн сыхча.

Айк а н. Мин... парим.

Сым полчалар. Айк а н парыбысча.

Кунарн. Ниме кирек ағаа мында?

Талнай. Пірее кирек парох полар.

Кунарн. Азария сннн хыгырча.

Туразар кірчелер. Азария көзенек алындагы орнахта чатча. Аның хыринда Астай Пикеновна одырча.

А з а р и я. Кемнең чоохтастың, тайдук?

Т а л н а й. Питронча кил парған.

А з а р и я (*сыныхти көрче*). Нимеденер чоохтастыңар? Аннардаңар алай кизилерденер? (*Сым полчалар.*) Нога кизилер пос постарын алахтырчалар. Көрчелер хара — тiпчелер ах. Хомай тiп сагынчалар, постары чახсы тiпчелер. Истилеринде, хырт көрерлер — тастыларынаң кўлинерлер.

Т а л н а й. Хара пулуттар тигирни туу тартыбысса, чарых кўн дее чох осхас. Хазыхтан, палам.

Т а л н а й сыхча, А з а р и я кўдирлип одыр салча.

А з а р и я. Ол магаа хынчам теен, хауан даа чарылыснаспыс теен. Позы... позы киикти атыбысхан. Ана аның хынызы. (*Подушкаа чадыбызып, ылгапча.*)

А с т а й П и к о н о в н а. Азария, палам, чўрексинме. Иртис парар. Чиитсиң син. Чуртас кимезине ам на одырчазың. Чайхаңнир ол, ширее чирде хыйын парыбыс турар, хазыр айланыстарда падыра даа саптыр турар, че син хорыхпа, пик тудын, хыйыс халарзың хайдаг даа хыялдаң.

Сым полчалар. Кирче М и л а й.

М и л а й. Айоол! Азария, чндер сагаа чазыгарга. Көр, тасхар хайдаг сiлиг. Хар чаап парған. (*Хар көзитче.*)

К у н а р и. Хысхы килген. Табырах иртче тус.

М и л а й (*хатхырча*). Саналыг иленидербiс. Э-э, команда, турыбыс, миниң соомча!

К у н а р и (*кўлче*). Таягың ундуп салба.

М и л а й. Мин аны апчакха сыйлап пиргем.

Кирче М а а г а.

Азария, көр, кем килген.

Милай брчилиг Мааганаң изениесче, анаң аны Азариязар ағылча. Маага Азарияны чухахтапча, знактар идип, чоохтапча: хайди агырыбысхазың, мин испеем.

А з а р и я. Маага... килгезиң.

М и л а й (*Маагаа*). Хандыра, килгениң хандыра тiпчем. Най, най (*Улуғ салаазың көзитче.*) Пiс сини сагаабыс.

А з а р и я. Кем сагаан? Син? Чойланарга чарабас.

М и л а й. Мин чойланминчам.

А з а р и я. Тирзиң — Маагаа хынчам.

М и л а й. Тирбиң.

А з а р и я. Тирзиң — Мааганы аларбын.

М и л а й. Аннаңар, сынаң чоохтаза, мин сагынмаам.

А з а р и я. Сагынмассың. Маага тiли чох, ол сагаа кирек чогул. Паза Маагазар чағын паспа.

Кирче Т а л н а й, Мааганаң олар көрiскеннер.

Т а л н а й. Нога аалчы азах узында?

ЧИТІНЧІ КӨРІМ

Талнайның чурты. Тура ортызында чемоданнар. Көрінче: кем-де чолга тыхтанча. Ибде Каримнең Кунари. Карим, ізөбінең сазын ахчалар сыгарып, Кунариге пирче.

Кунари. Хайдаг ахча?

Карим Петрович. Тайдаңа. Мин пирзем — албас.

Кунари. Спасибо, кирек чоғыл. Штраф ахказын ол төлеп салган. 700 салковой аның Азарияа чыган ахказы пар полтыр, пасхазын піс чыып пиргебіс. Милай 300 пирген.

Карим (*Кунариге ахказын сунып*). Талнай Пикеновичнең піс нанчыларбыс. (*Кунари албинча.*)

Кунари. Тайдама иргі аңчы тіп, муң на салковой штраф сал пиргеннер. (*Хатхырча.*) Че син пілчезің пістің апсахты. Тарынча. Мин, тіпче, закон хоостыра, нинче төлирге кирек, анча төлеп пирем.

Карим. Пасхалары?

Кунари. Анчох төлееннер.

Кунари. Чаргылирга полган оларны. Мүўс ле үчүн үс сыын аңдар саларга.

Кунари. Син оларны статьяңда чаксы хайырчазың.

Карим (*хатхырча*). Хайырарын хайырыбысхам. Позыма даа хамчы тееп парган.

Кунари. Паспасха полган.

Карим. Чох, андаг нимелердеңер сым поларга чарабас. Ол статья сых килгенде, хайда-хайдар өріністіг полган. Иди өрінче поларвар сірер, хачан өлчеткен кізіні ал халзаңар. (*Сым полчалар.*)

Хачаннаң пеер ипчілдердеңер пазарга сағынчам.

Кунари. Ур сағынчазың.

Карим. Пазарбын, хайди даа. Аның үчүн магаа пір-ікі күнге больницаа кір парарга кирек.

Кунари (*күлініп*). Кил, таныс хоостыра чаттыр саларбын.

Карим. Тынаг тураа пар килзем.

Кунари. Чалгызаан парчазың?..

Карим. Ипчімнең... (*Сым полчалар.*)

Искем, Азарияны агырча тіп. Ам хайдагдыр? (*Кунари тапсабинча.*)

Карим Петрович. Кунари, пасха хыр саабысханда чуртасты хатаң пастабинчалар. Орай ам.

Кунари. Хачан-да ирте полган. Хайдаг полгазың син, андагох халгазың: тідімі чох, аар чох, пеер чох. Мин ипчібін, позымның чуртазын позым пөкчем. А синің чуртазыңны пасхалары пөкчелер. Хон саларга чоохтас салгабыс андада, мин сірерзер чемоданныг килгем. Ааллап нимес, чуртирга, синің ипчің поларга. Син өрінгезің, че іең пір ле сөс тогыр чоохтаныбысханда, ікінчілеп сыххазың. Кирі инейні искезің.

Карим Петрович. Ол минің іем полган.

Кунари. А мин кем полгам? (*Сым полчалар.*)

Карим Петрович. Нимее ну чоох, Кунари? Иргі түстер...

Кунари. Иргі түстер? Олар мына мында минің чүреемделер. (*Сым полчалар.*)

Піске паза тогаспасха кирек.
К а р и м. Мин ідѳк сагынчам.

Карим Петрович парыбысча, кірче А й к а н.

А й к а н. Изеннер. *(Кунари изеннеспинче.)*

Азария хайда? *(Кунари тапсабинча.)*

Магаа... тогазып аларға кирек аннаң.

К у н а р и. Пастап сурарчыхсар, хынча ба ол сірернең тогазарға.
(Сым полчалар.)

А й к а н. Киик атыбысхам, ам кізі нимеспін? Хатығ чарғылапчазар.

К у н а р и. Азария чүрексінерге чарабас. Мин сурынчам...

Кірчелер А з а р и я н а ң М а а г а. Азария, Айканны кѳр салып, хылчанин тўсче. Нинче-де секунда олар удур-тѳдир кѳрїсчелер. Азария, поэин холга алып-алып, изеннеспинн ѳрзер иртче. Каримнең Кунари сыхчалар.

А й к а н. Пїлчем, Азария, сагаа мин амды иң хомай кізібін, Че, сурчам, истїп ал мині. Киикті атарға итпеем мин. Кинен пол парган. Пабам наа мылтых сыйлап пирген. Мин аны сынирга иткем. *(Азария тапсабинча.)* Азария, нѳбс минің пыром андаг улуг, нѳбс хайдаг-да кииктің үчўн піс чарылыс парарбыс. Мин поэыма орын таппинчам. Таста пыромны, Азария.

А з а р и я. Киик тірілбес.

А й к а н. Кўлкістіг, кўлкістіг, Азария, хайдаг-да киик пістің арабыста турча. Чуртаста іди полбинча.

А з а р и я. Полча, чуртаста прай ние полча.

А й к а н. Азария, мин сині таныбинчам. Син... син кірі кізілер чїли чоохтанчазың.

А з а р и я. Ѵс паргам мин.

Кірчелер Талнай, Астай Пикеновна, Милай, Карим, Кунари. Айкан, нїрдеезїнер кѳрбин, турадаң сыгара хонча.

Астай Пикеновна. Пас чѳрїп алдым кѳк тайгача, тосханча тынып алдым арығ киинең. Ам ѳл тес парзам, хомзынмаспын. *(Талнайға)* Кил пар, Талнай, минзер ааллап. Кѳрїп аларзың, хайди чуртапчам.

Т а л н а й. Тиннерїмнї кемге артыс салам.

А з а р и я. Астай чача, алып ал мині хада.

Астай Пикеновна. Азария... хыйгачах. Кїрі чачаңны ѳрїндїрдїң. Город синїң кѳннїче кїрер. Угренерге кїр парарзың.

К у н а р и. Пар, пар, Азария. Сагынған сагызың, арса, толар. Анда театральнай институт пар нога.

А з а р и я. Андар кїрбеспін мин.

Астай Пикеновна. Кѳрерзїң анда. Таня сині ал чѳрер.

К у н а р и. Парар ползаң, тыхтанарға кирек. Чемодан пістің пар ба? Алып ал минің ах сумкамны. Андар кѳп ние кїрче.

Т а л н а й. Иң кирек ниемелернї алып ал. Халганын почтанаң ызыбызарбыс.

Азария (көгөнөктерін көргөпчө, чө апаң оларны тастабысча). Тайдук, а син кемнең халарзың? Кем сини көрөп?

Талнай. Агас чилегелерінең тудылча, кизи — нанчыларынаң. Хорыхпа, палам, тайдаңның нанчылары көп. (Төзінең иргі кумазник сыгарып, Азария ахча пирче.) Пастагы тухса чидер.

Милай. Апчак, чаратсаң, мин синнең халарбын. Аннирга үгрет саларзың.

Талнай. Аннирга тіпчезің ме?

Милай. Магаа, апчак, синнең пір дее ниме кирек чоғыл. Чуртирбын, хайди син чуртапчазың. Ниме аннаң сыгар — көрінер. Хынза, сынаң даа аңчы полыбызарбын. Минің улуг абам тіпчелер аңчы полган.

Талнай. Сын, агаң синің улуг аңчы полган. А тіпчезің ме нога? Тайгаа хынган. Тайга ипчи кизи охсас. Хын агаа — ол сагаа паарсаснаң нандырап.

Карим. Махтапчам сини, Милай, Талнай Пикеновичке полысчы кирек.

Астай Пикеновна. Ікөлеце көгліг дее полар. Азария, тимдезің ме? (Азария тапсабинча.)

Талнай. Хачан-да сыгарга кирек тайгадаң. Ханат учугысха тыппча. (Сым полчалар.)

Астай Пикеновна. Чө, маңзыранаң, Азария. Парар чолыбыс чагың нимес.

Прайзы сыхча, Азария, хая үстүне сыгып алып, ибіре көргөпчө. Тайга аны үдесчө. Азариязар Милай пас килче. Төзінең агастаң чазаан кингес сыгар киліп, Азария пирче.

Милай. Сагаа... алып ал.

Азария. Спасибо. (Кингесті алып, көрчө, апаң чоон тасха тургыс салча.) Тайгазар көрзің. Милай, сурчам сини: хайралла тайдукты. Мин хачан даа синің чахсыңны ундубаспын.

Ойлабысча.

Астай Пикеновна. Паза пу чирлерні көрөргө киліспес, неке. (Ибіре харахсынча. Талнайга.) Чоным хараан көріп алдым, сыхсаан суумны ізібөк алдым. Ам ибге айланарга кирек. Азариядаңар сагысырабаңар, пасха кизиерзер парбинча.

Анымчохтасчалар.

Азария (тай ағазын хучахтап). Тайдук, агырба. Мин сагаа писью ызам, күйнің сай пазам.

Талнай. Ырыстыг чол ползын сагаа, кингезім.

Прайзы парчалар.

Азария (хысхырча). Тайдук, тайдук...

(Көзөңө)

НАА ТІЛБЕСТЕГЛЕРДҢ

Сергей ЕСЕНИН

ИПЧІ КІЗЕЕ ПІЧИИМ

Сірер пілчезер,
Сірер зе прай пілчезер,
Хайди турғам,
Мин стөнезер чағди,
Сірер нимее-де истенмин чөрөезер,
Хатығ сөстернең
Чүзім сымали.
Сірер сөлеезер:
Чарылыс парааң,
Тусхах хонииңа
Ирееленіп чөрчем,
Мин морсыныстығ тоғызым пастирға,
Че синің үлүзің —
Підок ле төбін тоғылан түсчеең.
Че көбленгенім!
Сірер мағаа хынмаазар.
Сиспеезер чи сірер, түбен чон аралы
Ах көбікнең пырғырып ойлааным,
Ир хамқылаан хайран ат чіли.
Сиспеезер чи сірер,
Ол халын ыс сулғи,
Пораанға хоных оода тітіреенде,
Хайдар үлүс апарча ни піди,
Оңнап полбин, ирееленіп чөрөенім.
Чүстең чүске,
Чүсті чир чоғыл ноо көрчеең.
Сын көөлі соонаң көрінчее хай.
Хайнап турза көк талайның илбее,
Корап чайхалып, илеңнеп чөрчее хай.
Пу чир кораб!
Че кем-де сиберли
Хайхастығ хоных, наа сабланыс соонца
Пораан-чиллернің өөніне ули
Апарча аны.
Корап пораанға соомча.
Че нообыс са ол палубаца чөріп,
Аңдарылбаан, хуспаан, чир тарыхпаан?
Астар олар, чуртаста көпті көріп,
Пораан чайхаанға морсынып сыдаан.
Анда мин дее

Ол оорлас үніне,
Че тоғызымны тобыра оңнаан ир,
Түскем корабтың трюм теен түбіне,
Көрбес үчүн пір дее кізі хусхаағын.
Ол трюм, тізең —
Орыс кабак полған.
Хырлығ чірчее пазым хыйын идіп,
Ол арада өөктеле халғам,
Кемнеңер дее төөле чобалим тіп,
Иреет аста позымны чох идіп.
Көөленгенім!
Сірерні мин иреелеем,
Аястығ сағылчаң
Көстеріңде чобааңар:
Нимее мин алныңарда хоратчам,
Сын позымны хырыстарға.
Че сірер сиспеезер,
Ол халын ыс сулғи,
Пораанға хоних оода тітіреенде,
Хайдар үлүс апарча ни пісті,
Оңнап полбин ирееленіп чөреенім.

Амды иртті чыллар.
Пасхох частар парча.
Ам сизінчем, ам сағынчам пасхох мин,
Пайрам иреедін көдіріп, айтчам:
Сабланыс, аарлас рулевойға!
Мин пўн,
Чўреемде паарсас чалбыри,
Сағынып тум мөңіс чобааңарны,
Че ам сынын
Мин искіріп көрим,
Хайдағ полчам,
Хайдағ ам полып пардым!
Көөленгенім!
Сөлирге дее истіг:
Мин пириктең кил түспин, хыйыс пардым,
Амды Совет Чир-суумда үлүстіг,
Мин иң не көөлбек көгчі полып пардым.
Амды мин дее
Ол тустағы нимеспін.
Иреелебесчкпін сірерні дее,
Ам пойли хоних, чарых істеніс
Знамязы үчўн
Ламаншха даа чидерге тимдебін.
Пыромны тастаңар...
Пілчем: сірер пасхохсар —
Чохсы, хыйға

Кізее дее парғанохсар;
Пістің ирее сірерге кирек чоғыл,
Кирек чоғылбын
Ілігце дее мин дее.
Іди ле чуртаңар,
Хайди чылтыс улаан,
Ам наа көлөөнде көгілбей пүрлернің,
Көөлбек алғыснаң
Сірерні ундубаан
Танысханыңар
Сергей Есенин .

Орыстинаң М. Баинов тілбөстее

Юшер ГАСАНБЕК,
Азербайджан поэди

АҶАМ СЫЫРАДЫ

Болгар Чир-суунда
матыр чаалазып,
Ап-арығ тынын
пир салған аҷам.
Аны исте, төклөөм
хараамның чазын.
Чиксеен не паарым
төөле сыстацаң.
Ос алар көөлнең
ханның чүреем не,
Көк талай полып,
көксимде хайнаан.
Хайди идерзің,
чазым читпеенде,
Өстіг тирігні
холға тут полбаам.
Сискем, тың аар даа
палығлат салып,
Аҷам холлары
мылтых тастабаан.

Казанлык холның чахаяхтары
Аның ханының
өөнең сырлалған.
Аҷам, чаақылар алнында
хаалап,
София, Бургас
чааларын ирткен,
Балкан тасхыллар
көксинде аарлап,
Матыр чаақылар
аны көлеткен.
Азербайджанның
алып ооғылы,
Аҷам узупча
Дунай хазында,
Харындас чирі,
өң торғы полып,
Чахаяхтанча
аның пазында.

КҮН СУСТАРЫ

Төреен аалымның
аяс тигірі
Көрерге сіліг,
Чарых, чалахай.
Сағылып сыххан
күннің сустары
Тигірниң төзін
хызарта сырлаан.

Ах хайлах осхас,
Ах пулудағас
Хызыл хоор өртек
полып, чүс парир;
Сах олох кіріп
Күн сустарына,
Саңай хайылып,

Көөлце чit парир.
 Пүр дее чилбіребеен,
 Чил дее чилбебеен:
 Күн сустары ла
 Чирзер маңзыраан;
 Көк оттарбынаң,
 чахаяхтарбынаң
 Саңай тіріге
 Чир үстүн чазаан;
 Тасхыл суғлары
 Күн сустарының,
 Күзін тартына,
 Хазыр күзүреен:
 Хырада өскен
 Күрең астары,

Ниміс тартына,
 Амырға көглеен;
 Абахай пахта¹
 Ах көнеенең
 Аданың чирін
 Хатап сіліглеен.
 Іцедең тараан
 Күннің сустары
 Чуртап халарға
 Хайди маңзыраан.
 Иирге читіре
 Тооза тынныға
 Чылығын салып,
 Чарып, чалбыраан.

Орыс тілі пастыра М. Баинов тілбестеен

Е. МАТРОСОВ

Женя Чанчаевке

ЫЛАЧЫННАР ТӨЛІ

Петя Лисицинге 14-чі час толарынаң, аның чуртазына, хас пораан чіли, ханның чаа кіре салған. Кичее ле прай ниме олаңай оңарылыстың полған — школа, пионерлер чыылығлары, голубьтар. Че пүүн, тізең, кинетін не... Ситкіп тыңнаңар! Ситкіп тыңнаңар! Совет Союзының прай радиостанциялары тоғынчалар... Правительство пазының чоогы хысха, че морсымның формула: «Ырчы унада саптырар. Чиңіс пісти полар».

Ол күннең пасты Петяның аяс, чарых, Чанаев, Дубровский полып, ойначаң олған тузы тоозылған. Тастынаң көрзең, олох ла позы — узун мойынның, нді-ханы тоолысхалах, чарын сөбктері азырайысча — пір сөснен, ам даа тығалах олған, че істінде Петя кинетін не тыып парған, көбөзі чарып, көксі алгаан. Агаа пір ле сагыс піин-тызын пирбесен: «Хайди ла фронтха парып алчаң».

Радио улам на ис-тыс пирбес хабарлар искір турған. Фронт іскер ле ыраан.

Түрчеден олар даа читкеннер — фашисттер. Кинода, книгада нимес, че өөн постарынаң — хайдаг-да хоңынос чоохтығлар, кірліг нонган мундирліглер, аарынарын хачанох ундаан, кізее ачын пілбес, постарының на алнын көрін парған табаннар. Олар «наа оңдайлар» агылганнар. Пастағызын на ол оңдайларға Петька школа хыринда аалдағылар чыылиинда тоғасхан. Фашист күлүктер школадаң карталарны,

¹ Пахта — хлопок

глобустарны, пасха даа нима-нооларны сыгарып, пір чирге үүп, хазаан бдіктерінен типсел, бртеп турганнар. Ат сырайлыг узун офицер чыылган чонга ноо-да нима чоохтаан. Анын хыринда чоо ла чойырхап чылбацнаан сазын теерпекти хырыхтырган сізік сырайлыг, кічицек, че чабал харахтыг кізіцек. Ол офицернің ахсына сала кірбін тыцнаан, анаң тілбестеен:

— Комиссарларны, партизаннарны, хызыл армия чаачыларын чазырганнарны ат саларбыс тіп чахыпча офицер пиг. Петьканың, ахсы хуруда тартып, пазы айланыбысхан.

Ол сбстер соонаң Петька паза пір нима дее испеен, че хатап-хатап «ат саларбыс, ат саларбыс, ат саларбыс» — теен сбстер хулаанда изі чох соолааннар... Анын аразында оолах поэның иңнінде пабазының күстіг аязының чылиин сизінген. «Ниме чох», — теен пабазыг. Ол оолгының хыринда туруп, прай чоохтарны сиргек тыцнаан, че чүзіндегі чалгыс таа тамыр хыймырабаан, пу кирекке анын хайди хайчатханын пілдіртпеен.

Петька пабазына хынчаң. Агаа морсынчаң. Че пір ле нимені оңнап полбаан: нога пабазы мында халган. Гражданской чаа араласчызы, саблыг Щорстың чаачызы. Кинек тее нолза чи, че партизаннарга нога парбаан полчаң?! Че пір ле ниме Петька ікінчїлебеен: пабазы ырычларнаң хада полбас. Хысхыдагы узун иирлерде пабазы ахтарнаң, Махно хасхыларынаң, пайларнаң ханныг харбазыгларданаң удаа чоохтачаң. Тууп киптіг, хызыл чаачы пөріктіг пабазының ол тустардаң халган саргалыбысхан сомы оолгының көстеріне нос көрінібіскен.

Түрчедең оолгы пабазының чазыттыг киреен оңарылып пастаан. Пабазынаң ічезі Петяны нога-да от хазаазына ла кирбеске күстенгенер. Че от хазаазында Петя тиріг чазырган полгаң — нагаң, чалбах чыда, немецтернің агас тудалыг гранатазы. Прай пу тирігні олганнар пу наада ханныг чаа ирткен арыгда таап алганнар. Че от хазаазына кіріп, Петя анда тирігліг таныс нимес ікі кізікі көр салган.

«Партизаннар!» — хабына түскен оолах. Пабазы киліп, көні чоохтаан: «Хараа пу аргыстарны тимір чол тахтазына үдес саларзың».

— Мині хада алып аларзар ба? — сурган Петя олардаң.

— Ам даа кічїгзің. Ол парганнаң істің тиріг дее чидіспинче, — тапсаан партизаннарның пірсі.

— Минің тириим пар, — теен Петя, анаң чазырган тириин сыгар килген, аны көріп парчазы хайхаан.

— Көр син аны, күлүкті, — пазын чайхаан пабазы оолгының тириглерін көріп. Ур чөптескеннер олар. Оолахтың пір ле сизігі чох хаалагы — ырыч прай нимені оңнап салар. Халганчызын Петьканы партизаннарзар апарарга, аннаң андар, ондай полза, «Улуг чирзер» ызыбызарга чаратханнар.

Хараа партизаннар Петьканаң хада аалдан парыбысханнар. Таң чарып, оорлыг сүт осхас тубан суғ үстүне туу тартылыбысханда ла, олар париган чирлеріне читкеннер. Тубан тобыра тахта көрінген. Анын хыринда хадарчы турган. Партизаннар андар чыл сыхханнар. Петька оларны сахтап халган. Хадагчы мылтиин көстирге көдір килген, че сах олох анын кистінде көлеткі илере түскен. Анзын Петька чарых көрген.



И. С. Лисицин «Туттырбастар» партизан бригаданың командирі А. Г. Морозов. Партизаннар тоғазин, 1969 жыл, Гродно облазы, Бахшты аал.

Сах олох Петька тахтазар үкүс салған. Ол чыданаң рельс алтын чапчаң хазыбысхан, андар мина сух салған, анаң үзөлең арыгзар чүгүр сыхханнар. Түрче полза, поезд иртер. Олар иледе ырах парыбысханнар, хазыр күгүрт чили, тахта чара чачырааны истілген. Партизаннар Петьканы хучахтап, сын чаачының пастагы махачы хаалаан иткениң алгыстааннар.

Иирзер, астаң, аринча тура парып, олар партизаннар турлааңа читкеннер. Телегниниң партизаннары, чачыга чөриң, постарынаң хада болач агыл килгеннериненер хабар түрче ле прайзына таран парган. Оолахха чаачылар хынчаң сиңиниңиң нотхылыг алгай, иір чирче тадылыг чай, улуг тілім инек пиргеннер. Чүрек көбрезине, сиңиниңиң чинске, майыхханына кічиң партизан андарылып узи пиргенде, кемниң-де паарсах холлары аның пазына частых салып, чаачы таарынаң чаап салганнар.

Иртен комиссар үзөлеңе, махачы кирек иткен үчүн, алгыс читирген. Самолет килгенче Петр Лисицин штабтагы рота чаачызы полар тіп чарлааннар. Агаа хызыл ис палгаан кубанка, тууп өдіктер, сын чаачының чылтыраң ыгырос тууп хурын пиргеннер. Партизаннарның кип-азах тікчек устары оолахха чаачы кип-азаан иңине ипти тік пиргеннер.

Наган ориына агаа кічичек чылтыраң браунинг туттырыбысханнар. «Мыннан сеектер ле атарга», — ачырғанган Петька. Чох, мындаг ла чаачы поларга ол сагынмаан полган. Махачы киректерге, разведкаа париган партизаннарга оолах чоо атархачан.

«Улуғ чирге» учугар самолет айбыныбысхан. Ол арада пу чагын-хы орыннарны чахсы пілчеткен кізі кирек полыбысхан. Иң чаразыг кізі Петька пол парган. Оолах партизаннарны кирек чирзер читір салган. Ыырчаа сайбағ салары оой полбаан. Оёр тургызылган пулеметтарнаң ыырчы прай ибіре чирні атып турган. Хазалчых эмектерге тееп ле көр. Чарых ракеталар сах андох сағба пирерлер. Пу пулеметтар тычыраза түзерлер.

Че Петя чылча, чирге чапсыра чадып. Устүнде хазалчых эмектер. Ур чыларга киліскен. Арға мойны азыраларга итче. Че мына рельстер. Оолах, мина сал салып, пазох паягы аар чолны тобырча — чирге чапсыра чадып чылча. Пазох Петяның миназы хачаг чох тогынды. Паза пір ыырчы эшелоны чар азыра учуга халды. «Айнаң даа мынаң ылачын төлі, ылачынах», — паарсап ойнааннар партизаннар. Ікінчі махачы хаалаг иткен соонда, агаа разведчик-подрывник тіп адаларга чарадылган. Агаа оң пол турган. Піліп тургысхан миналар пір дее хачаг чох тогынганнар. Поездер, тахталар, ыырчының чаага кирек пасха даа нима-нооларны чар азыра учух турганнар. Партизаннар искирігілерінде Петр Лисициниң ады улам на удаа адалып пастаан. «Рельсалар чаазының матыры», «Паровозтар атчан мирген оол», — тіп адап салганнар аны партизаннар.


Іскеркі Пруссияның чирінде «Туттырбастар» генерал Осиковскийнің чалаң чаачыларынаң тогасханнар. Ол тусха теере постаң партизан ыырчаа чибіргі читі сайбағ саларга, ол санда чибіргі төрт улуғ сайбағ саларга маңнан салган полган. Агаа хоза, оолах саны даа чох разведкаа чөр салган, Польша патриоттарынаң тогазыга чөрчеп.

Совет Армиязынаң тогасхан соонда, десанттагы партизаннар Петьканы Москвазар ал килібіскеннер.

Ылачын төлі төреен аалы Лачынахтарзар илеede үр айланмаан. Че айлан килгенде, аалдагылар чиит, чапчаң сылагай лейтенантта хачан-хачангы Петька оолахты таап полбачаннар. Ічезі тыып парган оолгынзар, аның наа чаачы кип-азаанзар, илеede көп чаачы сыйыхтарынаң чазалган көксінзер частар тобыра көріп одырчан.

Мин ылачын төлінің матыр киректеріненер бригада командирі А. Г. Морозовтаң паза пасха даа партизан полган улустаң пічік алызың; көп нима искен полгам. Партизаннар тогазинда пісті таныстырганнар. Минің алнымда чиит, иптiг пүдістіг, хыйга, оттыг хоор харахтыг ирен кізі турган. Аның хара костюмында Ленин ордені паза Пастағы класстыг Польской партизанской орден пызыцнааннар. Сағам Петр Степанович пөзік үгредігліг, пілістіг кізі. Аның семьязында ікі олган. Ол Гроднодагы прокуратурада следователь полып тогынча.

Тілбестеен М. Баннов



Михаил КИЛЬЧИКАКОВ

ОЛҒАН-УЗАХХА ТАХПАҒАСТАР

Хозанах

Хайран хозанах хысхыда
Хызыл морковты түзепче.
Хазың төкпезі хоолында
Хысхы порааннаң көленче.

Түлгүчек

Түгдүр түктіг түлгүчек
Төге төзінде аңнапча.
Тахыр түктіг күскөчек
Төге кистінде чазынча.

Аластар

Тук-тук, ағастарны
Тохлатчалар аластар.
Хахпастағы хурттарны
Халғыспастар имцілер.

Пызолар

Пылтыр төреен пызолар,
Пуға полып, сүзісчелер.
Пуларны көріп, пуғалар,
Пызо полып, чүгүрчелер.

Парчыхтар

Палалар парбах ағаста
Парчых хохтызы хысчалар.
Парчыхтар, улуғ алғыста
Паарсап, үннерін чайчалар.

Тиинічек

Хузух пазында тиинічек
Хысхы соохтарны сағынча.
Хузух чазырчаң інічек
Хузух хоолында сағыпча.

Аарычахтар

Часхы күнде чахаяхтар
Чайхалызып өңненчелер.
Чапчаң, чітіг аарычахтар
Чазыларны ибірчелер.

Хулуныцах

Топ-топ, топ-топ, туйфахтар
Тастыг чолца парчалар.
Халыхтапча хулуныцах
Хузуруғыцаа хысхацах.

Харғалар

Хар-р, хар-р, харғалар
Харлаах үннең хаахтасча.
Хазыр, харлығ порааннар
Хазза хырын ходырча.

Сығырайлар

Хызыл көгістіг сығырайлар
Хызыл мүндүргес өңніглер.
Хысхы читсе, сығырайлар
Харлығ тайғаны хоостирлар.

Порсығас

Пала-пархазын порсығас,
Палығлабин, тазыпча.
Часхы күнге улуғ алғас,
Час палаларын чылытча.

Өртегестер

Өөрліг өртек палалары
Узун отха сүрнүкчелер
Улуғ көлзер читселер,
Олардаң чапчаң чох полар.

Хоңыролар

Хоғдыр-хағдыр, хоңыролар
Хыр азыра парчалар.
Чораах, чөскін тай маллар
Чазын полбас, табылар.

Арбуз

Монcych, монcych мойнымда,
Молат пычах холымда.
Хызыл арбуз тимде бе,
Хылығыма кірер бе?

Хурағаннар

Тағ паарында хурағаннар
Табырах ойлас чөрчелер.
Тағ хырында олғаннар
Тастаң обаа итчелер.

Харыцахтар

Халбах, чымцах харыцахтар,
Халғыяхтазып, түсчелер.
Хызыл-сарығ соорыцахтар,
Хас ла чили, чүсчелер.

Пағачах

Көл хазында пағачах
Күн сузына чылынча.
Күлүк, чітіг оолғыцах
Көпеннерні турғысча.

Оолахтар

Чар хазында оолахтар
Сохтағ-пара үрчелер.
Чар алтында палыхтар
Чабал түстер көрчелер.

Хоосхацах

Иртеціл хоосхацах
Сырайын чуунча.
Эрінчек хоосхацах
Харағын чызынча.

Турналар

Тр-р-лу, тр-р-лу, турналар
Тигірзер учухчалар.
Оларзар аңдып, олғаннар
Учуғарға сағынчалар.

Часхы

Чылығ чайғы чағдапча,
Чахаях пазы топтайча.
Чылығ чирзер чөргеннер,
Чылығдаң хада килчелер.

Чылтыстар

Хызыл, хырлығ чылтыстар
Хараа-күнөрте көйчелер.
Хырых аймах халыхтар,
Хайхап, оларны көрчелер.

Чистегес

Чайғы төлі чистегес
Чалбах пүрге чазынча.
Ағаа чуртирға үр нимес,
Маңзыра, сині сағыпча.

Иртеціл Ироолах

Иртеціл Ироолах
Ікі үлүстіг,
Ікілер өрке
Іннең сығарча.

Улуғ ууцацах
Уғаа өрчліг,
Улуғ-кічіге
Оолаан махтапча.

Інек малларын
Иртен иртенөк
Ироолах казаа
Ибдең сығарча.

Илеп парған
Хус палаларын,
Иптөп, имнеп,
Ханат саптырча.

Хонcych Иркечек,
Хайдағ эрінчек,
Хараа, күнөрте
Хырынаң чатча.

Хайран ууцазы
Хазаа аралы,
Хызыцах чили,
Хыймыран чөрче.

— Хая, ууцаң,
Халас пирдек, —
Харлах үннең
Хысхырча, көрдек.

КУЛЬТУРА ЖОНИ

Елена АБДИНА, «Ленин чолы»
газета редакторының орынчызы

«ЛЕНИН ЧОЛЫНА» 50 ЧАС

1927 чылда 1 июньда «Хызыл аал» газетаның пастагы номері сыхчан. 1959 чылдан 1 январьдан пасты «Ленин чолы» тий адалча. Анзы газетаның наа содержаннезине килісек.

Пастаан ікі ле страницалыг, илеседе килкім шрифтіг сыхчан полтыр. Анзы пилдістіг. Пичікке наа ла үгреничкен аалдагы улусха, хыгырарга иник полтын тий, иди пачащар одыр. Ол туста Хакас округта типография чохтаңар. Минсугда «Власть труда» газетаның типографиясында сыхчан. Газетаа кірер праий хабарларны Арбан шилтірінде тимшен (ол туста Арбан иди адалчаң, город, тізең, төреслек ноза), неделя сай Минсуглар, тимірге кинтең, печатать поларга ашарчашар.

Москвадагы В. И. Лениннің адынаң паза Ленинградтагы М. Е. Салтыков-Щедриннің адынаң библиотекаларда «Хызыл аалның» пастагы номері хайралалча. Анда Хакас округ исполкомының Президиумының айланызында иди пазылча:

«Хакас округтың Коммунисттер партиясы паза Хакас окрисполкомы көп нимес пар ахказына сағынча иістің хакас тілінең газета сыгарарга. Минсугдагы газета «Власть труда» иістің округтың хонығын орыс тілінең пазар, иістің газетабыс «Хызыл аал» хакас тілінең пазар. «Хызыл аал» неделяда пир хати сыгар. Праий кизи аны хыгырарга кирек».

Иістің хыгырыгчыларның паза авторларның аразында пастагы номері тутхан, аны чонга хыгырган аргыстар изеннер. К. И. Интутова, иргі коммунист, ол тусты сагысха кириң, иди чоохтанча:

— Мин аалдан аалга көс чөрчөң хызыл ибде тогынчаңмын. «Хызыл аалның» пастагы номері килгенде, Асхыс районындагы Картойлар аалында полгам. Ирзэр, иччилерни чыып, газетаны хыгыр сыхханым, праийзы хайхи түскен. «Ах чачын нос тілінең хайди чоохтанча» тий, пир иччи, минзэр пастыр килің, газетаны холынаң сыйбастырган... Соонаң иесем, ол иччи, ликуиктеар чөриң, пичик хыгырарга, пазарга пир чылда ла үгрениң алтыр.

Пос тілінең газета сыгарын пастааны Хакас округының политика паза культура чуртазында таныглыг пайрам полган.



Газетаның историясы пістің Хакас автоном областының история-зынаң чагын палгалыс парган. Тузазы тың улуг полган. Хакасиядагы партийнай организация аның алнындагы пөгіннерні толдырарга чак-сы хабасчан. В. И. Лениннің «газета коллективнай пропаганда паза коллективнай агитатор ла нимес, че ідөк коллективнай организатор» тпн көзідіглеріне төмени, партияның окружкомы аның авторитетдін көдіреріне, ол полган па тураа кіріп, кізінің чагын папчызы, хыйга ар-гызы ползып тіп, сыбыра сагысырачан.

Газета хыгырыгчыларына Коммунисттер партиясының чалынныг хыгырыгларын ізіпчен чітірген, «Совет үлгүзі, коммунист, колхоз, совхоз», сөстер немс полчатханын чарыда чоохтап, істенүі хакастарны наа чуртасты пүдірерге хыгырган.

Областытагы партийнай организация хакастарны пічікке үгретер сурыгны 1936 чылга бөнінде пөк салган молза, ана анда «Хызыл аал» газетаның хозымы тың улуг. Хакас литература тілін төстирінде, аны тилідерінде газетаның тогызы пөзік наалыг.

Индустриализация паза коллективизация тузында газета, областьтагы партийнай организацияның өтіг полысчызы полып, партияның, совет правительствозының чарадыгларын чонга чігірчеп, совет оңдайлыг чуртастың артык сариларын көзітчен, хакастарны Чир-суубыстың аймах тиліг чончарынаң ынархаста чуртирга үгретчен.

Газетаның хакастар аразынаң тогысчы классты төстирге ползып улуг. Аның пастаанаң 30 чылларда Харатастың шахтерлары, ааллар-зар чөріп, чнит улуснаң тогасчаннар, оларны шахтазар тогынарга хыгырчаннар, наа тогысха үгретченнер. Чалчыларның төлі пүүн электровоз машинизі, механизатор, инженер, архитектор, экономист полчалар.

Ада Чир-суубыс үчүн Илбек чааның аар паза сідік чылларында, прай совет чоны фашист Германиязынаң чааласчатхан туста, Хакас автоном облазының чоны, пір кізі чілі, Чир-суун арачылырга кōдірілген. Чоннарының ынарказына, пролетар интернационализміне сын болып, хакастар матыр чааласханнар, тылдагылар чиісті чагдадарга чоо күстенгеннер.

Газетаның саргал парган страницалары піске Совет Армиязының чаачыларының пічіктерін, оларның махачызынаңар пазылган очерктерін, статьяларны, тылнаң фронттың пір чōбінецер, партиянаң чоңның пір полчатханынаңар чоохтанчалар.

Чааның пастагох күннерінең сыгара газетада Иван Котюшевтің, Михаил Аршановтың, Николай Доможаковтың стихтары сыхча, хайзында олар чоңны ыырчыны чиңгерге прай күсті саларга хыгырчалар. Парчан чоңнаң хада «Хызыл аалынаң» журналисттері Яков Аланов, Семен Киштеев, Алексей Доможаков, Иван Барашев, Николай Абдин, Порфирий Ульчугачев фашисттернен хатыг чаага парганнар. Чир-суубыс үчүн олар, туртухын чаалазып, ол халганнар.

Газета сығып пастаанынаң иер Коммунисттер партиязының Ленин кōзіт парган национальной политиказын область чоңның чуртазы пастыра чарых кōзідеріне улуг хайыг салча. Хакас автоном облазын тōстееңі, аның совет чоңнарының ынаг семьязында арлашып бөсеткені — партияның национальной политиказының салтары.

Интернационал темазын газета аймах жанрлар, аймах авторларның статьялары пастыра піле-піле кōзітче. Ноо даа статьяда, очеркте илбек орыс чоңның піске, хакастарга, паалачаа чох улуг полызын таныхталча. «Улуг харындастанар сөс» пōлікте статьялар, очерктер, стихтар тōреміл сыхча.

Илбек Октябрьның 60 чылына удур тіп пōлинде газета кōп национальностыг коллективтернің тогызын, чуртазын кōзітче. Союз-Суе ГЭС, алюминий заводының пōдірігчідерінеңер, вагон итчең заводтың, сикпен пірігізінің (КСК), «Хакасия» трикотаж-фабриказының паза пасха даа коллективтернің тогызынынаңар чоохтанчатса, газетада харындаста пасха интернационализм темазы бōн орында.

Кōп чыл изере «Ленин чолы» хыгырыгычыларын Чир-суубыстың аймах чоңнарының тогызынаң, культуразынаң, чуртазынаң, кибірлерінен таныстырча. Чон хынын хыгырча Хыргыс, Белорус, Украина, Латвия паза пасха даа харындас союзнай республикалардаңар, автоном республикалардаңар паза областтардаңар страницаларны. Пісең маргысчатхан Тыва АССР-даң паза Таглыг Алтай автоном облазынаң килген хабарларны газета сыбыра сыгарча.

«Ынархас чоллары» газетада кибірге кір парган. Хакасия Монголия Чон республиказының Устүнархы Гоби аймагынаң ынархас палгалыс тутча. Прай ол хабарлар газетада тōреміл сыхча.

Сагам, пістің Чир-суубыстың чоңы Илбек Октябрьның 60 чылын таныхтирга тимненчеткен туста, «Ленин чолы» Хакасия істенчідерінің Тиксі Союздагы социализм марыглазында хайди араласчатханын чакыс кōзідерге харасча. Газета Союндагы территориально-производит-

веннай комплекстің пүдірігчилерінецер сүзінніг чоохтапча. Аал хонии сурыглары хас-хачаннаң пістің журналисттернің бөн хайиинда.

«Ленин чолы» газетаны область істенчілері аарлапчалар. Аның тиражы түгенчі тусха читіре он хати өс парган.

Пістің газетаның 50 чылы тилекейдегі чон Илбек Октябрьның 60 чазына тимненчеткенде таныхталча. Пуул июньда СССР-ның Верховнай Совет Президиумының Указынаң, Хакас автоном облазының істенчілерін коммунизм кибіріне тилдерінде, оларны хоных паза культура пүдіриинин пөгіннерін толдырарына көдірерінде түзімніг тогынғаны үчүн, «Ленин чолы» газета «Знак Почета» орденнен сыйыхталган. 1 июньда областьтагы общественностьтың пайрам кибірліг чыылинда газетаның редакциязының знамязына «Знак Почета» орденн СССР-ның Верховнай Совет Президиумының адынаң КПСС-тың Хакас обкомының пастагы хачызы А. И. Крылов хазап бирген.

Газетаның журналисттері, тогысчы паза аал хабарчылары мыннаң даа мындар областьтагы партийнай организацияның өтіг полысчызы полып, Хакасияның чонын коммунизм пүдірнинде наа чиністерге хыгырарлар.

А. ЧЕРПАКОВ

«ХАРА ХУС ЧЫЛЫ»



Тиксі Хакасияча өріністіг хабар тарапча: саблыг писательбіс Н. Г. Доможаковтың «Ыраххы аалда» романы хоостыра «Хара хус чылы» тіп кинофильм суурылча. Хакасиядаңар пу пастагы чалбах экранныг хоос өңніг кинофильмн Свердловсктагы киностудия тимнепче. Прай тоғыстарнаң усап-пастапча режиссер Вадим Григорьевич Лысенко, суурча бөн оператор Сергей Михайлович Гаврилов.



Сомнарда:

1. Сөн режиссер Вадим Лысенко.
2. «Казакфильмнің» артизі Нуржуман Ихтымбаев.
3. 4. Хакас артисттері Алексей Арыштаев, Юрий праза Михаил Топоевтер, Николай Тачеев.

Сомнары Н. Т. Боргояковти.

Оларның хайзы даа опытыг кино устары. Сергей Гаврилов Свердловсктагы киностудияда «Күстіг чүректіглер», «Халганчы сүріг», «Синнең хада» тін фильмнерні суурган.

Вадим Григорьевич Лысенко, тізең, Одессадагы киностудияда тогыңча. Одессаны арачилаан матырлардаңар

«Ырахы августанар поезд», «Позым чолыңча парим» тін картиналар сыгар салган. Мының алнында ол «Молдовафильмде» тогыңган. Анда чаяан тогыстарның аразында «Ачыг үреннер» тін фильмі Тиксі Союзтагы кинофестивальның I-ғы сыйығын алган, Югославияда олох паалаңнаң дипломнаң сыныхтатхан.



Че хачаннан В. Г. Лысенконун чүрөө Хакаснязар тартылчаң. Ол Минсугда төреен, Агбандагы I номер школаны 1951 чылда тоосхан. Анын соонда ВГИК-та режиссер факультетинде үгрөнгөн.

— Пүүлгү пайрамның чылда магаа нөгинистіг, олох туста часкалыг үлүс түскөн, — тинче В. Г. Лысенко, — төреен чиримнеңер чалбах экранныг хоос фильм тургызарга. Хачаннаң ал чөргөн чазыт сагызым ам на толча.

Хакас чиринде Совет үлгүзи-наа ла төстелген тустаңар саблыг романны кино тилине айландырын, улуг коллектив тогынча.

Рольларны бөнинде хакас театрының артисттери толдырчалар. Сабисті — Н. Тачеев, Сагдайны — А. Арыштаев, Анахты — Ю. Майнагашев. Улуглардан А. В. Шукин, Д. М. Килижеков, В. П. Чебодаева ойнанчалар.

Идөк пу картинада пасха чирлерден килген кино устары араласчалар. Аларчон хамны Бурят АССР-ның чон артизи Цыден Бадмаев толдырча.

Пычон Почкаевтиң рольын — «Казахфильмнең» Нуржуман Ихтымбаев. Ол отыс азыра кинофильмде суурын салган, оларның чарымында бөин рольларны ойнаан. Режиссер В. Г. Лысенко Нуржуман Ихтымбаев Пычон Почкаевти ойнурга арыгли чаялган артист тинче.

Федор Полянцевтиң омазын Туладагы драма театрының артизи Олег Корчиков чаяпча. Марикти Алма-Атадан килген 9 класс үгрөпчизи Раушан Мукашева, Жарковты Ленинградтагы киностудия артизи Владимир Татосов, Харбинканы Одессадан Георгий Дрозд голдырчалар.

Ана иди «Ыраххы аалны» кинога суулары аймах чоннарның ынархас истенизине айлан парган.

Улуг тогыс хызында парча. Март паза апрель айның пастагы



числоларында хысхы көрiмнерi Салбых кўргенiнде, Абазада, Казановта суурылган.

Асхыс районның Қазанов аалында, суг кизiрке чалым хая хыриндагы ачыхта, кинога суурчац аал пўдiрiлген: пайлар туралары, чохчоос иблерi. Кўннiц сай пееер, кино сууарга пользарга тiп, казановтагылар субалысчалар. Хончых таа ааллардац — Асхыс чогартын, Пазандац, Кызластац — килчелер.

Хысхы көрiмнернi сууарга КПСС-тыц Таштыптагы райкомы мапат полыс пирген. Абазазар Улуг паза Кiчiг Снидец, Арбыт iстiнец «артисттер» читклееннер, пееерок инектер, чылгылар сўрiп агылглааннар. Кiчiг ойымдагы ачыхта чон тол парган — Н. Г. Доможаковтын романында назылган Хазаа тайгадагы чаа суурылган. Прай атыстар, сўрiстер кiместец, пiр-iкi сомпац чыылып одырғаннар. Пiр минута парар нменi, чарымар кўн тимнеп, тiрт-инзер хати сууарга кылiскен.

Кино суурчацнар «Ыраххы аалда» роман хоостыра фильмнi Илбек Октябрынц 60 чылына тимге сыгарыбызарга пiгiнчелер. Пу хакас чирiнiц iстенцiлерине угаа чансых сыйых полар.

П. И. КАРАЛЬКИН

ХООСТАРДАҢ ПОРТРЕТКЕ

Ташкентегi хоостачац-узанчац искусство музейiнде В. И. Лениннiц, композитор П. И. Чайковскийнiц, писатель М. Е. Салтыков-Щедриннiц, ученай К. А. Тимирязевтiц, аннац даа пасха наука паза культура кiзiлеринiц чансых портреттерi кирген кiзiнiц хайиниц тартыпчалар.

Сынап таа, пу тогыстарны, сагыс-кiгiс тибiретини, иртчее чогуыл. Олацай iце-чiппец хоосталганга киртiнерге дее сидiк.

Портреттерде паза панноларда «Г. Аткинин» тiп хол салганы сала ла пiлдiрте кiрiнче. Кем полчац за пу хайхастыг хоос тогыстарныц чаячызы? Мында, музейде, Георгий Аткининиц узбекке санапчалар. Тиктец нимес «Ташкент сыны» газета 1957 чылда июнда хыгырыгыларына некирген: «Узбекистанның чон устарының иц чахсы кибiрлерiн iскiрiп, Григорий Аткинин чiбекнец хоостачац живопиське чол салча. Сыр орнына мында iц-пасха чiбек, киден орнына — чуга торгы». Пiс мында газета некирiппец таласпаеныс. Че пiс пiлчегiс, Григорий Аткинин аныц алындыдох пiзiк пiлiстiг хоос хоостачац ус полган. Олох туста Аткининиц, хакас кiзiнi, чiбек сасчац узбек узына санааны таныгыг ние! Мына ол совет искусствозынынц сынында интернационалыг полчатханы, ол, аймах-пасха чоннар удур-тiдiр телiзiп, удур-тiдiр пайытхан сылтаанда тiреен.

Хоосчы Григорий Алексеевич Аткинин хакас семьязында 1906 чылда Хакас автоном облазындагы Аткинин аалда тiреен. Кiчiгден сыгара Григорий Алексеевич хакастарныц чiбек сасчац узын кiрчеч, чон устарынынц пызыг холынац сыххан хайхастыг хоостарнац iкерсiнчеч, соонац позы даа чiбекнец хоостирга ўргенип алган. Аннац аалдагыларны,

инмен-моркам, мелей, маймах, пөріктер хоостап, хахат тура парган. Тойға кичең кипті Гриша пос ондайынча өтіг өннернең чазанча. Күстенчик, кирсе оолахты кирі уучазы чибек сасчаннар узына, чоида пурунгыдан чыылган пілізіне үгретче. Уучаның абдыразынаң сыххан аймахнасха хоостардан, тостан, чачыннаң иткен үлгүлдерден Гриша көп наа чансых ниме піліп алган.

Гришанын хоостарың махтачаңнар, хайзы, ишчилер тогызынан телісче тіп. күлченнер дее. Пір хурах хыстар аны пөрік, мелей хоостирга үгрет сал тін сурынчаннар.

Пірсінде Гришаның пабазы Минсугдагы В. И. Лениннің газетадагы сомын ағыл килген. Ол хакас чон округы төстелген соонда полган. Пабазы Лениннің сомын исте хоостап салган, хырларынча, тізен, айы Гриша хакас хоозынаң сіліг күреелебіскен. Пу сом иб ханазында үр турған, аалдагылар Ленинні көрерге удаа кил парчаннар.

1920 чылда Гриша Минсугдагы школада үгретче, алындагох чілі ол хоосха тартылча. Пірсінде пабазы өкпен сиглернең чоллалган иргі кинде хайдаң-да таап килген, Гриша аны хоос хоостачаң альбом идіп алган. Амды аал чуртазының түбен аймағын ол мында хоостанча: өңніг хакас көгенектіг оол-хыстар, чалаң мал хадарчылары, мылтых алай ухчаа тудыңган аңчылар, күргеннің чазыча ойлапчатхан өөр чылгылар.

1930 чылда хакас чиріне Новосибирсктегі писатель Евгений Филиппыч (Иванов) килче. Ол тогызы чаксы парчатхан «Мал хадарин» колхозтанар книга пас салган. Анда Аткинге пастагызын на книгаа хоостар идерге ондай киліс парған. Пу кинганы ол кибірліг хоостарнаң иштеп салча.

Түрче поларынаң Григорийні Москвазар үгретерге ызыбысчалар, ол анда Тимирязевтің адынаң аал-хоных кирсе Академиязының гидро-мелиорация факультедіне кірче, че мында даа ол хоосха тартылчатханын тастабинча. Академия үгретчилері, аны сізініп, Аткиннің Ленинградтагы хоосчылар институтына ысчалар, сагам ол Н. Е. Решиннің адынаң живопись, скульптура паза архитектура институты полча. Мында ол, скульптура факультедінде үгретип, скульптура паза хоос сиберіне көнікче, музейлерде, библиотекаларда полча. Эрмитажта, СССР чоннарының этнография, СССР-ның наукалар Академиязының музейлерінде полып, кибіс-портреттернең, гобеленнернең танысча, іди улам тың чибекнең портрет хоостачаң узын сынап көрері килче. Хакастарның чибек сасчаң узы сагысха кірче. Амды Аткинн хакас чон хоозын пөзік паалапча. Хакастарның мелейдегі, өдіктегі, ат тирииндегі кічігден көрчен аймах сіліг хоостарны сағынза, чибекнең портрет хоостадаг осхас, ол парганнаң хоос чіктерін ол чаксы пілче. Че іди сагынарга ла оой полтыр. Пастагы тустарда нинче дее күстенгені тик ле чирге пар турған: іди хакастарның толдырып хоостачаң чігі пурунгыдан хоос-хобылга чаксы киліскен чік, че мында хоос портрет чибекнең сазып хоостирга чарабин турған. Килістіре төзсен (фонын) таппин, нинче-нинче торғы алыстырча, чаразых чибек өңнёрні кіленче, че сағынганы толбинча. Көп ондайлар сынирға киліскен. Пола-пола килгенде, іскер парга харығ полчатхан сылтағлар іле сыхча: хакастарның толдырып

тіккен чігіне, алай чачып хоостаанына аарлыг чібек угаа көп парча, че кирек сырлар төзелбинче. Андада Аткини, иргі чіктің ондайын алыстырып, наа чік сағын таапча, ол аны чучалчых, «өткін», «хоос-графикалыг» чік тіп аданча. Пу — артых-пузугы чох үзүр чік. Сомны Григорий Алексеевич аймах ондайларнаң тузаланып хоостапча. Төзеене килістіре не табылча, ол иске торгы чурух салылча, аның үстүне пасха бңңіг торгы кизегі — алнындагы торгы үстүндегізінен өтіре көрінче. Иди Аткини, пасха-пасха бңнерні, килістіре піріктіріп, сырларнаң чіли кирек хоосты төзепче. Көп чыллар кічезіп тогынган сылтаанда, чуга торгыдаң паза чібектен Аткини хайхастыг сибер сомнар чаяп салган. Ідөк ол графикада, скульптурада пілістіг уе полча.

Г. А. Аткининің хоостары иледе музейлернің чыындызында пар: Москвада паза Ленинградта, Ташкентте паза Кневте, Новосибирскте паза Алма-Атада, Абаканда паза Кызылда, Минсугда паза Суста. Ідөк аның тогыстарының көп сабазы пасха, чат чирлеріндегі музейлерде көзіділче: Делиде (Неруның сомы), Кабулда (Даудтың сомы) аннаң даа пасха. Аткини килкім портреттер хоостапча паза оох сомнар итче. Иледе орыс паза чат композиторларның омаларын хоосчы кічиг сом портреттерге кир салган: Чайковскийнің, Глинканың, Римский-Корсаковтың, Бетховеннің паза ан. пасха.

Аймах музейлерде паза учреждениелерде улуг үгреділіг кізілернің сомнары пар: Ломоносовтың, Мичуриннің, Тимирязевтің, Обручевтің, Самаркандтагы музейде, тізен, — узбек поэді, узбек литературазының төстегізі Хамид Алимжановтың сомы, Кневте — Тарас Шевченконың сомы.

Аткининің тогыстарынаң магаа Минсугдагы музейде танызарга киліскен. Ол полган Сибирь партизанның кыпке кірген командирі Щетинкиннің паза аның полысчызы Кравченконың сомнары. В. И. Лениннің 100 чазына Аткини иңчизі Анна Павловнаның хада В. И. Лениннің паза Н. К. Крупскаяның сомнарын хоостап салганнар. Пу Сибирьде ызыгдагы тусты көзітчеткен аарлыг портреттер сагам Сустагы мемориал музейінде чыылча.

1961 чылда Аткини соян партизанның устагчызы Кочетовтың сомын хоостап тоос салган.

Аткининің тогыстарында кізінің омазы, хылыгы иле. Ол кізінің тастындагы чүзін не көріп хоостабинча, кізінің чуртазып пілің, аның хылыгын кіленче.

Г. А. Аткини килкім паннолар, пейзажтар көп хоостап салган. Ол — Новосибирсктегі опера театрының паннозы, Навоннің адынаң Ташкенттегі опера театрының паннозы (пу панно сагам Делиде узбек артисттерінің Индия артисттеріне сыйыгы полча); Украинаның Россия пірігін 300 чыл толчатханына тимнелген улуг кибістің ортызын өлох хоостаан, ідөк Ленинград төстелгенінен неер 250 чыл толчатханына иділген улуг кибістің ортызын «В. И. Лениннің Петроградха килгенін» алтын чіпнең хоостаан. «Часхы», «Чайгы», «Күскү», «Хысхы» тіп адалчатхан панноларны хоосчы Ташкенттегі ученайлар Туразына иткен.

Аткнииниң хоозы чапсых, пасказынина тӱбӱ нимес полча, андаг даа полза, амгаа читіре аның илееде тогыстары санга алылбаан.

Сағам Г. А. Аткинн *Алма-Атада чуртапча*. Совет Союзында чібек-нең хоос сом идері — прикладной искусствоньың ин арам учурапчатхан кӱрими. Пу кӱримде Аткинниң узы ин пӱзік сиңге читкен. Чоохтирға кирек, андаг сиңге ол пурунғы хакас хоозының ондайын на адыстырып читпеен. Сынап таа, пурунғы чікті алыстырбин, хоос портрет итчеє чох полган, че олох туста агаа хоосха ӱнетін ӱгренині полсыхан. Портрет хоостирында чібек чачып ла пілгені асхынах, мында ӱнетін хоос пілі-віне ӱгренирге кирек алай кизінің пӱдізін, чарыхтың, ӱнернің ондайын, аннаң даа пасха кӱп нима пілерге кирек. Прай пу нима піліп тогынганы Аткинн-хоосчыны олаңай чібек сасчан устардан арон тургысча. Аннаңар Аткинниң тогыстарын олаңай чібек устарының хоозына тиңни аларга чарабинча. Иди хоосчы А. Калинин поэзының статьязында Г. Аткиннині олаңай чібек хоостаңнарнаң тиңнестірге. А. Калинин паза пасхалары даа, хоостың сині кӱдірілеріне сагысырабин, Аткинниң тогыстарында пурунғы хакас хоозы пір дее алыспаан тіп кӱрерге сагыңчалар.

Піс сагыңганда, пурунғы тоң хакас кибірлерің не киректенчеткен кизілер пӱўнгі хоостаң-узаңчаң искусствоньың ӱзеріне харыг полчалар. Олар кибір чачанга даа алыспас иде салыл парбинчатханың пілерге хынминчалар, кибір чуртас алысханынаң хада алысча, пӱўнгі кӱннің омазына килістіре кителче, ӱсче.

Ідӱк иргі хоньх саңай алыс парганы хоостаң-узаңчаңнарға теелбин халбинча, пурунғы сибер холлығларның хай пірее кӱримиңері халып таа одырча. Сынап таа, нимає киректір амды чазағлыг ат тирин, аймах ағас органнар. Чіт тее парды хоргамчылдаң урган хаңзалар, пірее-пірее ле учурапча сағам киистең сыраан кибістер, худаның, паа паланың тойға кисчең киттері.

Піс пілгенде, чонның, хоостаңнарның сиберін хайраллаң ӱскіріне Хакасияда улуг хайыг салылча. Пу сиберні орта оннирынаңар, аның мыннаң андар ӱзеріңер радиоча, телевидениече удаа чоох апарылча; ідӱк ӱгредіг программазына кирип, олғаннарны хоос-узаныспаң таныстырчалар. Че амгаа читіре хакастарның узанчаң-хоостаң сибері прай саринаң тирең ӱгренилбеени хомзыныстыг.

Аткинниң портрет хоостаң узынаңар чоохтирға кирек: чон хоозынаң тузаланып, Аткинн портрет хоостаң хайхастыг ус пол парганы — танығлыг, угаа арам учурапчатхан, чапсых нима.

г. Ленинград

Орystинаң тилбестеє И. Бутанасєва

ТАПТЫРҒАС

ИЛБЕК ОКТЯБРЬҒА 60 ЧЫЛ

В. А. Угужаков. Октябрь паза Хакасия ӧңзизи	3
Каркей Нербышев. Кӧгim хорымнарда. Романның ӱзiктер.	8
Николай Тиников. Сагым-кӧгic киргенi. Повестьтен ӱзiктер.	26

ИРГИ КОММУНИСТТЕРДЕНЕР СӖС

Семен Добров. Революция пурғуни чалында.	34
Семен Добров. Чалышныг от чалбыразы, чадыг пилбес харбас хулгазы.	49
Л. Р. Қылысов. Тiсепен Уроман	55
С. Е. Инкижеков. Ундулбас тогазыглар	59

ИЛБЕК ОКТЯБРЬНАҢ ЧАЗЫТТАР

Илья Буриаков. Тiсепен хылых	67
Г. Буриакова. Хакасияның саблыг хызы.	71
В. Бутанаев. Пӱӱн Соин-Сус ГЭС-те.	74

ОКТЯБРЬНЫ САБЛАПЧА ТАХПАХЧЫЛАР

Яков Тисперекон. Алнындагызын сагынзам.	76
Апанис Буриаков. Лениненер.	77
Никита Чӱстеев. Кӧстелiн сыххан кӱн осхас	—
Арина Клижекова. Чиримненер ыр	78
Григорий Коков. Чӱреем сабылып.	79
Григорий Коковнаң Евдокия Тыгдымаеваның тахлах айтызынаң кизек	—

СТИХТАР

Моисей Баннов. Хыян чиллернең хызыл мӧңi. Часхы сарыны	80
Валерий Майнашев. Қӱскӱ хазыц. П о э м а	81
Николай Тиников. Қӱскӱ кӧглерi. Морсыгас	86
Мария Ултургашева. Алгыс сӧзи	87
Валентина Тюкиникова. Кӧӧленгенiмнiң чуртазы	—
Геннадий Кичеев. Сiлiг харахтар	88
Валентина Шулбаева. Сымы мӱӱзи. Iкi пӧлiктiг драма	89

НАА ТІЛБЕСТЕГЛЕРДЕН

Сергей Есенин. Ипсі кізее пічим. М. Баннов тілбестеен . . .	120
Юшер Гасанбек. Ауам сырады. Стих. Орыс тілі настыра М. Баннов тілбестеен	122
Евгений Матросов. Ылачыннар төлі. Чоох. М. Баннов тілбес- теен	123

ОЛҒАННАРҒА

Михаил Кильчичаков. Олған-узахха тахнагастар. Иртеуіл Ироолах .	127
---	-----

КУЛЬТУРА ХОНИИ

Елена Абдина. «Ленин чолына» 50 час	129
Александр Черпаков. «Хара хус чылы»	132
Петр Каралькин. Хоостардаң портретке	135

